

# پھل سو منے حماں نعتاں دے



حمدیہ تے نعتیہ

ہنجابی  
رُباعیاں



محمد اقبال نجمی





بِسْمِ اللّٰهِ الرَّحْمٰنِ الرَّحِیْمِ

# پھل سونے کے حلال نعتیں

حمدیہ تے نعتیہ پنجابی رباعیاں

محمد اقبال نجمی



فروع ادب اکادمی

لاہور — گوجرانوالہ — اسلام آباد

### سبھے حق لکھاری دے را کھویں

نام کتاب : پھل سوہنے جہاں نعتاں دے

لکھاری : محمد اقبال نجمی

چھاپن ورہا : ۲۰۰۹ء

گنتری : اک ہزار

ہدیہ : [Redacted] روپے

کمپوزنگ : سجاد کمپوزنگ سنٹر، گوجرانوالہ

چھاپن والے : فروغ ادب اکادمی، گوجرانوالہ

فون : ۰۵۵-۳۲۵۱۶۰۳

سوہنے رب تے اوہدے پیارے حبیب ﷺ

دے ناں

جہاں مینوں حمد تے نعت دا نور عطا کیتا

پھل سوہنے حمداں نعمتاں دے مہکے  
چن تارے نوری راتاں دے مہکے  
دنیا دے رب تے طیبہ ماہی دے  
عابد گلدستے باتاں دے مہکے

ڈاکٹر بشیر عابد

## محبت تے عقیدت دا گلدستہ

محمد اقبال نجمی

رباعی چار مصرعیاں تے اساری جان والی مخصوص شعری صنف اے جہدے خاص اوزان میں جہاں وچ ایہ رچائی جاندی اے۔ رباعی فارسی زبان توں اُردو تے پنجابی زبان ول آئی اے۔ اُردو زبان وچ تے بہت سارے شاعراں رباعی لکھی اے تے کئیاں شاعراں دیاں خالص رباعی دے حوالے نال کتاباں وی شائع ہو چکیاں نیں ایہدے وچ نعتیہ رباعی دے پراگے وی شامل نیں، پر پنجابی زبان نال جڑے ہوئے شاعراں رباعی ول اے جے گھٹ دھیان کیٹا اے، چند کتاباں پنجابی رباعی دے حوالے نال شائع ہو چکیاں نیں جہاں وچوں بابائے پنجابی ڈاکٹر فقیر محمد فقیر تے صدیق تاثیر ہوراں دیاں کتاباں رباعی دے حوالے نال پنجابی ادب داماں ودھاندیاں نیں۔

رباعی لکھن لکھیاں شاعر واسطے عروضی جانکاری بڑی ضروری ہوندی اے ایس لئی وی پنجابی دے بہت سارے شاعر رباعی ول گوہ نہیں کر دے۔ میں پنجابی رباعی لکھن بارے جدوں سوچیا تے میرے ذہن دے اُفق تے حمد تے نعت دا چاٹنا کھل گیا تے انج میرے واسطے اک منزل دی نشان دہی کردتی گئی، میں جدوں پنجابی وچ حمدیہ تے نعتیہ رباعیاں لکھن دا ارادہ کیٹا تے فیر سوہنے مالک وٹوں تے پیارے مدنی من ٹھار آقا ﷺ ولوں نورانی کرناں دی بارش ہوندی گئی تے انج ”پھل سونے حمدان نعتاں دے“ دی شکل وچ پنجابی حمدیہ تے نعتیہ رباعیاں دا ایہ گلدستہ تیار ہو گیا۔

حمدیہ تے نعتیہ رباعیاں دا ایہ پراگا ”پھل سونے حمدان نعتاں دے“ میری محبت تے عقیدت دا گلدستہ میرے لئی عشق تے عبادت دا درجہ رکھدا اے۔ ایہ سوہنا گلدستہ تیار ہوون نال میرے دل دی وڈی سدھر پوری ہو گئی اے۔ اللہ سوہنے تے پیارے آقا ﷺ دی بارگاہ وچ ایہ نذرانہ پیش کر کے میں کتا کو خوش آں ایہدا بیان لفظاں وچ کرنا میرے لئی بڑا ای مشکل اے۔ ”پھل سونے حمدان نعتاں دے“ نوں میں اپنے ادبی سفر دا اک خاص امتیاز سمجھنا وں، بھادویں اشاعتی کتب دے حوالے نال ایہ میری سبتویں کتاب اے جہڑی چھپ کے تہاڈے ہتھاں تیک پہنچ رہی اے۔ اللہ کریم دے احساناں تے اوہدیاں دتیاں نعمتاں تے اوہدا شکر ادا کرنا بندے دے وس وچ نہیں کیوں جے بندہ بھادویں کتاوی وس لالوے اوہدیاں دتیاں ساہواں دا حق ادا نہیں کر سکدا پر جہاں بندے دے وس وچ اے اوہناں تے رب سوہنے دا شکر تے ذکر کرنا ای

چاہی دا اے۔ اوہدی حمد چتارن تے اوہدے پیارے محبوب ﷺ دی نعت آکھن دا سوہنا تے  
نویکلا کم جے بندے نوں مل جاوے تے مالک سوہنے دا ایہ اک ہو را احسان اے جہدے تے خوشی  
دے اتھرو دگانے پیندے نیں تے میں،، پھل سوہنے حمداں نعتاں دے،، پیش کردیاں  
ہوئیاں خوشی دے اتھرو دگا رہیاواں پئی مالک سوہنے نے ایہ سوہنا کم میرے کولوں لیا اے، میری  
دعا اے پئی اللہ کریم انج ای مینوں اپنی حمد تے اپنے پیارے محبوب نبی رحمت ﷺ دی نعت لکھن  
ول لائی رکھے۔ آمین

ایہناں اکھراں راہیں میں اپنے ججن ساتھی ڈاکٹر بشیر عابد ہوراں دا شکریہ ادا کرنا  
چاہواں گا جہاں کتاب تے بڑا پر مغز مضمون لکھیا جہڑا دیا چے دی صورت کتاب وچ نور و نڈ دا  
اے۔ رباعی بارے جانکاری حاصل کرن والے ایس مضمون توں چنگی لا بھ چک سکدے نیں۔  
ڈاکٹر بشیر عابد ہوراں میرے رباعیاں دے ایس مسودے نوں وی بڑی ڈونگھی نظر نال پڑھیا تے  
مفید مشوریاں نال نوازا یا ایہدے نال نال کتاب دے پروف پڑھن دی ذمہ داری وی بڑے  
احسن طریقے نال پوری کیتی۔ میں اپنے ججن غلام مصطفیٰ بسمل ہوراں دا وی ممنون آں جہاں کتاب  
بارے اپنی رائے توں نوازا یا تے میرا مان و دھایا۔ کتاب دی اشاعت بارے جہاں بزرگاں،  
دوستاں تے پیاریاں اپنی محبت تے خلوص دا ایثار بخشیا اوہناں وچوں پروفیسر محمد اکرم رضا، جناب  
ثاقب عرفانی، جناب سجاد مرزا، ڈاکٹر حفیظ احمد، جناب عاطف کمال رانا، جناب احسان اللہ طاہر،  
جناب محمد انور رانا، جناب طاہر سلطانی (کراچی)، جناب شاعر علی شاعر (کراچی) جناب اشرف  
سہیل (لاہور) تے جناب امجد شریف شامل نیں۔ میں سارے بجاں دیاں محبتاں تے اوہناں  
دا شکریہ ادا کرناواں پئی اوہناں کتاب دی اشاعت بارے اپنے پیارے محبت بھرے جذبیاں دا  
اظہار کیتا اے۔

.....☆☆.....



## پنجابی حمدیہ نعتیہ رباعیاں دا پہلا سنکھا مجموعہ

ڈاکٹر بشیر عابد

محمد اقبال نجمی ہوریں جتھے معروف شاعر، محقق، صحافی، مدیر تے لکھاری نہیں او تھے دو جیاں ادبی صنفاں اُتے لکھیاں گئیاں ڈھیر کتاباں دے وی مصنف نہیں۔ ایہناں اپنی حیاتی اُردو تے پنجابی دوہاں زباناں دی ترقی تے ترویج لئی وقف کر رکھی اے جس پاروں ایہ کوئی نہ کوئی نویں توں نواں ادبی کم چھو ہی رکھدے نہیں تے ایسے کارن کوئی وی نویں یا پرانی شعری صنف ایہناں دے فکری فنی کلاوے توں اپنا آپ دور نہیں رکھ سکدی۔ ایہناں دے نزدیک ادبی خدمت وچ جتھے انسانی عظمت اپنی پہچان کراندی اے او تھے اوہدے کردار دا شیش محل وی اُسار دی اے۔

علامہ نجمی ہوراں دا ادبی سفر مڈھ توں ای اسامی وسعتاں اُتے کمنداں پان دا چاہوان سی ایسے لئی ایہناں دی ہر شعری اثر ان بلندیاں دے پینڈے مار دی نظری آؤندی اے۔ حال وچ ایہناں نعتیہ قصیدے دے نال نال حمدیہ قصیدیاں دا پراگا پنجابی ادب دے بھنڈا روچ پیش کر کے جتھے اپنی فکری تے فنی وڈیائی داثبوت مہیا کیتا اے او تھے صنف رباعی جہڑی اک مشکل ترین صنف سخن متھی جاندی اے اوس نوں اپنے قلم دی زینت بنا کے پنجابی شاعری نوں اک ہور سلاہن جوگ مجموعہ دان کر رہے نہیں جہڑا ایہناں دی فکری انفرادیت نوں اجاگر کردا اے تے ایہناں دا ایہو ادبی سہن جدوں کتابی صورت وچ سامنے آؤندا اے تے اک معتبر حوالے دے نال ادبی کارنامہ وی متھیا جاند اے۔

ایہناں دی تازہ تے نویں پنجابی حمدیہ تے نعتیہ رباعیاں دی پلیٹھی دی کتاب ، پھل سوہنے حمد اہل نعتاں دے،، جہدے وچ (لا الہ الا اللہ محمد رسول اللہ) دے عددی حرفاں دے لحاظ نال جہڑے بمطابق حروف ابجد (۶۱۹) چھ سوانی نکل دے نہیں اوہناں دے حساب نال چھ سوانی رباعیاں لکھ کے شامل کیتیاں نہیں تے ایہ رباعیاں جتھے فن دی کلا دا جادو جگاندیاں نہیں او تھے اپنے خالق دی وسیع نظری تے قادر الکلامی دامونہ بولد اثبوت وی پیش کردیاں نہیں۔

محمد اقبال نجمی ہوراں دیاں رباعیاں دے فنی تے فکری محاسن تے خوبیاں بارے چائن پان توں پہلاں صنف رباعی بارے گل کرنی ایس لئی ضروری اے کیوں جے ساڈے پنجابی

شاعراں نوں رباعی دی تاریخ توں جانکاری وی ہو جائے تے نالے رباعی دے مخصوص وزناں بارے بھروسہ واقعی وی۔

پنجابی ادب وچ رباعی دا وجود نہ ہون دے برابر اے کیوں جے ایہ شعری صنف اپنی ترتیب تے ترکیب دی پیچیدگی تے اوکھائی پاروں ہر شاعر دی پکڑ وچ نہیں آندی ایسے لئی اُردو دے شاعراں وانگوں پنجابی شاعراں نے وی ایس ول گوہ نال نہیں دیکھیا سگوں ایس کولوں کئی کترا کے لنگھ گئے نیں۔ جے چارونچار کسے نے ایس صنف نوں ورتوں وچ لیا نداوی اے تے ایہدے مخصوص چوی وزناں وچوں جہڑے چار پنج سرل، پرچلت تے آسان وزن نیں اوہناں نوں موہرے رکھ کے رباعیاں لکھیاں نیں تے اوہناں وچوں وی اک وزن جہڑا لا حول ولا قوۃ الا باللہ دے تول تے پورا تر دا اے اوس نوں ای زیادہ توں زیادہ استعمال کیتا اے۔

گنجی ہوراں دیاں رباعیاں اُتے چائن پان توں پہلاں رباعی دی تخلیق تے وجہ تسمیہ اُتے چائن پانا ضروری ایس لئی اے تاں جے کجھ غلط فہمیاں دی دھوڑ نوں جھاڑیا جھنپیا جاسکے۔

رباعی اپنے لغوی مطلب پاروں لفظ ”رباع“ توں منسوب اے جہڑا مفہوم ”چار چار“ اے، مربع تے اربع جے اکھراں دامادہ وی اوہوای اے جہڑا لفظ ”رباعی“ دا اے تے اصطلاحی مفہوم وچ ایس توں مراد چار مصرعیاں اُتے اُساری گئی اک نکی جہی مخصوص شعری صنف اے۔

رباعی دی ایجاد بارے وکھریاں وکھریاں روایتاں ملدیاں نیں۔ رباعی دی ایجاد بھاویں غلطاں غلطاں ہی رودلپ گو،، توں ہوئی یا ایران دے ترانہ یا بیتی توں ترقی دیاں منزلاں طے کردی کردی رباعی دے مخصوص چوی وزناں دے آخری تے آخری شجرے تک جہڑا خواجہ حسن بن قطان خراسانی نے وضع کیتا سی دی ذہنی اختراع دا تکمیل نامہ بن کے اپنے وجود دا بھرواں اظہار کروایا جہڑا اپنے اندر مخصوص نو (9) مذاحف رکناں تے اک سالم رکن دے تال میل نال وقوع پذیر ہوندا اے۔ رباعی اپنی مڈھلی شکل وچ ترانہ، دو بیتی، چہار مصرعی یا دو بیتی دے ناں توں فارسی ادب وچ سامنے آئی جہڑی تاریخی لحاظ نال ارتقائی پینڈے کچھدی کچھدی موجودہ شکل وچ آج ساڈے سامنے موجود اے۔

رباعی خالص فارسی شعری صنف اے جہڑی پھیلدی پھیلدی فارسی دے ستاں دوراں اُتے محیط اے جہڑے سامانی، غزنوی، سلجوقی، ایلخانی، تیموری، صفوی تے قاچاری اکھواندے نیں تے ایہناں دوراں وچوں رباعی داسنہری دور سلجوقی دور متھیا جاندا اے۔ جیہدے وچ شیخ ابوسعید ابوالخیر، شیخ عبداللہ انصاری، عمر خیام، بابا طاہر عریاں تے شیخ فرید الدین عطار ورگے نابغہ روزگار



شاعر ایہدی سر بلندی لئی پیدا ہوئے تے ایہو دور ای رباعی دی عظمت، فصاحت تے بلاغت دا زیریں دور اکھواندا اے۔ رباعی نے ایسے سلجوقی دور وچ اپنے اندر ان گنت مضموناں نوں سمیٹیا جو عشق، فراق، فلسفہ، تصوف، شباب، رباب، معرفت، طریقت تے ایہو جئے ہو رہے شمار فکراں دے پھل کلیاں ایہدی زینت بنے۔ باباطاہر عریاں پہلے باغی شاعر نہیں جہاں رباعی دے مخصوص وزناں توں ہٹ کے اپنی مقامی فارسی بولی ”لری“ وچ رباعیاں لکھیاں جھڑیاں عام طور تے رباعیاں اکھواندیاں نہیں بھاویں اصل وچ اوہ دو بیتیاں نیں۔

رباعی بھاویں اک مشکل ترین شعری صنف منی جاندی اے پر فیروزی جے کوئی شاعر رباعی دے کجھ متھے گئے اصول یاد کر لوے تے ایہدے تے عبور حاصل ہو سکدا اے۔ رباعی نوں جھن لئی عروض دیاں کتاباں وچ کجھ طریقے وضع کیتے گئے نیں جہاں دا بیان کرنا اشد ضروری اے۔ کسے وی رباعی دے مصرعے وچ بحر ہزج دے چار رکن ضروری نیں جہاں وچ اک رکن سالم تے تن مذاحف رکن شامل ہوندے نیں کیوں جے رباعی بحر ہزج دے مخصوص سالم تے مذاحف رکناں دے وزن وچ ای لکھی جاندی اے۔ شروع شروع وچ رباعی دے چارے مصرعے ہم قافیہ وی ہوندے سن جھڑے فارسی توں لے کے اردو دے شاعراں دیاں رباعیاں وچ کدھرے کدھرے ملدے نیں۔ ایہو جہاں رباعیاں نوں مصرع رباعیاں یا غیر خصی رباعیاں آکھیا جاند اے پر زیادہ تر رباعیاں غیر مصرع یا خصی رباعیاں ای معروف تے مشہور نیں یعنی اوہ رباعی دے چار مصرعے جہاں وچ تن مقفی تے اک غیر مقفی ہوند اے۔ رباعی دی اوکھیاں نوں جھن واسطے مصرعے دے اجزاء چیتے رکھنے بہوں ضروری نیں جھڑے انج ہیں۔

جتنے ہر دن کلا قلندر ہووے

اجزا وزن: مفعولن فاعلن مفاعیلن فع

صدر حشو حشو عروض

ابتدا حشو حشو ضرب عجز

کیوں جے رباعی دے وزن چار ارکان اتے مبنی نیں ایس لئی ایہدے پہلے مصرعے دا پہلا تے آخری رکن صدر تے عروض تے دو جے مصرع دا پہلا تے آخری رکن ابتدا تے ضرب (عجز) تے وچکار لے دونویں رکن دو حشو اکھواندے نیں۔ ایس طرح عروضی حساب نال رباعی وچ کل دس رکن مستعمل نیں جہاں وچ اک سالم یعنی مفاعیلن تے باقی نوں مذاحف رکن نہیں جہاں دی عروضی ترتیب انج اے۔

- ۱۔ سالم رکن مفاعیلین ۲۔ مفاعیلن (مقبوض) ۳۔ مفاعیل (مکفوف) ۴۔ فاعلن (اشتر)
- ۵۔ مفعولن (اخرم یا محقق) ۶۔ مفعول (اخرم مکفوف محقق) ۷۔ فعول (اہتم) ۸۔ فعل (محبوب)
- ۹۔ فاع (ازل) ۱۰۔ فع (اثر یا محقق، محبوب)

مصرعے دے اجزا دے مطابق ایہناں دی ونڈ کجھ انج ہووے گی۔

- ۱۔ اوہ مذاحف رکن جہڑے صدر ابتداء تے عروض ضرب (عجز) وچ آؤندے نیں۔

صدر تے ابتدا      عروض تے ضرب  
مفعول، مفعولن      فعل، فعول، فاع تے فع

- ۲۔ اوہ مذاحف رکن جہڑے مصرعے دے پہلے تے دو جے حشو وچ آؤندے نیں۔

پہلا حشو: مفعول، مفعولن، مفاعیل، مفاعیلین، فاعلن، مفاعیلن  
دو جا حشو: مفعول، مفعولن، مفاعیل، مفاعیلین

ہن رباعی دا پہلا کلیہ جہدے تحت رباعی دے چوڑی وزن معلوم کیتے جاسکدے نیں اوہ عروض دیاں کتاباں وچ انج دسیا گیا اے۔

رباعی دے چار رکنناں وچ جے پہلے رکن دا آخری جز سبب واقع ہوندا اے تے فیر دو جے رکن دی ابتداوی سبب توں ہووے گی انجے ای جے رباعی دے پہلے رکن دا آخری جز وتد ہوندا اے تے فیر دو جے رکن دی ابتداوی وتد توں ای ہووے گی ایس طریقے نوں اہل عروض نے سبب پہ سبب تے وتد پہ وتد داناں دتا اے۔

رباعی دا اک مصرع ویکھو

مفعول، مفاعیل، مفاعیل، فعول

ایس دی دو حرفی (سبب) تے تن حرفی (وتد) دی ونڈ انج کیتی جاسکدی اے۔

مف.....عول / رمفا.....عیل / رمفا.....عیل / رمفعول

یعنی پہلے رکن دا آخری جز وتد اے ایس لئی دو جے رکن دا پہلا جزوی وتد آیا اے ایسے طرح دو جے رکن دا آخری جزوی وتد اے ایس لئی تیجے رکن دا پہلا جزوی وتد آیا اے تے ایسے طرح تیجے رکن دا آخری جزوی وتد اے ایس لئی چوتھے رکن دا پہلا جزوی وتد ای آیا اے۔

ایس توں واضح ہو گیا کہ جے کر رباعی دے کسے مصرع دا پہلا رکن سبب تے مکدا اے تے اوہ دو جا رکن سبب دے جز توں ای شروع ہوئے گاتے جے اوہ دو جا رکن وتد تے ختم ہوندا اے تے فیر تیجے رکن دا پہلا جزوی وتد توں شروع ہووے گا یعنی ہر رکن دے سبب توں بعد دو جے رکن



واجب لازمی سبب توں ای شروع ہووے گا یعنی سبب توں بعد سبب تے وند توں بعد وند واکلیہ ورتن نال رباعی دے چوی وزن بنائے جاسکدے نیں۔ ایسے وند وادو جا طریقہ ڈاکٹر جمال الدین جمال ہوراں نے اپنی عروض دی کتاب تفہیم العروض وچ رباعی دے چار بنیادی وزناں نوں تسکین اوسط دے طریقے نال رباعی دے چوی وزن کڈھن واکلیہ بڑا آسان بنادتا اے۔

تسکین اوسط توں مراد کسے بحر دے دور کناں وچ اکوتھاں تے لگاتار تن حرکتاں والے حرفاں دے درمیانے حرف نوں ساکن کر دین دا ناں اے جو یں رباعی دے دو تقاعیل وزن ویکھو۔

۱۔ مفعول، مفاعیل، مفاعیل، فعل (ہزج مثنیٰ اُخرِب مکفوف محبوب)

۲۔ مفعول، مفاعیل، مفاعیل، مفعول (ہزج مثنیٰ اُخرِب مکفوف اہتم)

ایہناں دونوں بنیادی وزناں دے رکتاں دی عروضی ترتیب ای کجھ انج دی اے کہ ہر رکن وچ آپے تن تن تھاں تے متواتر وند دے بعد وند آرہیا اے۔ جدول اسیں ایہناں رکتاں تے تسکین اوسط دا عمل کراں گے تے اوہدے رد عمل وچ جتھے جتھے وند دے بعد وند موجود ہووے گا او تھے او تھے سبب دے بعد سبب اوند اجاوے گا تے ایہو ای تسکین اوسط دا لازمی نتیجہ اے تے ایس نکلتے نوں سمجھنا رباعی لئی بہت ضروری اے۔ ایہناں دوہاں بنیادی وزناں چوں تسکین اوسط دے عمل نال مزید چودھاں رباعی دے وزن نکل آوندے نیں تے انج کل سولہ وزن بن جاندے نیں۔ جہڑے اٹھ تے شجرہ اُخرِب دے ہون گے تے اٹھ شجرہ اُخرِم دے۔ باقی دو ہور رباعی دے بنیادی وزن انج نیں جہاں دی ڈاکٹر جمال ہوراں نے ستاراں تے اٹھاراں نمبر دے کے نشاندہی کیتی اے جیویں۔

۱۷۔ مفعول، مفاعیل، مفاعیل، فعل (ہزج مثنیٰ اُخرِب مقبوض مکفوف محبوب)

۱۸۔ مفعول، مفاعیل، مفاعیل، مفعول (ہزج مثنیٰ اُخرِب مقبوض مکفوف، اہتم)

ایہناں وزناں وچ وی تن تن متحرک حروف متواتر دو دو تھاواں تے واقع ہوندے نیں ایس لئی ایہناں وزناں وچ دو تھاواں تے تسکین اوسط وارد ہوندی اے۔ ایہناں دوہاں بنیادی وزناں اتے تسکین اوسط دے عمل نال مزید چھ وزن نکل آوندے نیں تے انج کل چوی وزن بن جاندے نیں جہڑے چار وزن شجرہ اُخرِب تے چار وزن شجرہ اُخرِم دے وجود وچ آجاندے نیں۔ ڈاکٹر جمال الدین دا طریقہ قدرے آسان دکھالی دیندا اے پراہدے لئی رباعی دے چار بنیادی وزن یاد رکھنے ات ضروری نیں۔ جہڑے اُپر دے گئے نیں۔

ہن رباعی دے دونوں شجرے محمد اقبال نجمی ہوراں دیاں رباعیاں دے مصرعیاں نال پیش کیجے جاندے نیں تاں جے اُخرِب تے اُخرِم دے وزناں دی وند ہو جاوے۔

## رباعی دے شجرہ اخرب دے بار اں وزن

۱۔	مفعول، مفاعیل، مفاعیل، فاعل	سردار مرے پاک نبی پاک رسول
۲۔	مفعول، مفاعیل، مفاعیل، فعل	سرکار سدا خیر سدا خیر ملے
۳۔	مفعول، مفاعیل، مفاعیلین، فاع	سبحان تری ذات تراہر تھاں نور
۴۔	مفعول، مفاعیل، مفاعیلین، فع	اعجاز نبی پاک نوں ملیا سوہنا
۵۔	مفعول، مفاعیلین، مفاعیل، فاعل	مہکن گے سدا ای اوہ محبت دے گلاب
۶۔	مفعول، مفاعیلین، مفاعیل، فعل	اوصاف نبی دے لکھ تے لکھ نور نبی
۷۔	مفعول، مفاعیلین، مفاعیلین، فاع	دربار حضور دادوے جلوے خاص
۸۔	مفعول، مفاعیلین، مفاعیلین، فع	قدرت نے تری عجب اتارے جلوے
۹۔	مفعول، مفاعیلین، مفعول، فاعل	تسکین دلاں دی تے رحمت نیں رسول
۱۰۔	مفعول، مفاعیلین، مفعول، فعل	میری وی شفاعت مرے سرکار کرن
۱۱۔	مفعول، مفاعیلین، مفعولین، فاع	سرکار مرے نیں سبھناں توں ممتاز
۱۲۔	مفعول، مفاعیلین، مفعولین، فع	رستہ تے وفاواں دادیا اوہناں

## رباعی دے شجرہ اخرم دے بار اں وزن

۱۔	مفعولین، فاعلین، مفاعیل، فاعل	رحمت دے پھل چگاں پڑھاں درتے سلام
۲۔	مفعولین، فاعلین، مفاعیل، فعل	میرے اُتے کرو عنایت دی نظر
۳۔	مفعولین، فاعلین، مفاعیلین، فاع	طیبہ دی خاک چم لوں پاواں نور
۴۔	مفعولین، فاعلین، مفاعیلین، فع	سبھ دے مشکل کشا نبی سوہنے نیں
۵۔	مفعولین، مفعول، مفاعیل، فاعل	اعلیٰ اے کردار نبی پاک رسول
۶۔	مفعولین، مفعول، مفاعیل، فعل	سوہنے دے درتوں ای ملے نور ضیا
۷۔	مفعولین، مفعول، مفاعیلین، فاع	پیارے پیارے پاک نبی رکھ دے مان
۸۔	مفعولین، مفعول، مفاعیلین، فع	اُمت دے سلطان مدینے والے
۹۔	مفعولین، مفعولین، مفعول، فاعل	ہر ویلے ای میں لکھاں نعت درود
۱۰۔	مفعولین، مفعولین، مفعول، فعل	ونڈ داہراک تھاں رحمت نور نبی
۱۱۔	مفعولین، مفعولین، مفعولین، فاع	دلبر جانے دلبر دے سبھ انداز
۱۲۔	مفعولین، مفعولین، مفعولین، فع	اُمت دے لئی بخشش منکن والے



کچھ عروضیاں نے شجرہ اخرم دے اک وزن مفعولن، مفعولن، مفعولن، فاعلن پنجابی دے عرف عام وزن پنج فعلن جہڑا بحر متدارک دے سالم رکن فاعلن دے مذاحف رکن مقطوع یا مجنون مسکن (عین ساکن) وچوں نکلیا اے، دے تولّاں اُتے پورا لیا دے نیں تے ایس طرح پنج فعلن دی اک عروضی بحر بنالیندے نیں پر رباعی لکھن لکیاں ورتوں وچ عین ساکن دا خیال نہیں رکھدے تے ایس طرح اوہ سارے مصرعے یا شعر جہڑے مذاحف رکن مجنون غیر مسکن دے زمرے وچ آؤندے نیں اوہ ساقط الوزن دے کھاتے وچ پے جاندے نیں جے کسے شاعر ایس وزن وچ رباعی کہنی ہووے تے اوہ دے لئی ایس باریک نکلتے دا خیال رکھنا ات ضروری اے۔

اسیں جدوں پنجابی شاعری دے بھنڈار وچ رباعی دا وجود لکھنے آں تے باقاعدہ طور تے بابائے پنجابی ڈاکٹر فقیر محمد فقیر پہلا پنجابی رباعی دا عمر خیام نظر آؤندا اے۔ میں لمی بحث وچ نہیں پیندا تے بس ایہ ای آکھنا کہ رباعی صرف اوہ رباعی گنی تے متھی جاوے گی جہڑی رباعی دے چوی وزناں تے تولّاں اندر تخلیق کیتی گئی ہووے گی۔ باقی بھاویں کوئی کنا ای دعویٰ کرے کہ فلاں رباعی اے تے فلاں نہیں گل نہیں بن دی، جدوں کہ عروضیاں نے ایس دے مخصوص وزن متھ دتے نیں تے فیر اوہناں توں وکھریاں راہواں کڈھنیاں اُکا فضول کم اے۔ باقی ساڈے پنجابی شاعراں وچ اکھراں دا درست اچارن پرلے درجے دا وکھریا ہو یا شعری ذوق اے جس دا خیال وڈے وڈے قدبت والے شاعری نہیں کردے تے ایہ بڑے دکھ والی گل وی اے تے اکھراں دا بے دریغ قتل وی، ایس لئی لفظاں دے اچارن ویلے اوہناں دا تلفظ درست تے اعراب دے عین مطابق ہونا ہر حال وچ لازمی اے نہیں تے مصرع مقررہ بحر دے وزن توں خارج متھیا جاوے گاتے مزید ایہ وی اے جے مروجہ تقطیع دے اصول دے مطابق اکھری ورتوں دا خیال وی نہ رکھیا جائے تے اوہ شعری ترویا ہو یا ہووے گا۔

اردو تے پنجابی شاعری وچ غلط العوام ہر طرح دے چار مصرعیاں نوں رباعی آکھ دتا جاندا اے۔ بھاویں اوہ چوپائی، قطعہ یا چار مصرعی نظم ای کیوں نہ ہووے۔ جیویں حضرت علامہ اقبال ہوراں دے قطعیاں نوں وی رباعی آکھیا جاندا اے۔ مثلاً

بتا کیا تو مرا ساقی نہیں ہے  
ترے شیشے میں سے باقی نہیں ہے  
پاسے کو سمندر سے ملے شبنم  
بخیلی ہے یہ رزاقی نہیں ہے

دلوں کو مرکز مہر و وفا کر  
حریم کبریا سے آشنا کر  
جسے نانِ جویں بخشی ہے تو نے  
اسے بازوئے حیدر بھی عطا کر

ایہ سارا گورکھ دھندا عروض ذے علم تے رباعی دے مخصوص وزنوں توں ناواقفی دا نتیجہ  
اے۔ عروض دان اٹکل پچو نہیں مار دے اوہناں نے تے غالب جے آفاقی شاعر دی اک رباعی  
دے اک مصرعے دے وال دی کھلھ لاه دتی اے۔ غالب دی رباعی دیکھو۔

دُکھ جی کے پسند ہو گیا ہے غالب  
دل رک رک کر بند ہو گیا ہے غالب  
واللہ کہ شب کو نیند آتی ہی نہیں  
سونا سو گند ہو گیا ہے غالب

بقول علی حیدر طباطبائی، رباعی دے دو جے مصرعے وچ دو حروف رباعی دے وزن توں  
زیادہ ورتے گئے نیں جہڑے ناموزوں نیں۔ تے جے ایس مصرعے نوں انج لکھیا جاوے۔ دل  
رک کر بند ہو گیا ہے غالب، ایس طرح مصرعے تے درست ہو جاندا اے پر جہڑا زور تے معنی دل  
رک رک کروچ اے اوہ ختم ہو جاندا اے۔ ایہ گل ایس لئی ضروری لکھنی پئی اے کہ عروضیاں نے تے  
غالب ورگے بندے نوں معاف نہیں کیتا پر ایس پنجابی اپنیاں شعراں وچ اکھراں دے جھٹکے  
کردے جارہے آں فیروزی پرواہ نہیں کردے جدوں کہ شاعری وچ اکھراں دا صحیح اچارن ملفوظی  
تے زحافی بڑی اہمیت رکھدا اے سگوں شاعری دا شیش محل ای ایہناں اتے اسار یا جاندا اے۔

جویں کہ پہلے دنیا گیا اے کہ محترم نجمی ہوراں کلمہ شریف دی ابجدی ونڈ نال لا الہ الا اللہ  
دے عدد دے حساب نال 165 حمدیہ رباعیاں تے محمد رسول اللہ دے عدد دے حساب نال  
454 نعتیہ رباعیاں لکھ کے جتھے اللہ تعالیٰ دی بارگاہ وچ اپنی عبدیت دا اقرار کیتا اے او تھے حضور  
اکرم ﷺ دی جناب وچ اپنی عقیدت تے عشق دا نذرانہ بھجیاں پکاں نال پیش کیتا اے تے سچ  
پچھو تے ایہ دونویں ای اظہار دے نذرانے نجمی ہوراں دی حیاتی دا انملا سرمایہ نیں، ایہناں  
نذرانیاں دی ہر کلی تے ہر پھل نو یکلا تے من بھاؤ نا اے۔

علامہ نجمی ہوراں جتھے رباعیاں وچ خدائے وحدۃ لا شریک دی ربوبیت تے اوہدی خلاقی  
دے سوہلے گائے نیں او تھے نبی پاک اعلیٰ مرتبت حضرت محمد رسول عربی مدنی من شہاب ﷺ دی



جناب وچ نعتاں تے مدحتاں دے نویکے گلاباں دیاں پیتاں ورگے مصرعیاں تے شعراں نال  
اپنی عقیدت دا ڈھویا بڑے نرول جذبیاں نال پیش کیتا اے۔ اوہناں دیاں فنی تے فکری اُچیاں  
بارے چائن پاناوی ات ضروری اے جے پتا لگ سکے کہ اقبال نجی ہوراں جتھے فکر دے نورانی  
دیوے روشن کیتے نیں او تھے فن دے تاریاں دیاں لوواں وی اُجاگر کیتیاں نیں۔ نجی ہوراں  
رباعیاں وچ مولا سر جہار دی عبادت تے آقامنی سرکار دی محبت دا اظہار جتھے دہرایا اے او تھے  
دہران دے عمل وچ ہر وار ڈھنگ تے درتوں نواں رنگ تے نویں خشبو لے کے بصارت تے  
بصیرت نوں آگاہی، معرفت، محبت تے عقیدت دا ادراک مہیا کردی اے تے صدق، صفا تے  
ایمان دا شعور وی عطا کردی اے جو یں۔

مولا دی عبادت دے چکے پھل سوئے  
آقا دی محبت دے ملے پھل سوئے  
جو وزن رباعی چ اکٹھے کیتے  
اوہ نال عقیدت میں دھرے پھل سوئے

محمد اقبال نجی نے حمدیہ رباعیاں وچ اللہ تعالیٰ دی وحدانیت تے اوہدی ذات نوں کائنات  
دا خالق آکھ کے ایہ نکتہ دسیا اے کہ توحید دا مطلب دراصل اللہ تعالیٰ نوں کائنات دا خالق تے  
مالک سمجھنا تے اوہدے نال نگھی محبت تے مکمل اطاعت دا گوڑھا رشتہ قائم کرنا اے۔ ایہ توحید ای  
بندے نوں نویں تخلیق عطا کردی اے۔ توحید نال ای بندے دیاں ناڑاں وچ خون بجلی دا نگوں  
دوڑن لگ پیندا اے تے بندہ اوہدی راہ وچ ترکھا ہو کے جُت پیندا اے تے اوہدے اندروں ہر  
طرح دا خوف تے شک نکل جاندا اے تے بندہ عمل دے جذبے وچ ڈب جاندا اے پر ایہ جذبہ  
حضور پاک صاحبِ لولاک ﷺ نال بھیج کے عشق کرن نال حاصل ہوندا اے۔ مولانا ظفر علی خاں  
نے اپنے اک شعروچ ایسے گل نوں انج واضح کیتا اے۔

مسلماناں ہے تو دنیا میں خدا کا نور پھیلا دے  
حریمِ خواجہ یثرب سے مٹی کا دیا لے کر  
علامہ اقبال نے توحید دی وضاحت کردیاں رموزِ بے خودی وچ انج فرمایا اے۔

دین ازو، حکمت ازو، آئیں ازو  
زور ازو، قوت ازو، تمکین ازو

ترجمہ: توحید ہی سے دین، حکمت، آئیں، زور، قوت اور تمکین حاصل ہوتے ہیں۔ اللہ تعالیٰ نے  
قرآن مجید وچ لوکاں نوں سمجھان لئی توحید دا مسئلہ بڑے سہل تے سادا ڈھنگ وچ بیان کیتا اے

جہدے وچ کسے قسم دی ڈہنی گھنجلک دی اکا گنجائش نہیں۔ ایہدے ثبوت لئی سورت المؤمنون، سورۃ الاحقاف تے سورۃ النمل دیاں آیتاں دی تلاوت کریئے تے خدا دی وحدانیت اگے خود بخود سر جھک جاندا اے۔ اوہ ایس لئی پئی وسیع کائنات وچ جے کوئی ہو ردو جا خدا ہوندا تے دھرتی تے انہر کدوں دے فساد دی نذر ہو جاندا جہدوں کہ اسیں دیکھنے آں زمین آسمان وچ کوئی فساد نظر نہیں آؤندا انج لگدا ایہ جیویں کسے دڈے محکم نظام نے ایہناں نوں سنبھالیا ہو یا اے۔ ایہتھوں اے تے نکلا اے کہ زمین آسمان دا سرجن ہار تے خالق صرف اک ای خدا اے جہڑا قادر وی اے علیم تے حکیم وی اے۔

نجی ہوراں دا دینی تے اسلامی مطالعہ بڑا وسیع تے گہرا اے ایسے لئی ایہناں دیاں حمدیہ رباعیاں وچ عقیدہ توحید دے نورانی جلو یاں دے لشکارے تھاں تھاں ویکھ سکے آں۔

پھیرے جے نظر تے اوہ مٹاوے منظر  
ہر آن نویں سانوں دکھاوے منظر  
مختار تے مالک اے اوہ قادر مولا  
کن آکھ کے لمحے ہچ بناوے منظر



مالک توں جہانناں داتے میرے دل دا  
مرضی جے تری ہووے تے پتہ مل دا  
محتاج زمانہ اے ترا سبھ جانن  
چاہویں جے توں فر نور اُجالا مل دا



ہمسر نہ ترا کوئی نہ ہم نام اللہ  
قبضے چ ترے صبح آتے شام اللہ  
سلہ تے ترا چلے خدائی بھر وچ  
سوہنا توں کریں میرا وی انجام اللہ



مالک اے جو صفتاں دا اوہ اللہ سوہنا  
رازق اے جو سمجھناں دا اوہ اللہ سوہنا  
اوسے دی سدا حمد چتارن سارے  
حاکم اے جو حکماں دا اوہ اللہ سوہنا



اقبال نجمی ہوراں پنجابی رباعیاں وچ اسلامی تلمیحات نوں بڑے سنکھے تے سوئے انداز  
نال شعراں دیاں لڑیاں وچ سجایا اے۔ جہاں وچ اسیں حضور اکرم ﷺ دی سیرت مبارکہ دے  
نورانی جلویاں دا جی بھر کے نظارہ کر سکے آں۔ مثال وجہوں کجھ رباعیاں دیکھو۔

واقعہ حضرت ابراہیم خلیل اللہ تے نمرود دی چجادے تاظر وچ  
مقصود مرا اوہ اے جو وٹدے رحمت  
معبود مرا اوہ اے جو دیوے چاہت  
گلزار بنادے اوہ بھڑک دی آگ نوں  
موجود فقط اوہ اے اوہ رکھے قدرت

انج ای غار حراتے غارِ ثور دا ذکر کر کے پہلی وحی دل اشارہ اے۔ جیہڑا اقرار باسم رب  
الذی خلق دی صورت وچ حضور پر انوار محمد رسول اللہ ﷺ ہوراں نوں نبوت دا منصب عطا کیتا  
گیا تے ہجرت ویلے جدوں غارِ ثور وچ یارِ غار صدیق اکبرؓ ہوراں نوں لا تحزن ان اللہ معنا  
فرمایا ایس دل اشارہ کردے نیں۔

اقرار دی شہادت تھیں حرا اے روشن  
انج ثور تے آقا دی نوا اے روشن  
اوہ نال خدا اے جو حفاظت کردا  
سرکار دا ہر قول دعا اے روشن

نبی آخر الزماں حضرت محمد عربی ﷺ دے معجزیاں وچ جن دے دوکھن ہون، ڈبڈے  
سورج دے پچھاں مڑن، رکھاں دا چلن تے کنکراں دے کلمہ پڑھن دی حقانیت دا اظہار نجمی  
ہوراں دو نعتیہ رباعیاں وچ انج کیتا اے۔ ایہناں وچ اظہار دانواں پن دیکھو۔

انگی دے اشارے تھیں جو جن نوں توڑن  
ڈبڈے ہوئے سورج نوں جو کچھے موڑن  
آئے اوہ آساڈے لئی مسیحا بن کے  
آئے اوہ خدائی نوں خدا تھیں جوڑن



سبھ بھید حیاتی دے تساں ای کھولے  
رکھڑ کے جے آئے نیں تے پتھر بولے  
اوہناں نے شفاعت دا وثیقہ پایا  
در آپ تے جہاں نے وی اتھر درولے

ایسے طرح حضرت محمد عربی ﷺ دی شان و رفعتاں لک ذکرک تے ختم نبوت بارے وی رباعیاں ملدیاں نیں جہڑیاں آپ حضور ﷺ دی عظمت دی گواہی دے رہیاں نیں۔

آقا دا خدائی چج اے رتبہ اچا  
اس شان نوں کوئی دی گھٹا نہیں سکدا  
ایہ شان،، رفعتاں لک ذکرک،، کہہ کے  
ہر ویلے خدا آپ دواہندا رہندا

☆

رحمت اے نہ رافت اے تہاڈے جیسی  
سیرت اے نہ صورت اے تہاڈے جیسی  
آئے تے نیں لکھاں ای نبی اللہ دے  
پائی نہ نبوت اے تہاڈے جیسی  
نبیاں دے سردار نبی پاک ﷺ دا اک ایہ معجزہ وی اے کہ آپ دے حکم نال کنکراں واکلمہ  
پڑھ کے آپ دی رسالت دی گواہی دینا۔ نجمی ہوراں ایس معجزے نوں وی رباعی وچ ”نظمایا  
اے۔ اوہدا نوں یکلہ ڈھنگ ملاحظہ ہووے۔

آقا دی گواہی عنی پتھر بولے  
مٹھی چج ابو جہل دی کنکر بولے  
جس شے تے پیا آپ دا جلوہ نوری  
اُس شے چوں حقیقت دا اے جو ہر بولے

انج تے سرور کائنات فخر موجودات حضرت محمد مصطفیٰ ﷺ ہوراں دے معجزیاں دی تعداد  
حدوں ودھا اے پر نجمی ہوران نے آپ دے مشہور معجزیاں نوں اپنیاں رباعیاں وچ نظمیاں  
پڑھن تے سنن والیاں دے ایمان وچ اضافہ تے روحاں نوں تازگی وندی اے۔  
نجمی ہوراں دیاں نعتیہ رباعیاں وچ سبھ توں اگھڑویں شے ایہناں دا حضرت محمد  
مصطفیٰ ﷺ نال والہانہ عشق اے جہڑا تھاں تھاں دلہاں ماردا نظر آؤندا اے۔ خدادے محبوب  
مرسل محمد عربی ﷺ نال ایہناں دا عشق تے اوہدے سوئے شہر مدینے نال لگاؤ نجمی ہوراں دیاں  
رباعیاں وچ ایمان نوں تازگی تے روح نوں روحانیت وندا محسوس ہوندا اے۔ جویں علامہ اقبال  
ہوراں حضور پاک ﷺ نال عقیدت تے عشق دا اظہار کیتا اے۔

ع..... سرمہ ہے مری آنکھ کا خاکِ مدینہ و نجف  
ع..... خاکِ یثرب از دو عالم خوشتر است



نجمی ہو ریں وی ایسے طرح رباعیاں وچ اپنی عقیدت تے سرمستی دا اظہار کردے نظریں  
آوندے نیں۔

طیبہ دی خاک چم لوں پاواں نور  
سوہنے دی جد نعت کہواں پاواں نور  
دل اکھیاں نوں ملے گی سرشاری فیر  
طیبہ نگری میں جا بہواں پاواں نور



رحمت دے پھل چگاں پڑھاں درتے سلام  
روضے دے سامنے رہواں بن کے غلام  
لکھاں میں نعت آپ دی پاک رسول  
ہو جائے زندگی مری انج تمام  
اک جگہ علامہ اقبال ہو ریں سرور کائنات ﷺ دے حضور مناجات کردیاں ہو یاں انج عرض گزار  
دے نیں۔

گردلیم آئینہ بے جوہر است  
در بجز کم غیر قرآن مضمحل است  
پردہ فانوس فکر پاک کن  
ایں خیاباں را زخارم پاک کن  
روز محشر خوار و رسوا کن مرا  
بے نصیب از بوسہ پاک کن مرا

ترجمہ: اے اللہ دے رسول محمد ﷺ جے میرے دل دی مثال اوس آئینے وانگوں اے جس وچ  
کوئی جوہر ای نہ ہووے تے جے میری شاعری وچ قرآن مجید دے سوا کسے ہو رے دی ترجمانی  
اے تے آپ ﷺ سچی سرکار میری فکر دا پردہ چاک کردیووتے ایس چمن نوں میرے جے کندھے  
توں پاک کردیو۔ ایس توں ودھ ہو ر قیامت دے دن مینوں ذلیل و خوار کرن دے نال اپنی قدم  
بوسی توں وی محروم کردینا۔ حضرت اقبال اپنے عشق دا اظہار کئی عاجزی تے انکساری نال کر رہے  
نیں۔ ایہ گلاں اپنے عشق نوں ہو ر پکیرا کرن واسطے چھوہندے نیں تاں جے حضور نبی کریم ﷺ  
دی نظر کرم نال حیاتی دی کاپاپٹ جاوے۔ ایسے ای عشق دا ذکر زبور عجم وچ انج کردے نیں۔

عشق را نازم کہ بودش را غم نابود نے  
کفر او ز نار دار حاضر و موجود نے

عشق اگر خرماں دہے از جان شریں ہم گزر  
عشق محبوب است مقصود است و جاں مقصود نے

ترجمہ: (۱) مینوں اپنے عشق اُتے نازاے کہ اوہ دے وجودنوں مٹ جان دا غم نہیں، ایس لئی کہ اوہ  
زمان تے مکان دی زنارداری دے کفرتوں پچیا ہو یا اے۔ (۲) جے عشق حکم دیوے تے جان  
شریں توں وی گزر جاں۔ عشق ساڈا محبوب تے مقصود اے جان تے عارضی شے اے۔  
نجمی ہوراں دیاں نعتیہ رباعیاں وچ اقبال ورگا تصورِ عشق تھاں تھاں لشکارے ماردا دکھالی  
دیندا اے۔ کجھ رباعیاں ملاحظہ ہوں۔

دل تے میں محمد ﷺ دا ای ناں اے لکھیا  
ہونٹھاں تے مرے صل علی دا کلمہ  
جد موت ملے مینوں تے ہووے سانویں  
نجمی اوہ مدینے دا ای سوہنا نقشہ

☆

روضے دا نظارہ اے تے بھجیاں اکھیاں  
اوہ نور دی جالی اے تے جھکیاں اکھیاں  
اتھراں نے مرے خوب دعاواں منگیاں  
قدیم چ آقا دے نیں روئیاں اکھیاں

☆

سبھ دے تسیں مقصود جے میرے آقا  
حامد اُتے محمود جے میرے آقا  
رونق اے جہانں دی تہاڈے پاروں  
سمہناں لئی مسعود جے میرے آقا

☆

سرکار دے در تے جو بہاندے اتھرو  
بیکار کدے وی نہ اوہ جاندے اتھرو  
انمول خزانے نیں ایہ چاہت والے  
توقیر دلاں دی ایہ ودھاندے اتھرو

پرنجمی ہوراں دی چاہت، عقیدت تے عشق دارنگ بعضاں توں دکھراتے انتاں توں  
ودھ نکھاتے گوڑھا اے ایہدی وجہ ایہ دے کہ ایہناں اپنے عشق دا اظہار مڑ مڑ کے دہرایا اے تاں

111209

جے کسے پڑھن سنن والے نوں کوئی مغالطہ نہ رہ جاوے مگر ایہناں دے دہران دے عمل وچ وی  
نواں پن جھاتیاں ماردا نظری آؤندا اے۔ جویں

اکھیاں چ مدینے نوں وسا کے رکھیاں  
گلشن میں سدا دل نوں بنا کے رکھیاں  
سرکار دی مدحت دے میں نوری جلوے  
اک تاج بناواں تے سجا کے رکھیاں

☆

دربار اے آقا دا بڑا ای سوہنا  
عظمت اے جہدی عرش توں اعلیٰ بالا  
جنت توں وی سوہنی اے اوہ سوہنی دھرتی  
اللہ دے محبوب دا جتھے جلوہ

☆

دل یاد تھیں سوئے دا مدینہ بن دا  
پتھر وی محبت تھیں مگینہ بن دا  
آقا دی جو حرمت دا فدائی ہووے  
اوہ شخص تے اُمت دا سفینہ بن دا

اپنے عشق نوں مدینے دی منزل متھ لینا تے فیراوتھے جھگی پالین دا جذبہ تے اوہناں دے  
دربار دی غلامی دا شرف حاصل کرن دی دلیل اک سچے عاشق کولوں ای لہجہ سکدی اے پر ایہ عشق  
ہاری ساری نوں حاصل نہیں ہوندا اوہ ایس لئی

کہ عشق آساں نمود اول ولے افتادہ مشکل ہا

والی گل اے۔ کیوں جے حضور ﷺ دی سنت تے چلنا تے قائم رہنا ای اصل ایمان اے  
تے ایہدی پاسداری کردیاں ہو یاں وی کمی رہ جائدی اے۔ ایسے واسطے نجی ہو ریں اللہ سوئے  
اگے انج دعا کر دے نیں۔

محبوب دی سنت تے چلا دے مولا!  
قرآن دا قاری وی بنا دے مولا!  
ایمان دی دولت دا اے طالب نجی  
دل ایس دا ستا اے جگا دے مولا!



سارے نعت گو شعراں نے جتنے اپنیاں نعتاں وچ حضور اکرم ﷺ دے اوصاف، شمائل تے معجزات تے مدینے دا ذکر کیا اے او تھے گنبد خضریٰ نوں اکھیاں دی ٹھنڈک آکھیا اے۔ نجمی ہوراں دی گنبد خضریٰ دی تعریف وچ اک رباعی دیکھو، پڑھ کے ایمان تازہ ہو جاندا اے۔

اکھیاں دا اُجالا اے اوہ ساوا گنبد  
انوار دا بہالا اے اوہ ساوا گنبد  
مرکز اے محبت دا دلاں دا چائن  
عظمت دا ہمالا اے اوہ ساوا گنبد  
تے اک رباعی مدینے دے بے مثال حسن بارے وی پڑھ لو۔  
دھرتی نہ فلک کوئی مدینے ورگا  
موتی نہ کوئی ایس نگینے ورگا  
رب ایس دا درجہ اے ودھایا سبھ توں  
کوئی نہ مدینہ اے مدینے ورگا

نجمی ہوری جدوں ذکر رسول پاک ﷺ چھیڑ دے نیں اوہناں دیاں پلکاں عشق دے سوز تے گداز وچ بھیج جان دیاں نیں تے اوہناں دالوں لوں آقا کالی کالی والے ﷺ دے ذکر تے توصیف وچ مسحور ہو جاندا اے۔ کجھ رباعیاں وچ اوہناں دے عشق، پیار، تے عقیدت دا چھلاں ماردا نظارہ تسیں وی دیکھو۔



سامان شریعت دا نبی دی اُلفت  
عنوان حقیقت دا نبی دی نسبت  
قربان کراں جان نبی دے ناں تے  
ایمان دی دولت اے نبی دی چاہت



میں نور عقیدت تھیں اُجالے ونڈاں  
جو عشق چ لکھے اوہ مقالے ونڈاں  
خیرات جو مدحت دی ملی اے مینوں  
اک شوق اے اوہنوں میں دوالے ونڈاں



آقا دی ثنا خوانی اے دولت میری  
 لکھناواں میں نعتیں ایہ دے عزت میری  
 سوہنے دے تصور تھیں سجاواں محفل  
 ایہ عشق خزینہ ای اے چاہت میری  
 حضرت مولانا الطاف حسین حالی ہوراں سرور کائنات ﷺ دے حضور اپنے دورِ غلامی  
 دے حالات دیکھ کے دعا کہیتی سی۔

اے خاصہ خاصانِ رُسل وقت دعا ہے  
 اُمت پہ تری آ کے عجب وقت پڑا ہے  
 نجمی ہوریں وی سرکارِ دو عالم ﷺ دی جناب وچ انج عرضاں گزار دے نیں۔  
 میں در تے تہاڈے آں ثناواں کردا  
 بخشش دے لئی آقا میں دعاواں کردا  
 سن دے او گنہگار دے دل دی گل نوں  
 میں نال ندامت دے صداواں کردا  
 تے فیر اپنے روندے ہوئے دل تے اتھر و بھریاں اکھیاں نال ایہ آکھ دے نیں۔  
 تیرا وی سہارا نہیں اوہ کملی والے  
 میرا وی سہارا نہیں اوہ کملی والے  
 اوہناں دا ای ناں دل نوں تسلی دیوے  
 سمجھناں دا سہارا نہیں اوہ کملی والے  
 نجمی ہوراں اپنیاں رباعیاں وچ حضور پاک ﷺ دے صفاتی نانواں نوں وی بڑے سچے  
 تے سنکھے ڈھنگ نال لیاندا اے جہڑے سچے موتیاں وانگوں ڈلھکاں مار کے دلاں وچ نوری چاننا  
 کھلار دے نیں۔

مختار نبی پاک نہیں مالک مولاً  
 دتے نہیں خزانے پیا وٹڈے سوہنا  
 قاسم نہیں نبی پاک لٹاندے رحمت  
 شاہد نہیں نبی پاک تے کلمہ سوہنا



اعلیٰ نبیٰ اولیٰ نبیٰ طیبؐ طاہرؐ  
اکملؐ نبیٰ کاملؐ نبیٰ سبھ دے ناصرؐ  
ناطقؐ نبیٰ عالمؐ نبیٰ حجتؐ وی نہیں  
مصبحؐ وی فاتحؐ وی سبھ دے رہبرؐ

☆

یسینؐ وی طہؐ وی نبیٰ صادقؐ سوئے  
مومنؐ وی مبلغؐ نبیٰ عظمتؐ والے  
برہانؐ وی سلطانؐ وی میرے آقاؐ  
منصورؐ وی ناصرؐ وی نہیں رحمتؐ وند دے

☆

آقاؐ نہیں غنیؐ ایسے جو دامن بھر دے  
آقاؐ نہیں صفیؐ نور دے چشمے وند دے  
تسکینؐ دلاں دی تے ہدایتؐ سونی  
آقاؐ نہیں ہیؐ سوئے حفاظتؐ کردے

☆

عجمیؐ وی نہیں عربیؐ وی قریشیؐ آقاؐ  
کئیؐ وی نہیں مدنیؐ وی ترازیؐ آقاؐ  
ہر پاسے نبیؐ پاکؐ نے جگمگؐ کیتی  
شافعؐ وی نہیں خاتمؐ وی حجازیؐ آقاؐ

☆

اولؐ وی نبیؐ پاکؐ نہیں سیدؐ سرورؐ  
آخرؐ وی نبیؐ پاکؐ نہیں بہترؐ برترؐ  
عرشاںؐ دی بلندیؐ تے وی کردے جلوے  
فرشاںؐ تے وی ناںؐ آپؐ دا پاکؐ معطرؐ

کہہدا کہہدا شوقاں بھریا پہلواے جہز انجی ہوراں رباعیاں وچ نہیں سجایا۔ خدا تعالیٰ دی  
عبادت دے سارے ڈھنگ تے حضور اکرم ﷺ مدنی مابھی دی رسالت دے سارے رنگ



پھلاں تے خشبوواں وانگوں روحاں وچ ایمان دیاں تجلیاں کھلار دے دکھالی دیندے نیں تے دنیا  
 نوں خدائی خدائی تے رسول عربی ﷺ دی مصطفائی داسنیہا ایہناں دے فکر تے فن دے حرف  
 حرف تے لفظ لفظ وچوں مہکد املد اے۔ نجی ہوراں دے فکر تے فن وچ معیار تے اظہار دے  
 پاکیزہ تے پوتر نمونے رباعیاں وچ گلاب دیاں شبنم دھوتیاں پیتاں وانگوں احساساں تے ذہناں  
 نوں حیاتی گزارن دا ڈھنگ وی مہیا کر دیاں نیں تے طریقہ وی۔ نجی ہوراں دی ہر رباعی اک  
 گلاب تے ہر رباعی اک قندیل ہر مصرع اک چراغ تے ہر شعر اک شہستان اے۔ ایہناں دے  
 نزدیک خدا تعالیٰ دی حمد تے سرور دو جہاں ﷺ دی نعت ای حیاتی دانور تے ساہواں داسرور  
 اے۔ ایہناں جس شدت تے جذبے نال نعت نوں اُجاگر کیتا اے اوہ ایہناں دا ای حصہ اے۔

نجی ہوراں دے فنی سہن تے بے نظر ماریے تے اک چیتر باغ کھڑیا دکھالی دیندا  
 اے۔ تشبیہاں، استعاریاں، تہنسیاں، تلمیحاں، رمزوں تے کنایاں نال رباعیاں دے باغ دی ہر  
 شہنی تے ہر کرنل لدھی ہوئی ملدی اے۔ کجھ فنی خوبیاں تے خوبصورتیاں ونگی لئی پیش کیتیاں  
 جاندیاں نیں۔ لفظی ترکیباں وچ جیویں شوق دا دریا، دروداں دی ڈالی، رحمت داسایہ، پیار دی  
 خشبو، نور دی بارش، جستجو داسفر، مہر دی بدلی، رحمت دایمنہ، فکراں دی چاننی، علماں دی روشنی، تے انج  
 ای لفظی تکرار دیاں ترکیباں جویں، منظر منظر رحمت، چائن چائن فکراں دے نال نال الفاظ دے  
 تکرار احسن بے مثال اے جیویں نس نس، رگ رگ، لوں لوں، نظر نظر، نگر نگر، عالم عالم، شبنم شبنم،  
 پیہم پیہم، چمن چمن، مہک مہک، چمک چمک، دمک دمک اتے سوہنے سوہنے جے لفظاں دی سندرتا  
 طبع اتے جادو جہی کر دیندی اے۔ کجھ رباعیاں ایس ثبوت لئی حاضر نیں۔

لوکی سارے مہک مہک اُٹھے نیں  
 نوری تاری چمک چمک اُٹھے نیں  
 آقا سوہنے کمال کر دتا اے  
 بجھے چہرے دمک دمک اُٹھے نیں



تیری قدرت چمن چمن تیرا راج  
 تیری مدحت خن خن تیرا راج  
 توں ای پروردگار توں سبھ دا مان  
 تیری حکمت سمن سمن تیرا راج

نجی ہوراں دیاں رباعیاں وچ فنی کلا احسن بھرویں انداز نال موجود اے جہڑا تھاں تھاں

اپنے دل کچاں مار داملداے۔ ایہو وجہ اے کہ ایہناں دیاں ایمان افروز رباعیاں پڑھ کے من  
نوں ربی شانتی تے روح نوں مصطفائی سکون حاصل ہونداے۔ اقبال نجی ہوراں جتھے بوہت  
سارے فنی ڈھنگاں نوں ورتوں وچ لیاندالے اوتھے اک ہور فنی مہارت توں کم لے کے رباعی  
دے ہر مصرع وچ اکو لفظ دی تکرار نوں بڑا با معنی اپنے اسلوب دا حصہ بنایا اے۔ جیویں

سرکار دی عظمت دے ترانے گائیے  
سرکار دی چاہت وچ مقالے لکھیے  
سرکار دے حکماں تے پنچھاور ہوئیے  
سرکار دی سیرت توں ہدایت لہیے

☆

اک نور وظیفہ اے جو رکھے روشن  
اک پیار دا دریا اے جو بھر دا دامن  
اک مہر دی بدلی اے جو رہندی سرتے  
اک لطف سراپا اے جو بن دا ضامن

☆

دربار حضور دا دے جلوے خاص  
دربار حضور توں ملن رتے خاص  
دربار حضور دا شفاعت دا نور  
دربار حضور تے بن لہجے خاص

نجی ہوراں اپنیاں رباعیاں وچ کدھرے کدھرے استادانہ فنی استاکاری توں وی کم لیا  
اے جہڑا سہل ممتنع وانگوں بگداتے آسان اے پر جہڑوں کرن لگیے تے عاجزی توں سوا کچھ وی ہتھ  
نہیں آوند یعنی ایہناں نے رباعیاں دے مصرعیاں دے حشو اوّل وچ ردیف دے نال نال دو  
قافیے استعمال کیتے نہیں جہڑے بڑے نوکلے تے من کچھویں نظری آوندے نیں۔ نجی ہوراں نے  
ایس فنی کلا دے جادو نوں وی بڑے سچے تے اچھوتے ڈھنگ نال جگا کے اپنی قادر الکلامی دا یقیناً  
لوہا منوایا اے۔ ثبوت لئی کچھ رباعیاں داردلفی سپہن ملاحظہ ہووے۔

دھرتی تے گنگن وچ تری مشعل بلدی  
ہر روح بدن وچ تری مشعل بلدی  
پاندے نیں نمو یاد جو تینوں کردے  
دنیا دے چمن وچ تری مشعل بلدی

حامد نے صداواں تھیں جلایا اے چراغ  
ساجد نے ثناواں تھیں بنایا اے چراغ  
عابد نے بڑی فکر تھیں پایا عرفان  
زاہدنوں عطاواں تھیں دکھایا اے چراغ

☆

تیری قدرت چمن چمن تیرا راج  
تیری مدحت سخن سخن تیرا راج  
توں ایں پرور دگار توں سبھ دا مان  
تیری حکمت سمن سمن تیرا راج

☆

عزت اوہو عزت اے جو دیوے مولا  
طاقت اوہو طاقت اے جو دیوے مولا  
بیکار نہیں جھیرے ایہ زمانے بھر دے  
نعمت اوہو نعمت اے جو دیوے مولا

☆

رحمان ایں توں اُجال دے سانوں وی  
سبحان ایں توں کمال دے سانوں وی  
الفت دا تری جام چلی پھر دے  
ذیشان ایں توں جمال دے سانوں وی

محمد اقبال نجمی ہوراں دے عشق دے کجھ وکھرے تے نویکے ڈھنگاں تے رنگاں دا نظارہ

دی کرو تے اپنے ایمان نوں رشناؤ۔

آقا نوں دروداں دے میں تحفے گھلاں  
آقا نوں سلاماں دی میں پکھڑی جھلاں  
سانویں میں موابہ دے سلاماں کہہ کے  
قدمین چ بیٹھاں تے سداواں گلاں



مولا نے کرم خاص اے کیا نجھی  
جد جام شفاعت دا میں پیتا نجھی  
مکے چ تے کیا سی میں گھماں لیراں  
جد آیا مدینے تے ایہ سیتا نجھی

ہر عاشق اپنے محبوب دے سوئے گاندا اے مجازی عشق وچ بندہ مجنوں ہو جاندا اے پر  
حضرت محمد مصطفیٰ ﷺ دے عشق دی رنگن دیوانہ نہیں ہون دیندی باشعور بنا دیندی اے تے نجھی  
ہوراں او سے شعور ول اشارہ کیا اے جسراں باخدا دیوانہ باشد با محمد ہوشیار اتے ایسے ای عشق دا  
فیض اے کہ نجھی ہو ریں حضور پاک ﷺ دے صدقے نیک نامیاں تے شاد کامیاں کھٹ وی  
رہے نیں تے وٹ وی رہے نیں۔ ایہ عزتاں ایہ عظمتاں اوہناں دے کرم نال ای عاشقاں دیاں  
جھولیاں وچ پیندیاں نیں۔ نجھی ہو ریں ایسے کرم دی نگاہ دا ذکر رباعیاں وچ تھاں تھاں کر دے  
نیں۔

سجدے میں کراں شکر دے، رب نوں پاواں  
میں اپنے مقدر توں وی صدقے جاواں  
آقا دے غلاماں چ بٹھایا مینوں  
سوئے دے ای صدقے تے ایہ ملیاں تھاواں

نجھی ہو ریاں دیاں نوری کرناں وچ بھجیاں رباعیاں تے جتناوی لکھیا جاوے گھٹ اے  
کیوں جے نجھی ہو ریاں خدا دی کبریائی تے رسول عربی ﷺ دی مصطفائی وچ حمد اں تے نعتاں دا  
جہڑا میلہ لایا اے اوہ ازلی تے ابدی روپاں تے سروپاں نال بھریا ہویا اے تے ایہناں اُتے لکھن  
لکیاں صدیاں وی مل جان تے گھٹ نیں۔ ایسے لئی میں مضمون نوں مزید طوالت توں بچان لئی  
اوہناں دی اک رباعی اُتے اپنی گل مکاناواں۔

ساڈے تے دے آقا دی اطاعت لازم  
دل وچ اوہ بٹھانی اے شریعت لازم  
جاں مال تے اولاد پنچھاور کرنی  
ہے فرض اُساڈے تے عبادت لازم

.....☆☆☆.....

حمدیہ رباعیاں





میں حمد جے لکھاں تے ہے تیری رحمت  
میں نعت جے لکھاں تے ہے تیری شفقت  
تیرے ای کرم نال نہیں گلاں سمجھے  
ہمت اے قلم وچ تے زباں وچ طاقت

.....☆.....☆.....

ڈھلکاں نہیں ترے نور دیاں سبھ پاسے  
بکھیاں تے نچانا ایں توں سبھ دے ہاسے  
بھرنا ایں دلاں نوں نویں دے کے جلوے  
لانا ایں توں بندیاں نوں تے انج وی راسے

.....☆.....☆.....

دس دی اے تری شان میں جدھر ویکھاں  
توں سامنے میرے ویں میں کدھر ٹولاں  
ہے رات دا نہیرا یاں اے دن دا چانن  
جلوہ ترا ہر تھاں اے جے سوچاں سمجھاں

.....☆.....☆.....

خالق ایں توں سبھ دا تے سبھاں دا معبود  
جلوہ ترا ہر تھاں ، رہویں ہر تھاں موجود  
ہویا اے ترا لطف سدا ای مولا  
ڈھکے جو ترے کول اوہ پائے گا سرود

.....☆.....☆.....

ہوٹھاں تے مرے دیپ دعا دے روشن  
اتھراں چ. مری رنگ عطا دے روشن  
کھنڈیا اے ترا نور جمالی ہر تھاں  
ساہواں چ مری نقش ثنا دے روشن

.....☆.....☆.....

مولا دی عبادت دے چگے پھل سوہنے  
آقا دی محبت دے ملے پھل سوہنے  
جو وزن رباعی چ اکٹھے کیہے  
اوہ نال عقیدت میں دھرے پھل سوہنے

.....☆.....☆.....

جھولی چ مری خیر دا لقمہ پائیں  
 کمزور آں بندہ ترا مولا سائیں  
 جو کچھ اے مرے واسطے چنگا دے دے  
 رستے تے سدا اپنے توں مینوں لائیں

.....☆.....☆.....

ہویا مرے مولا دا کرم اے کتنا  
 اکھیاں چ مری دیکھ توں نم اے کتنا  
 رکھے نین قدم دیکھ توں کتھے نجمی  
 توں دیکھ ترے کول حرم اے کتنا

.....☆.....☆.....

عزت اوہو عزت اے جو دیوے مولا  
 طاقت اوہو طاقت اے جو دیوے مولا  
 بیکار نین جھیرے ایہ زمانے بھر دے  
 نعمت اوہو نعمت اے جو دیوے مولا

.....☆.....☆.....

ناچیز تے مولا توں عنایت کر دے  
دل پیار تے حکمت تھیں توں میرا بھر دے  
خدمت دے میں جذبے تھیں متور ہوواں  
کچھ نور حقیقت دا توں اندر دھر دے

.....☆.....☆.....

توں ارض دا خالق ایں تے والی گل دا  
جانو ایں توں سمھنان دے ای اصلی تل دا  
جلوے ترے کثرت تھیں زمانے بھر وچ  
جو دُور ترے کولوں اوہ راہے رُل دا

.....☆.....☆.....

بندے آں ترے توں ای دعاواں سن دا  
اُچیاں نہیں یا ہولی نہیں صداواں سن دا  
دربار ترے دے ای نہیں منگتے سارے  
محتاج ترے ' توں ایں نواواں سن دا

.....☆.....☆.....



شبِ بنم چ ترا جلوہ شفق اندر توں  
 توں نور کتاباں چ ' ورق اندر توں  
 دھرتی تے خلاواں تے فضاواں اندر  
 دنیا دے ہر اک بھید طبق اندر توں

.....☆.....☆.....

دل آکھے سدا تیریاں حمداں لکھاں  
 توفیق توں دے تیریاں شانناں لکھاں  
 عاشق آں ترا میں ترا شیدا مولا  
 میں تیری ثنا تیریاں گلاں لکھاں

.....☆.....☆.....

ایہ فکر مری جس وی جگہ جاندی اے  
 جلوہ گری تیری ای نظر آندی اے  
 ایہ باغ تے پھل پھل کلی پتے سارے  
 ہر جان پئی کلمہ ترا گاندی اے

.....☆.....☆.....

سب عظمتاں نیں تیریاں مولا سائیں  
 سب مدحتاں نیں تیریاں مولا سائیں  
 کد سامنے تیرے دے کوئی حد آندی  
 سب قدرتاں نیں تیریاں مولا سائیں

.....☆.....☆.....

دَسا اے تری شان ایہ عالم عالم  
 دیندی اے گواہی تری شبنم شبنم  
 جد شان کریمی دہ میں ویکھاں جلوہ  
 ودھدا اے مرا شوق دی پیہم پیہم

.....☆.....☆.....

کشتی مری لنگر مرا ساحل توں ایں  
 ایمان یقین توں مرا حاصل توں ایں  
 انعام دی صورت چ توں دیویں روزی  
 مختار تے مالک مری منزل توں ایں

.....☆.....☆.....

سوہنے تے نویں رنگ جما دینا ایں  
گل کرنے دا چچ وی توں سکھا دینا ایں  
توں حکمتاں دے خوب نہیں موتی ونڈے  
سُتیاں دے وی توں بخت جگا دینا ایں

.....☆.....☆.....

سجیا اے ترے نور تھیں ہالا دل دا  
توں آکھدا لگدا اے اوہ سوہنا دل دا  
مخلوق مری نال جو کردا نیکی  
بندہ اے فقط اوہو ای چنگا دل دا

.....☆.....☆.....

محبوبِ دی سنت تے چلا دے مولا  
قرآن دا قاری وی بنا دے مولا  
ایمان دی دولت دا اے طالبِ نجمی  
دل ایس دا سُتا اے جگا دے مولا

.....☆.....☆.....

ہر شرتوں بچاویں تے پناہواں دیویں  
سدھیاں نے جو مولا اوہ ای راہواں دیویں  
اس دل چ تر ا ڈر تے محبت وے  
نت حمد الاون جو اوہ ساہواں دیویں

.....☆.....☆.....

میں درد نوں تیرے وی محبت آکھاں  
اس نور نوں دل دی میں حقیقت آکھاں  
اوہ نور جو اکھاں چ لئی پھرنا واں  
اس نور نوں میں پیار دی حدت آکھاں

.....☆.....☆.....

ہر نقش ترا نقش دوا می آکھاں  
میں لطف ترا لطف مدا می آکھاں  
ہر وصف ترا وصف کمالی ویکھاں  
ہر عکس نوں تیرا میں پیامی آکھاں

.....☆.....☆.....



تیرے ای سہارے تے سفر اے مولا  
محتاج ترا میرا ہنر اے مولا  
جو ذکر چچ رُجھیا اے اوہ راحت پاوے  
سبھ تیری محبت دا ثمر اے مولا

.....☆.....☆.....

رنگاں تھیں بھرے نیں توں ای گلشن گلشن  
روپاں تھیں بھرے نیں توں ای درپن درپن  
شاداب کرے سبھ نوں ای رحمت تیری  
خوشبو تھیں وسائے نیں توں آنگن آنگن

.....☆.....☆.....

گلشن نوں اوہ پُھلاں تھیں مہک دیندا اے  
دھرتی نوں اوہ رنگاں تھیں دھنک دیندا اے  
مالک اے سبھاں وچ ای اوہ نعمت ونڈدا  
ڈرے نوں اوہ تارے دی چمک دیندا اے

.....☆.....☆.....

امثال توں اعلیٰ اے اوہ عظمت والا  
خالق اُتے مالک اے اوہ سبھ دا داتا  
اوہ ذاتِ بچ یکتا ایہ وی دسیا اوہنے  
معبود اوہ اگو ای اے اللہ سب دا

.....☆.....☆.....

ہر بات بچ حکمت دے خزانے رکھے  
ہر شے بچ ای اُس ذات دے جلوے دیکھے  
لاریب اوہو ذات اے ارفع اعلیٰ  
اوہ جس دے کمالات نہیں سارے اُپے

.....☆.....☆.....

رحمت دا تری میں تے اشارہ منگاں  
بخشش دے لئی نور دا دھارا منگاں  
برودہ واں ترا میں ، توں ایں مالک میرا  
عاجز اُتے بیکس آں سہارا منگاں

.....☆.....☆.....

ڈڑے جے دَمکدے نیں ایہ تیری قدرت  
 قطرے جے چمکدے نیں ایہ تیری ندرت  
 آفاق چ کھلے نیں ترے ای جلوے  
 جو کجھ اے جہاناں چ اوہ تیری رحمت

.....☆.....☆.....

اُس در تے سدا سرنوں خمیدہ رکھیں  
 ہر شرک توں بس پاک عقیدہ رکھیں  
 بخشش ہے جے مقصود تے ہر پل نجمی  
 ہوٹھاں تے محبت دا قصیدہ رکھیں

.....☆.....☆.....

سب کم نیں مرے تیرے حوالے مولا  
 بخشے نیں سبھے توں ای اُجالے مولا  
 تعریف تری کنج بھلا کر سکناں  
 لکھاں میں لکھاں بھاویں مقالے مولا

.....☆.....☆.....

دل پیار دی دولت تھیں میں بھرنا چاہواں  
انج جین دا سامان میں کرنا چاہواں  
میرے تے نوازش توں خصوصی کر دے  
مستی چ تری آ کے میں مرنا چاہواں

.....☆.....☆.....

دسار بناندے نیں ثنا دے منظر  
کیہ حشر اٹھاندے نیں ثنا دے منظر  
ہیت وی جلالت عوی لطافت وی اے  
ایہ نقش جماندے نیں ثنا دے منظر

.....☆.....☆.....

چُٹمن بنوں گنینہ وی اے دیتا سوہنے  
رحمت دا خزانہ وی اے دیتا سوہنے  
کعبے دا دکھایا اے اسانوں رستہ  
چاہت دا سفینہ وی اے دیتا سوہنے

.....☆.....☆.....



کھنڈیا اے ترا حسن وی کتنا پیارا  
روشن اے ترے ذکر تھیں تارا تارا  
ساہواں نوں توں دینا ایں ہواواں تازہ  
فر نور تھیں ڈھک دینا ایں منظر سارا

.....☆.....☆.....

میرے تے سدا کیتی اے توں تے شفقت  
توں نور دکھا کے وی تے دتی راحت  
بھریا اے مری جھولی نوں مولا توں ای  
کیتی اے مرے اُتے سدا ای رحمت

.....☆.....☆.....

توں لاج مری رکھدا دعاواں سُن دا  
توں رحم وی کردا ایں صداواں سُن دا  
اعلیٰ اے تری شان خدائے یکتا!  
وسنا ایں دلاں وچ تے نواواں سُن دا

.....☆.....☆.....

رستے تے ترے چلنے آں ہر دم ربّا  
تعریف تری کرنے آں ہر دم ربّا  
احسان ترے سارے جہاناں اُتے  
تیتھوں ای اسیں ڈرنے آں ہر دم ربّا

.....☆.....☆.....

ہوٹھاں نوں مرے ذکر دا ہالا دے دے  
لفظاں نوں مرے نور مقالا دے دے  
اتھراں تھیں کہواں میں مری توبہ توبہ  
در تیرے تے آیا واں سنبھالا دے دے

.....☆.....☆.....

میں حمد دے نغے سدا انجے گاواں  
میں نعت لکھاں چم کے اوہ نوری تھاواں  
میں عکس ترے ویکھ کے حیرت وچ آں  
ویکھاں تے میں کدھر تے میں کدھر جاواں

.....☆.....☆.....

اکھیاں چ تر نور سجائی پھردا  
ہوٹھاں تے تری حمد دا نغمہ رکھدا  
دعویٰ وی غلامی دا تری ہے مینوں  
مولا توں مرا مولا ' دہائی دیندا

.....☆.....☆.....

صحرا نوں سمندر چ بدل سکنا ایں  
ہر چیز تے غلبہ توں سدا رکھنا ایں  
چاہویں تے گدا نوں توں سکندر کر دیں  
دینا ایں کتے ڈھلاں کتے ڈکنا ایں

.....☆.....☆.....

دنیا فانی باقی بس اوہدی ذات  
اوہو کل اے اوہدی اے نوری بات  
چہرے ، رنگت ، آوازاں ، اوہدے ساز  
باقی سبھ کجھ منفی اے اوہ اثبات

.....☆.....☆.....

سایا تیرا میری اے اک دستار  
تیری رحمت سائیں آنتاں دا پیار  
ربا مینوں دتی اے توں توقیر  
گھلے رکھیں بخشش دے توں بازار

.....☆.....☆.....

سبھ توں ودھ کے شفقت دے اوہ معبود  
رحمت راحت نعمت دے اوہ معبود  
سوہنے اُس نے کیتے نیں سبھ اکرام  
مینوں اپنی اُلفت دے ، اوہ معبود

.....☆.....☆.....

مالک ، مولا اُس تے جاں میں قربان  
اُس دی قدرت سوہنی اے ایہ ایمان  
مالک میری قسمت دا اوہ رزاق  
اعلیٰ ، ارفع ، اُچّا اے اوہ ذیشان

.....☆.....☆.....

مولا توں کرم کر دے غلاماں اُتے  
ہوٹھاں تے سچے پیار سلاماں اُتے  
ایمان سلامت تے میں شانناں منگاں  
پہرہ اے ترا فجراں تے شاماں اُتے

.....☆.....☆.....

گلشن دے توں پھلاں تے پھلاں دا والی  
توں دشت دمن دا تے خزاں دا والی  
تیری ای جھلک عرشاں تے فرشاں اُتے  
توں زیر ، زیر ، حرف بیاں دا والی

.....☆.....☆.....

ہوٹھاں تے سدا تیرا بیاں رہندا اے  
دلدار ترا نور فشاں رہندا اے  
ایہ خاص کرم اے مرے مولا تیرا  
جو نام ترا ورد زباں رہندا اے

.....☆.....☆.....



سوہنے تیرے کم سوہنی اے تعلیم  
 سوہنا تیرا۔ ناں سوہنی اے تنظیم  
 باغاں اندر تیری کھلری مہکار  
 ساہواں اندر مولا تیری تکریم

.....☆.....☆.....

ہر پاسے نظر آئے نہیں جلوے تیرے  
 توں نعمتاں وٹڈنا ایں، میں صدقے تیرے  
 توں شکر دی نعمت توں نوازیں رکھیں  
 گاندا میں رہواں انجے ای نغمے تیرے

.....☆.....☆.....

راحت آتے رحمت تے گھٹاواں منگاں  
 بخشش دی طلب، خیر دعاواں منگاں  
 اوہ چاننا وٹڈے تے مٹاوے ظلمت  
 مولا توں میں ہر ویلے عطاواں منگاں

.....☆.....☆.....

خالق وی اوہ مالک وی سہارا سبھ دا  
حافظ وی اوہ ناصر وی اوہ پیارا سبھ دا  
اوسے توں تسلی تے ٹھکانا منگیے  
ناظر اسیں سارے اوہ نظارا سبھ دا

.....☆.....☆.....

سینے تے مرے نقش اے عظمت اوہدی  
جاچے نہ کوئی شان تے رحمت اوہدی  
اوہدے تے کمالاں دی نہ گنتی ہووے  
دیکھے گا کویں کوئی وی شوکت اوہدی

.....☆.....☆.....

پھیرے جے نظر تے اوہ مٹاوے منظر  
ہر آن نویں سانوں دکھاوے منظر  
مختار تے مالک اے اوہ قادر مولا  
گن آکھ کے لمحے چ بناوے منظر

.....☆.....☆.....

مقصود مرا اوہ اے جو وٹے رحمت  
معبود مرا اوہ اے جو دیوے چاہت  
گلزار بناوے اوہ بھڑکدی آگ نوں  
موجود فقط اوہ اے اوہ رکھے قدرت

.....☆.....☆.....

رستہ تری رحمت دا اے مولا سوہنا  
رستہ تری عظمت وا اے مولا اچّا  
اس خاک دے پتے چوں ایہ وا جاں نکلن  
رستہ تری چاہت دا اے مولا اعلیٰ

.....☆.....☆.....

حرفاں آتے لفظاں چ صدا اے تیری  
رنگاں آتے روپاں چ ادا اے تیری  
عرشاں آتے فرشاں تے ترے ای جلوے  
جسماں آتے جاناں چ ضیا اے تیری

.....☆.....☆.....

جو دل وی دھڑکدا اے اوہ وستی تیری  
ازلاں توں ابد تیک اے ہستی تیری  
وارث ایں توں شاہد توں ایں خالق باری  
مخلوق ایہ ساری اے گرہستی تیری

.....☆.....☆.....

ڈانوں ڈولاں تائیں رستے پا دے  
ڈبدی بیڑی تائیں بنے لا دے  
ساڈی جندڑی روگاں تُوں چھٹ جاوے  
لوں لوں مہکے سانوں انج دے چا دے

.....☆.....☆.....

رحمت دا مینہ پا دے ربّا ہن تے  
ہستی نوں مہکا دے ربّا ہن تے  
مینوں جیہڑا گلشن دیتا اُس تے  
پھل پھل سوہنے لا دے ربّا ہن تے

.....☆.....☆.....

تفہیم تری ذات دی سوچن لوکی  
تنظیم تری ذات دی ویکھن لوکی  
سبھ فیصلے تیرے نہیں بڑے ای سوہنے  
تکریم تری ذات دی جانن لوکی

.....☆.....☆.....

توں حال دا محرم ایں توں دل دا بھیتی  
ہریا وی کریں توں ای سکاویں کھیتی  
توں لاج مری عرکھ مرے سوہنے ربا  
کعبے تے مدینے توں بلا ہن چھیتی

.....☆.....☆.....

شاناں والا اُچّا سُچّا رب اے  
آناں والا ساڈا سوہنا رب اے  
اوہدے کد فضلاں دی گنتی ہووے  
جس دا کلمہ لوں لوں رچیا رب اے

.....☆.....☆.....



چن تارے تری ہوند دے عنوان سجے  
ہر شے دی زباں تے ترے فرمان سجے  
منگنا واں دعا کھول دے سینہ میرا  
تختی تے مرے دل دی وی قرآن سجے

.....☆.....☆.....

تاثر دے لفظ نوں رحمت تیری  
ہر سوچ نوں مہکا دے نکہت تیری  
انعام ترے حد توں زیادہ دیکھے  
ہر ذہن تے چھائی اے جلالت تیری

.....☆.....☆.....

دیندی اے سہارا جو اوہ رحمت تیری  
چاہنے آں اسیں مولا ہدایت تیری  
ہر جاتے ای تکیا اے میں جلوہ تیرا  
سمجھے گا بھلا کون مشیت تیری

.....☆.....☆.....

مخمور ترے ناں تھیں ایہ دنیا دیکھی  
ساہواں چ سدا تیری تجلی پائی  
نعت تھیں تری سارا زمانہ پلدا  
جلوے تے ترے اکھ میں ٹکائی رکھی

.....☆.....☆.....

تقدیر دا مالک توں خدائے واحد  
ہر کوئی فدا ہوندا، اے عابد زاہد  
زندہ اے عمل تیرا تے ازلوں مولا  
اس جلوہ گری تے نیں زمانے شاہد

.....☆.....☆.....

ہے ذکر ترا نور زباناں اندر  
تکلیا اے ترا حسن میں جاناں اندر  
ڈگ پین پکھیرو چڑھے امبریں جہڑے  
رکھنا ایں سدا ہقلم کے اڑاناں اندر

.....☆.....☆.....

ہر روپ منقش تری قدرت دس دا  
 ہر پھل کلی اندر ترا جادو وس دا  
 ہر ذرہ تری دکھ دی گواہی دیوے  
 ہر پیار دا لمحہ ترے ولیں نس دا

.....☆.....☆.....

جاری اے جو ازلاں توں حکومت تیری  
 ابدان تھیں جو رہنی اے اوہ عظمت تیری  
 توں شان کریمی دا ایں مالک مولا  
 حیران کرے سبھناں نوں حکمت تیری

.....☆.....☆.....

مخلوق دا خالق ایں توں داتا سبھ دا  
 مالک ایں تے مختار توں مولا سبھ دا  
 ہر چیز گواہی ترے ناں دی دیوے  
 رحمان تری شان توں سانجھا سبھ دا

.....☆.....☆.....

ایمان دا جلوہ مرے دل وچ وئے  
توحید دا نغمہ مرے لب تے مہکے  
ہر پاسے نظر آندا اے پہرہ تیرا  
ہر جگہ دا نظارا تری قدرت دتے

.....☆.....☆.....

رحمت دا تری میں تے خزینہ چاہواں  
حداں میں کہواں، ایہو قرینہ چاہواں  
ہر شرنوں پریرے ای توں رکھیں مولا  
میں پیار شفاعت دا سفینہ چاہواں

.....☆.....☆.....

وحدت دی میں تابش دا واں طالب مولا  
میں تیری نوازش دا واں طالب مولا  
رکھدا اے ترے قرب دی خواہش نجمی  
حکمت بھری بارش دا واں طالب مولا

.....☆.....☆.....

احسان مرے تے توں ایہ کر دے مولا  
آنگن مرا خوشبو تھیں توں بھر دے مولا  
پھل عشق نبی دے مری جھولی پا دے  
کر فضل عطا نور نگر دے مولا

.....☆.....☆.....

آداب توں نیکی دے سکھا دے مینوں  
پہچان وی سچ دی توں کرا دے مینوں  
توں علم دی دولت تھیں ایہ جھولی بھر دے  
حق بات دا رستہ وی سجھا دے مینوں

.....☆.....☆.....

معمور محبت تھیں توں سینہ کر دے  
پُر نور مرے دل دا نگینہ کر دے  
سبھناں دی تے پوری توں ای حاجت کر دا  
دل نوں مرے آقا دا مدینہ کر دے

.....☆.....☆.....



ہر حکم نوں تیرے میں مقدم سمجھاں  
 ہر بات نوں تیری سدا محکم سمجھاں  
 میں دین محمد ﷺ دا اٹھاواں پرچم  
 میں تینوں ای رحمان تے ارحم سمجھاں

.....☆.....☆.....

میں عشق نوں جذبے دی سلامی دیواں  
 میں حسن نوں جلوے دی سلامی دیواں  
 ہر آن میں بخشش دے بہانے لبھاں  
 میں عقل نوں دعوے دی سلامی دیواں

.....☆.....☆.....

مشغول رہواں ذکرِ چ سبجان اللہ  
 آغاز کراں کم دا کہواں بسم اللہ  
 شیطان دے شر توں اوہ بچاوے مینوں  
 لاحول ولا قوۃ الا باللہ

.....☆.....☆.....

دیندا اے جو سبھناں نوں اوہ داتا توں ایں  
منگتے آں اسیں سارے تے آقا توں ایں  
لاریب توں خالق ایں زمانے بھر دا  
تھکے نہ جو دیون توں اوہ مولا توں ایں

.....☆.....☆.....

دنیا ترے جلوے تھیں منور ویکھاں  
ہستی تری ہر روپ چ برتر ویکھاں  
ہر چیز ترے قبضے تے قدرت اندر  
اک ذات تری سبھ دا ای محور ویکھاں

.....☆.....☆.....

ہر شے توں جھلکدا اے اُجالا تیرا  
ہر شخص ای عاشق اُتے شیدا تیرا  
لکئی اے ترے کھوج چ دنیا ساری  
نجہی وی طلبگار اے بندہ تیرا

.....☆.....☆.....

رحمت تری حدوں تے حسابوں باہر  
قدرت تری قلموں تے کتابوں باہر  
ممکن ای نہیں جس دی شماری مولا  
چاہت تری کتبوں تے نصابوں باہر

.....☆.....☆.....

تیرے ای فدائی نہیں بہاراں والے  
تیرے ای شدائی، نہیں نگاراں والے  
مرکز اے تری ذات ای پیاری پیاری  
تیرے ای گدائی نہیں ایہ باراں والے

.....☆.....☆.....

بندنے تے خطاواں تے خطا کردے نہیں  
آندا اے جدوں ہوش ثنا کردے نہیں  
بخشش دے طلبگار نہیں توبہ کر کے  
ایہ سہو تے سجدہ وی ادا کردے نہیں

.....☆.....☆.....

ایہ رنگ بہاراں ایہ چمن شان تری  
کھڑ پین بیابان تے بن شان تری  
اک یاد تری وچ ای مگن اے دنیا  
کنکر وی بن لعل یمن شان تری

.....☆.....☆.....

عزت تے اوہ عزت اے جو دیندا سائیں  
رحمت تے اوہ رحمت اے جو کردا سائیں  
قطرے نوں گہر کردا اے مالک سوہنا  
رنگت تے اوہ رنگت اے جو بھردا سائیں

.....☆.....☆.....

ناچیز تے کر مولا عنایت اپنی  
دے دل نوں مرے مولا ہدایت اپنی  
دل میرا بنا دیویں توں سوہنا جھرنا  
میرے تے کریں مولا سخاوت اپنی

.....☆.....☆.....

ہر حال چج مولا دی ثنا واں کردا  
 ہر حال چج تیتھوں میں عطاواں منکدا  
 تقدیر دا مالک ایں توں خالق سبھ دا  
 ہر حال چج سانویں میں رضاواں رکھدا

.....☆.....☆.....

عنوان بڑے حمد دے سوہنے دیکھے  
 قرآن چوں عزفان دے پہلو سمجھے  
 کیہ کلک نے لکھئی اے تے حرفاں کہنی  
 مقدور بھلا کس نوں کہ حمد اں لکھے

.....☆.....☆.....

میں حمد ترنی جتی کراں گھٹ ہوسی  
 ایہ فکر ثنا تھیں جے بھراں گھٹ ہوسی  
 میں حمد جے لکھاں تے مرا اے فیدہ  
 سانویں جو وی مالک دے دھراں گھٹ ہوسی

.....☆.....☆.....

رگ رگ دے وچ تیری ہوندی ہو ہو  
 نس نس اندر ویکھاں ہووے تُو تُو  
 تیرے لیکے نقشے دس نہیں پاندے  
 ہر اک جو دے اندر تیری خو خو

.....☆.....☆.....

وصفاں نہیں کمالی ترا رتبہ اُچّا  
 شانناں نہیں جمالی ترا جلوہ وکھرا  
 وسنا ایں نگاہواں توں وی اولھے توں ای  
 شہ رگ توں وی نیڑے ترا چائن مولا

.....☆.....☆.....

تیری قدرت چمن چمن تیرا راج  
 تیری مدحت خن خن تیرا راج  
 توں ایں پروردگار توں سبھ دا مان  
 تیری رحمت سمن سمن تیرا راج

.....☆.....☆.....



کر دا اوہو رات ، بناوے دن وی  
 پیدا کیے اوس فرشتے ، جن وی  
 پر بت گڈے اوس زمیں دے اُتے  
 ست وی اوہدے یار تے نجمی تن وی

.....☆.....☆.....

عرشاں تے وی فرشاں تے وی چمکن والا  
 خواباں تے خیالان بیج توں وِسَن والا  
 وَاواں تے فضاواں تے گھٹاواں اندر  
 اک نور ترا ای تے ہے پھیلن والا

.....☆.....☆.....

مینوں تے سدا تیری وفا کافی اے  
 مینوں تے سدا تیری رضا کافی اے  
 چاہواں میں ترے پیار وی لذت مولا  
 مینوں تے سدا تیری عطا کافی اے

.....☆.....☆.....

توں نال مرے ایں تے کمی کاہدی اے  
 توں نال مرے ایں تے غمی کاہدی اے  
 اکھاں چ ترے خوف تھیں ٹھہرن اُتھرو  
 دساں کیہ میں لوکاں نوں نمی کاہدی اے

.....☆.....☆.....

میں تیری محبت دے سہارے جیواں  
 الفت دے سدا جام میں انجے پیواں  
 منگیا اے جدوں وی میں ترے توں منگیا  
 شالا نہ کدے ہور میں کدرے تھیواں

.....☆.....☆.....

دل وچ اے تنویر تری خوب کمال  
 پاندے نہیں افکار مرے نور جمال  
 رکھاں جد سانویں میں ترا نور چراغ  
 فر شوق تے ایہ ذوق بڑی پان دھمال

.....☆.....☆.....

اک یاد تری کول مرے کول رہوے  
اک پیار ترا پیار ای انمول رہوے  
جلوہ جے میں پاواں تے بنے طور بدن  
کلمے دا ای ہوٹھاں تے مرے بول رہوے

.....☆.....☆.....

دیکھاں جے چمن چمن ترا چرچا اے  
سوچاں تے نظر نظر ترا جلوہ اے  
توں لطف کرم سدا کریں ساڈے تے  
تگاں جے نگر نگر ترا میلہ اے

.....☆.....☆.....

حامد نے صداواں تھیں جلایا اے چراغ  
ساجد نے ثناواں تھیں بنایا اے چراغ  
عابد نے بڑی فکر تھیں پایا عرفان  
زاہد نوں عطاواں تھیں دکھایا اے چراغ

.....☆.....☆.....

ذیشان تری ذات تری ذات بڑی  
 قربان کراں جان جو اے جان ملی  
 ڈھکدی اے جدوں میرے دوارے تے خوشی  
 آکھاں میں اچیری اے فقط ذات تری  
 .....☆.....☆.....

مالک توں جہاناں دا تے میرے دل دا  
 مرضی جے تری ہووے تے پتہ اہل دا  
 محتاج زمانہ اے ترا سبھ جانن  
 چاہویں جے توں فر نور اُجالا مل دا  
 .....☆.....☆.....

جو کجھ اے مرے کول ایہ سبھ تیرا اے  
 جو کجھ وی کریں توں تے اوہ سبھ چنگا اے  
 جینا مرا تیری اے رضا تھیں مولا  
 تینوں اے جو بھاندا تے اوہ سبھ سوہنا اے  
 .....☆.....☆.....

بخشش تری رحمت تری اُلفت لبھّاں  
 مولا تری چاہت تری نکہت لبھّاں  
 محدود مری عقل اے نکراں مارے  
 توں آپ ای دس دے کوں راحت لبھّاں

.....☆.....☆.....

غش کھا گیا موسیٰ وی جھلک دیکھی سی  
 اک نور دی دوروں ای لپک دیکھی سی  
 چن دیکھ کے پھل، دیکھ کے سورج تک کے  
 عاشق نے کہیا تیری چمک دیکھی سی

.....☆.....☆.....

سبھ تیری ای قدرت دے نیں منظر سوہنے  
 اک حسن دا جلوہ نیں ایہ پیکر سوہنے  
 ایہ خلق وظیفہ ترے ناں دا بچ دی  
 رحمت دی طلبگار اے دلبر سوہنے

.....☆.....☆.....

دنیا تے ترا عدل نرالا ڈٹھا  
ونڈوا میں ترا نور اُجالا ڈٹھا  
جد کفر دی یلغار سی وادھا کینا  
اپنے میں پھیرے ترا ہالا ڈٹھا

.....☆.....☆.....

قدرت نے تری جو وی اُتارے جلوے  
سوہنے تے معطر نہیں اوہ پیارے جلوے  
اوہ نور وی مستور زمانے وچ اے  
جس نور دے کھلے نہیں ایہ سارے جلوے

.....☆.....☆.....

رستہ تے ہدایت دا اوہ رب ای دتے  
ہر رنگ عبادت دا اوہ رب ای دتے  
خالق اے جو مالک اے جو یکتا نجمی  
کیہ شان اطاعت دا اوہ رب ای دتے

.....☆.....☆.....



میں حمد خدا لکھ کے تے دھواں دل نوں  
میں رب دی بٹا لکھ کے تے دھواں دل نوں  
روگاں نوں مٹانا واں میں اک اک کر کے  
میں حرف دعا لکھ کے تے دھواں دل نوں

.....☆.....☆.....

خالی نہ تری یاد توں دل ایہ ہووے  
دل خوف تھیں کنجے ہتے مری اکھ رووے  
میں تیریاں سوچاں چ گزاراں لمحے  
ساہواں دی ایہ تسلی جدوں حمداں چھوہوے

.....☆.....☆.....

کر دور توں ایہدے توں بلاواں مولا  
دے بخش جو ہونیاں نیں خطاواں مولا  
مولا ! توں چمن میرے تے رحمت کر دے  
کر دور توں سٹھے ای سزاواں مولا

.....☆.....☆.....

ہمسر نہ ترا کوئی نہ ہم نام اللہ  
قبضے بچ ترے صبح آتے شام اللہ  
سکھتے ترا چلے خدائی بھر وچ  
سوہنا توں کریں میرا وی انجام اللہ

.....☆.....☆.....

اوہ جان توں نیڑے تے اوہ خالق مولا  
ہر شے دی خبر رکھے اوہ رازق سوہنا  
بھیتاں دا وی جانوں اے اوہ رحمت ونڈے  
نظراں تے نظر رکھے اوہ مالک ساڈا

.....☆.....☆.....

قرآن دا عامل توں بنا دے سانوں  
احکام تے اپنے توں چلا دے سانوں  
سرکار دی سیرت نوں بنا تاج توں ساڈا  
رِس نور شریعت دا پلا دے سانوں

.....☆.....☆.....

اللہ افضل بہتر . برتر اللہ  
دنیا دی . ہر شے دا مظہر اللہ  
جلوے اوہدے رحمت اوہدی تھاں تھاں  
خالق مالک سبھ دا محور اللہ

.....☆.....☆.....

پھل سوئے حمدان نعتاں دے چٹاں  
ایہناں تائیں دل اکھیاں نوں ٹھاراں  
ایہناں دا اے ہر اک پتا سوہنا  
ایہناں نوں میں دل دے نیڑے رکھاں

.....☆.....☆.....

پردہ مری اکھیاں توں اٹھا دے ربا  
مینوں توں مرے نال ملا دے ربا  
میں تیری تجلی دا نظارا کر لاں  
توں طور مرے دل نوں بنا دے ربا

.....☆.....☆.....

سوہنا رب اے سبھ دا مالک خالق  
 سبھ دا پالن والا سبھ دا رازق  
 پاوے سوہنا جھاتاں تے میں مہکاں  
 جدھر ویکھاں اوہدے سارے عاشق

.....☆.....☆.....

رگ رگ چ رواں کون اے سوچاں بہہ کے  
 اس دل چ نہاں کون اے سوچاں بہہ کے  
 کس نام دی ہو ہو مرے سمھناں پاسے  
 لگ کے وی عیاں کون اے سوچاں بہہ کے

.....☆.....☆.....

سانویں نہیں نظر دے کہ نظر توں اولھے  
 سبھ تیرے ای گن دے نہیں ایہ منظر سوہنے  
 جہاں دا تصور وی نہ کیتا جاوے  
 انوار نہیں تیرے ای تے ہر تھاں پھیلے

.....☆.....☆.....

ہر دل دا سہارا ایں توں مولا سائیں  
توں وہم گماناں توں وی اُچّا سائیں  
تسکین ہے دیندا ترا سوہنا نغمہ  
ہوٹھاں تے جو رہندا، مرا سچّا سائیں

.....☆.....☆.....

دھرتی تے گگن وچ تری مشعل بلدی  
ہر روح بدن وچ تری مشعل بلدی  
پاندے نین نموء یاد جو تینوں کردے  
دنیا دے چمن وچ تری مشعل بلدی

.....☆.....☆.....

مہکی سوہنی ڈالی حمداں والی  
چمکی سوہنی جالی نعتاں والی  
نوری حرفاں تائیں لکھیا ایہنوں  
اُچی سچی سوہنی شرفاں والی

.....☆.....☆.....

خوشبو تری دیکھاں میں تے سمجھے پاسے  
 دھڑکن نوں مری توں ای تے لایا راسے  
 منگیا جو تری ذات توں ملیا مولا  
 ہوٹھاں نوں مرے توں ای تے دیویں ہاسے

.....☆.....☆.....

انسان بنایا اے تے شانناں دتیاں  
 طوفان توں بچنے دیاں ہمتاں دتیاں  
 یلغار تے ہوئی مرے دشمن وٹوں  
 شیطان نوں کچلاں، توں ای گھلاں دتیاں

.....☆.....☆.....

ہر فکر خیالوں ، ترا رتبہ اچّا  
 روشن اے ترا نور تے اعلیٰ اچّا  
 اک جیسی عنایت تری سمجھناں اُتے  
 جس رُخ توں دی تکیے ہے حوالا اچّا

.....☆.....☆.....

موسم نہیں ترے سارے ای نکہت تیری  
سمجھاں توں جو اُچی اے اوہ رفعت تیری  
ایہ چن تے ستارے ایہ بدلے موسم  
آندی اے نظر ایہناں چوں قدرت تیری

.....☆.....☆.....

لغزش توں مری، جو وی اے، بخشش مولا  
میرے تے توں، رحمت سدا رکھیں مولا  
نادم آں گناہواں تے میں اپنے سائیں  
توفیق توں نیکی دی ای دیویں مولا

.....☆.....☆.....

سبحان تری ذات تے سجد کلمہ  
سبحان تری ذات دا ہر تھاں چہچا  
حکمت تری، رحمت تری، قدرت تک کے  
سبحان تری ذات تے ہر جی کہندا

.....☆.....☆.....



دیکھاں جے مظاہر نوں تے ہووے حیرت  
بالاں جے چراغاں نوں تے دیکھاں حکمت  
ہر دے نوں عقیدت تھیں توں بھریا مولا  
سوچاں جے ترے بارے تے پاواں رحمت

.....☆.....☆.....

خالی مرا دامن اے توں بھر دے مولا  
اپنا ای فقط اپنا ای ڈر دے مولا  
بونداں تھیں گزارا مرا ہووے ناہیں  
برسات کرم اپنے دی کر دے مولا

.....☆.....☆.....

نکلن جو مرے دل چوں دعاواں سُن دا  
آون جو مرے لب تے صداواں سُن دا  
محتاج کرم دا واں میں اوہدا بندہ  
منت کرے پوری تے نواواں سُن دا

.....☆.....☆.....

خالق اے اوہ عالم دا تے قادر مولا  
رحمان اوہ۔ سمھناں تے ای رحمت کردا  
دنیا تے خسارے دا ای سودا کردی  
مالک اوہ بچاندا اے تے جھولی بھردا

.....☆.....☆.....

تیرا ای کرم سبھ تے عطا اے تیری  
ہوٹھاں تے مرے، رہندی ثنا اے تیری  
دینا ایں سکوں قلب نوں مالک توں ای  
جو سانوں بچاندی اے شفا اے تیری

.....☆.....☆.....

انوار نیں تیرے ای جو ہر تھاں پھیلے  
اوہ سامنے میرے نیں کہ اکھ توں اوہلے  
جہاں دا تھوڑ وی نہ کیجا جاوے  
ایسے وی تے عالم نیں توں پیدا کیتے

.....☆.....☆.....

پتے نیں کہ پھل پھل یا اے کوئیل ٹہنی  
 ذرہ اے کہ صحرا اے کہ پانی مٹی  
 اوصاف ترے ویکھ گناندے مونہوں  
 مچھی اے کہ مچھر اے کہ جگنو ہاتھی

.....☆.....☆.....

حمد اں والا سبھ توں سوہنا رستا  
 ڈالی ڈالی اندر خشبو وٹدا  
 فکراں تائیں کردا چائن چائن  
 منظر منظر رحمت تھیں اے بھردا

.....☆.....☆.....

مالک اے جو صفتاں دا اوہ اللہ سوہنا  
 رازق اے جو سبھناں دا اوہ اللہ سوہنا  
 اوسے دی سدا حمد چٹارن سارے  
 حاکم اے جو حکماں دا اوہ اللہ سوہنا

.....☆.....☆.....

اوہ ہوش چ رکھدا اے اوہ مستی دیندا  
 اوہ نار نوں گلزار بنا کے ویہندا  
 اوہدی ای خدائی دے نیں جلوے سارے  
 لبھن وی جے ٹریئے تے اوہ نیڑے پیندا

.....☆.....☆.....

مفعولن مفعولن مفعولن مفعولن  
 رنگاں وچ روپاں وچ مہکاراں وچ  
 تیرے نغمے ساہواں دے تاراں وچ  
 لو توحیدی سبھ وچ ونڈی جاندی  
 فجراں تے شاماں دے تکراراں وچ

.....☆.....☆.....

مفعولن مفعولن مفعولن مفعولن  
 سچے سائیں ونڈے انعام بڑے  
 ساڈے اُتے کیتے اکرام بڑے  
 سانوں دیتا اے سوہنا پاک نبی  
 جلوے جس دی سیرت دے عام بڑے

.....☆.....☆.....

مفعولن      مفعولن      مفعول      فاعول  
کھلتے اکھ تے میں ویکھاں نور جمال  
سوئے کلمے تھیں بھالاں نور جمال  
مینوں اتھے رکھیں توں وانگ چراغ  
سوہنا سوہنا میں چٹماں نور جمال

.....☆.....☆.....

مفعولن      مفعول      مفاعیلن      فع  
شہ رگ توں وی کول مرے رہنا ایں  
بن کے بدل لطف کرم وسنا ایں  
حدوں ودھ کے پیار کریں مینوں توں  
میرے تے انعام سدا کرنا ایں

.....☆.....☆.....

مفعول      مفاعیلن      مفاعیل      فاعول  
دن رات توں پڑھدا رہ محبت دی نماز  
دن رات چتاریں توں عقیدت دی نماز  
ہر حال چچ اوہدی ای سدا حمد الاپ  
معبود تے چاہندا اے حقیقت دی نماز

.....☆.....☆.....

مفعول مفاعِلن مفاعیلِ فعل  
محتاج کرم دا سی کرم بھال رہیا  
رحمان دا سایہ سی میں خوش حال رہیا  
جو گیت سراں لا کے بنایا سی دلوں  
اوہ گیت ہمیشہ ای مرے نال رہیا

.....☆.....☆.....

مفعول مفاعِلن مفاعیلِ فع  
اتھراں دی دعا نوں ہن اثر ربا دے  
نجبی نوں توں پیار دی نظر ربا دے  
اکھیاں نوں شفاواں دی فضا وچ رکھیں  
مکے تے مدینے دا سفر ربا دے

.....☆.....☆.....

مفعول مفاعِلن مفاعیلِ فاع  
دن وانگ جو کردا اے سفر دا آغاز  
گھلدے نیں کئی طراں دے فراس تے راز  
دل نوں اوہ دے روشنی ودھا دیوے شان  
مومن دی تے عرش توڑی وی اے پرواز

.....☆.....☆.....

مفعول مفاعیل مفاعیلین فاع  
 سبحان تری ذات ترا ہر تھاں نور  
 کیہ کھوج ترا لان توں ایں نیڑے دور  
 سبھ نام ترے نام ، نویں رکھدے شان  
 انعام اے ہر گام کرے جو مخمور

.....☆.....☆.....

مفعول مفاعیلین مفعول فعل  
 جلوے نے ترے کھلے ہر گام نویں  
 اُس شان کریمی دے انعام نویں  
 جگنو جو چمکدے نیں اتھرو نیں مرے  
 اُلفت نے تری دتے ایہ جام نویں

.....☆.....☆.....

مفعول مفاعیلین مفعولین فع  
 احسان ترا متن اکھر سارے  
 احکام ترے جانن لشکر سارے  
 توں سبھ توں اچیرا ایں عالی سبھ توں  
 انعام ترے پاؤں جوہر سارے

.....☆.....☆.....



مفعولن مفعول مفاعیل فعل

بحر و بر تے شام سویراں دے خدا  
مالک تے مختار دلیراں دے خدا  
پچھدے نہیں مجبور، بچے جان کوں  
کسراں آوے ہوش پھیراں دے خدا

.....☆.....☆.....

مفعولن مفعول مفاعیل فعل

خالق تے سبحان تری صفت جمال  
مالک تے رحمان تری شان کمال  
سوہنی ہر مخلوق تری ذات عظیم  
اچی سچی شان دوے روپ اُجال

.....☆.....☆.....

مفعولن فاعلن مفاعیلن فع

رحمان ایں توں اُجال دے سانوں وی  
سبحان ایں توں کمال دے سانوں وی  
اُلفت دا تیری جام چکی پھر دے  
ذیشان ایں توں جمال دے سانوں وی

.....☆.....☆.....

خوشبو میں تری روح تے تن وچ ویکھاں  
چاہت میں تری ' نور بدن وچ ویکھاں  
منگیا اے جو ملیا اے ترے توں مولا  
تاثیر تری میں تے سخن وچ ویکھاں

.....☆.....☆.....

اوہ سامنے میرے نہیں کہ نظروں اولھے  
جنھے وی نہیں عالم تری عظمت دسدے  
جسھاں دا تصور کراں مولا میرے  
انوار تھیں تیرے اوہ چمکدے سبھے

.....☆.....☆.....

سنسار چ کھلری اے جو رنگت تیری  
دنیا نوں چلانندی اے جو حکمت تیری  
انعام ترے سبھ تے میں ہوندے ویکھاں  
مٹی نوں مہک دیندی اے رحمت تیری

.....☆.....☆.....

## نعتیہ رباعیاں

نعتاں تھیں دل نوں چاٹنا اے ملدا  
نعتاں تھیں رحمت دا بدل و سدا  
رکھن اے سدا پیار دی چھاویں نجی  
نعتاں تھیں ہر مشکل دا حل ملدا

.....☆.....☆.....

میں نعت دی تکمیل کراں گا کیویں  
دل نور دی قندیل کراں گا کیویں  
لفظاں دے ستارے میں بناواں بھاویں  
اُس حسن نوں تمثیل کراں گا کیویں

.....☆.....☆.....

سوہنے نوں دروداں دے نہیں تحفے لکھاں  
سوہنے نوں سلاماں دے نہیں تحفے لکھاں  
جو رحمتاں وٹدے نہیں زمانے اُتے  
سوہنے نوں غلاماں دے نہیں تحفے لکھاں

.....☆.....☆.....

کونین دے مولاً دا وسیلہ منگاں  
حسنین دے نانا دا میں صدقہ کھاواں  
قوسین دی قربت دے جو واصل ہوئے  
دارین دے آقا دا میں اُسوہ بھالاں

.....☆.....☆.....

کشکول جے بھرنا تے مدینے چلیے  
انمول جے ہونا تے مدینے چلیے  
ہمدرد زمانے چچ تے اوہو در اے  
دل کھول جے دَسنا تے مدینے چلیے

.....☆.....☆.....

اوصاف نبیؐ پاک دے سارے سوہنے  
اعجازِ نبیؐ پاک دے سارے اُچے  
دہلیزِ نبیؐ پاک دی روشن روشن  
اقوالِ نبیؐ پاک دے جیویں تارے

.....☆.....☆.....

تسکینِ دلاں دی نیں درودی نغے  
اس پاک وظیفے تھیں طبیعت ٹہکے  
ہر نطق تے بجیا اے سہانا کلمہ  
ایہ شان و دھاوے ایہو جنت بخشے

.....☆.....☆.....

اُس پیار دی خوشبو تھیں زمانا مہکے  
اوہ نور دی بارش اے جو سبھ تے و سے  
آقا دے ای آون تھیں ایہ جگمگ ہوئی  
اُس ذات دی رحمت اے جو سبھ تھیں اُپڑے

.....☆.....☆.....

دل عشق تھیں سوہنے دا مدینہ بن دا  
پتھر وی محبت تھیں نگینہ بن دا  
آقا دی جو حرمت دا فدائی ہووے  
اوہ شخص تے اُمت دا سفینہ بن دا

.....☆.....☆.....

انسان نوں عظمت دا دکھایا رستا  
محنت تے مشقت دا دکھایا رستا  
ہر شخص نوں سیرت دا اے چائن وِٹا  
اللہ دی اطاعت دا دکھایا رستا

.....☆.....☆.....

انوار دی کثرت اے مدینے اندر  
احسان دی برکت اے مدینے اندر  
توصیف میں لکھاں کہ عطاواں ویکھاں  
رحمان دی رحمت اے مدینے اندر

.....☆.....☆.....

آقا دا خدائی چج اے رتبہ اُچّا  
اس شان نوں کوئی نہ سمجھ اے سکیا  
ایہ شان ”رفعتا لک ذکرک“ کہہ کے  
ہر ویلے خدا آپ ودھاندا رہندا

.....☆.....☆.....

طیبہ دی زمیں نور دا سوہنا مسکن  
اک نور تھیں بھردی اے جو سبھ دا دامن  
دن رات سہانا اے سماں اوٹھوں دا  
رکھدا اے دلاں نوں جو ہمیشہ روشن

.....☆.....☆.....



تذکار نبیؐ پاک دے کر دے رہے  
افکار نبیؐ پاک دے پڑھ دے رہے  
ایہ پاک سعادت وی اے لبتھی سانوں  
اسرار نبیؐ پاک دے لبھدے رہے

.....☆.....☆.....

ہر پاسے ای دسدا اے تجلی تہاڈا  
ذہناں چ سمایا اے جو سودا تہاڈا  
نت پیار سلا ماں تھیں فضا اے مہکی  
ارمان دلاں دا اے مدینہ تہاڈا

.....☆.....☆.....

کچھ تاب نہ مدحت دی میں پاواں آقاؐ  
رتجھاں تھیں میں نعتاں تے بناواں آقاؐ  
کتھوں سی گزر ہویا تے کتھے اپڑے  
ایہ سوچ کے سوچ اپنی سجاواں آقاؐ

.....☆.....☆.....

چپ چپ نگاہواں چ صداواں لکیاں  
اتھراں چ۔ اُساڈے نیں دعاواں لکیاں  
آئے آں دوارے تے سناون دل دی  
ہوٹھاں تے اُساڈے نیں نواواں لکیاں

.....☆.....☆.....

اک ذکر تہاڈا ای لبّاں تے سجیا  
اک پیار تہاڈا ای دلاں وچ وسیا  
تسکین ملے دل نوں جے نعتاں لکھاں  
مدحت دا تہاڈی اے سہارا لبھیا

.....☆.....☆.....

کونین دے غم خوار نیں رہبر میرے  
نبیاں دے نیں سردار پیمبر میرے  
وصفاں چ مثالی نیں جو آقا سوہنے  
محبوب خدا دے نیں اوہ محور میرے

.....☆.....☆.....

ہر دور توں چنگا اے زمانہ تہاڈا  
دنیا اے یا عقبی اے خزانہ تہاڈا  
مومن دے لئی نعمت اے تہاڈی نسبت  
ہوٹھاں تے سجے اس دے ترانہ تہاڈا

.....☆.....☆.....

معبود حقیقی تھیں ملاون والے  
وحدت دا سبق سبھ نوں پڑھاون والے  
صدیاں توں جہالت دے جو قیدی ہوئے  
اوہناں نوں ہنیرے توں چھڑاون والے

.....☆.....☆.....

ہر پاسے نظر آندا اُجالا تہاڈا  
اُسوہ اے حقیقت چ نرالا تہاڈا  
انوار تہاڈے ای ایہ دنیا لٹ دی  
جدھر وی پئی جہات حوالا تہاڈا

.....☆.....☆.....

آقا نوں دروداں دے میں تحفے گھڑاں  
 آقا نوں سلاماں دی میں پکھڑی جھڑاں  
 سانویں میں موابہ دے سلاماں آکھاں  
 قدیمین چ بیٹھاں تے سناواں گلاں

.....☆.....☆.....

اکھیاں دا اُجالا اے اوہ ساوا گنبد  
 انوار دا ہالا اے اوہ ساوا گنبد  
 مرکز اے محبت دا دلاں دا چائن  
 عظمت دا ہمالا اے اوہ ساوا گنبد

.....☆.....☆.....

آقا دی اطاعت اے محبت میری  
 سرکار دی سیرت اے تلاوت میری  
 مدحت دے چراغاں تھیں کراں دل روشن  
 کردے ایہ اُجالے میں حفاظت میری

.....☆.....☆.....

قرآن دی نعمت وی تساں ای بخشی  
اخلاق دی دولت وی تساں ای بخشی  
محسن نہ کوئی ہو رہا تہاڑے وانگوں  
انسان نوں عظمت وی تساں ای بخشی

.....☆.....☆.....

میں در تے تہاڑے آں ثناواں کردا  
بخشش دے لئی اپنی دعاواں کردا  
سن دے اوہ گنہگار دے دل دی گل نوں  
میں نال ندامت دے صداواں کردا

.....☆.....☆.....

انسان دی عظمت دا حوالا تیکے  
فر شان تہاڑا ای تے بالا تیکے  
معراج دی دولت وی تساں ای پائی  
ہر پاسے تہاڑا ای اُجالا تیکے

.....☆.....☆.....

لنگھدے نہیں حضوری چ مرے دی لمحے  
رہندے نہیں نگاہواں چ حرم دے جلوے  
گلزار مدینے دا اے سانویں میرے  
تکنا واں جو منظر اوہ نہیں سوہنے سوہنے

.....☆.....☆.....

اکھیاں چ مدینے نوں وسا کے رکھاں  
گلشن میں سدا دل نوں بنا کے رکھاں  
سرکار دی مدحت دے میں نوری جلوے  
اک تاج بناواں تے سجا کے رکھاں

.....☆.....☆.....

توحید دے سوہنے نہیں حوالے ونڈے  
رحمت دے زمانے چ اُجالے ونڈے  
اصحاب دے رتبے نہیں ودھائے آقا  
اوہناں چ محبت دے نوالے ونڈے

.....☆.....☆.....

خوش رنگ بہاراں چ چمکدے ڈٹھے  
 بے چین قراراں چ چمکدے ڈٹھے  
 سرکار دی نسبت تھیں زمیں دے ذرے  
 میں نور دے تاراں چ چمکدے ڈٹھے

.....☆.....☆.....

اک نور مثالی اے سراپا تہاڈا  
 اچّا اے جہاناں توں وی رتبہ تہاڈا  
 ایہ بزم سجائی اے تہاڈی خاطر  
 شہکار بنایا اے جو جلوہ تہاڈا

.....☆.....☆.....

اوہ لطف دا بدل تے سدا ای وسیا  
 اوہ پیار دا گلشن تے سدا ای کھڑیا  
 آقا دی جو نسبت تھیں اے بویا دل وچ  
 اوہ نور دے پھلاں تھیں اے نجمی بھریا

.....☆.....☆.....

نعتاں تھیں معطر میں ایہ گلشن کیتا  
مدحت دے اُجالے تھیں ایہ دامن بھریا  
دربار توں سوہنے دے ضیاواں لے کے  
میں نور مدینے دا اے جھوٹا پایا

.....☆.....☆.....

ساہواں دیاں پنیاں تے میں لکھیاں نعتاں  
ہر نعت چ آقا، دیاں سچیاں باتاں  
سیرت دی جھلک پیار ودھاندی ڈٹھی  
روشن میں کراں اس تھیں ایہ دن تے راتاں

.....☆.....☆.....

گلان نوں میں ناں دین دی کوشش کردا  
سوہنا میں بیاں دین دی کوشش کردا  
آداب وی اُس دردے میں سانویں رکھتاں  
جذبے نوں زباں دین دی کوشش کردا

.....☆.....☆.....



طیبہ دی اسیں بات سہانی سن کے  
ایمان ودھاندے آں کہانی سن کے  
اُس شہر دے جلوے نہ بھلائے جاندے  
جیندے آں اسیں نور نشانی سن کے

.....☆.....☆.....

عظمت دا حوالا اے اوہ سوئی وستی  
اکھیاں دا اُجالا اے اوہ سوئی وستی  
ہر شام سویرے جتھے خلقت ڈھکدی  
عرشاں توں وی بالا اے اوہ سوئی وستی

.....☆.....☆.....

نبیاں دی امامت وی تساں ای کیتی  
روشن ایہ سیادت وی تساں ای پائی  
مہمان بنے خاص ای سوئے رب دے  
عرشاں نوں ایہ عزت وی تساں ای بخشی

.....☆.....☆.....

اک نام تہاڈا ای ضیاواں بخشے  
 اس نام وا صدقہ ای عطاواں منگیے  
 اس نام توں ایہ جان لٹائیے اپنی  
 اس نام تھیں پُر نور دعاواں رکھیے  
 .....☆.....☆.....

سرکارِ دی نسبت دی اے سوغات ملی  
 رحمتِ دی زمانے نوں اے برسات ملی  
 اس نور سمندر توں ای پلدے سارے  
 دنیا نوں عجب پیار دی خیرات ملی  
 .....☆.....☆.....

رحمتِ دا اوہ سایہ نہیں اُساڈے اُتے  
 آقا نہیں اوہ ساڈے تے اسیں آں بردے  
 کیتا اے اساں عہدِ محبتِ نجمی  
 اوہناں دے اشارے تے اسیں آں مرڈے  
 .....☆.....☆.....

چاہت بخشن والا سوہنا روضہ  
 رحمت و نڈن والا سوہنا روضہ  
 فر و پکھن نوں جی اے کردا نجمی  
 عزت دیون والا سوہنا روضہ

.....☆.....☆.....

ساڈے تے خدا ولوں اے رحمت اُتری  
 آقا تے جدوں پیار دی نعمت اُتری  
 دعوت اوہ جہڑی آپ نوں رب نے بخشی  
 دنیا چ بڑی شان دی جت اُتری

.....☆.....☆.....

پاواں جے مدینے دا خزانہ آقا  
 قربان کراں دل دا سفینہ آقا  
 ہر شے ای مدینے توں میں واراں نجمی  
 وسدا ای رہوے سوہنا مدینہ آقا

.....☆.....☆.....

رکھی نہ کدی وی میں ایہ دنیا دل وچ  
 رہندی اے مدینے دی تمنا دل وچ  
 فر ذکر چچ چھڑیا اے مدینے والا  
 اللہ تے نبیٰ دا ای اے میلہ دل وچ

.....☆.....☆.....

عرفان مدینے دا ملے طیبہ چوں  
 احسان مدینے دا ملے طیبہ چوں  
 بخشش آتے رحمت دے نیں وگدے دھارے  
 ارمان مدینے دا ملے طیبہ چوں

.....☆.....☆.....

سبھ بھیت حیاتی دے تساں ای کھولے  
 رکھ ٹرکے جے آئے نیں تے پتھر بولے  
 اوہناں نیں شفاعت دا وثیقہ پایا  
 در آپ تے جہاں نے وی اتھرو رولے

.....☆.....☆.....

آقاؑ نوں سدا نور دا پیکر لکھاں  
 اوہناں نوں محبت دا سمندر لکھاں  
 رحمت نہیں جہاناں دی اوہ پیارے رب دے  
 کوثر دا میں مالک آتے سرور لکھاں

.....☆.....☆.....

انوار بھرتا اوہ خزینہ دیکھو  
 تکنا اے جے جنت دا نگینہ دیکھو  
 سرکار دے جلوے نہیں سچے اوتھے  
 قسمت جے دوے ساتھ مدینہ دیکھو

.....☆.....☆.....

میں نور مدینے تھیں ایہ اکھیاں ٹھاراں  
 اُلفت چ نبیؐ پاک دی سبھ کجھ واراں  
 اس روح دے گلشن چ کھڑاواں غنچے  
 صدقے چ نبیؐ پاک دے مہکن باراں

.....☆.....☆.....

آقا دے نیں اوصاف نیارے لکھیے  
رحمت دے ملے نور نظارے لکھیے  
عظمت دے صحیفے وی ایہ سارے چھیے  
آقا دے صحابی ” نیں ستارے لکھیے

.....☆.....☆.....

آقا دے کمالاں نے اُجالے وٹھے  
آقا دے جمالاں نے اُجالے وٹھے  
آقا دے ای آوٹ تھیں اے روشن دنیا  
آقا دے خیالاں نے اُجالے وٹھے

.....☆.....☆.....

کونین دے سردار نیں سبھ دے ہادی  
سرکار دی رحمت تے ہے ازلی ابدی  
حداں چج محبت نہ اے آندی جس دی  
آقا نیں مرے اوہو ای مدنی ماہی

.....☆.....☆.....

اوہ ساز ازل دا نیں اوہ ہادی قاسم  
 اوہ حسن سراپا نیں اوہ رحمت عالم  
 اسرار خدائی دے اوہ جانن والے  
 توحید دے رستے دا دکھاندے پرچم

.....☆.....☆.....

اخلاق دی دولت اے لٹائی آقا  
 کردار دی عظمت اے دکھائی آقا  
 قرآن دی ونڈی اے جو دولت، اُس تھیں  
 ایمان دی نعمت اے ودھائی آقا

.....☆.....☆.....

انوار دی کثرت اے مدینے اندر  
 اللہ دی رحمت اے مدینے اندر  
 اوہ امن دے داعی نیں اوہ رہبر جگ دے  
 رحمت تے رسالت اے مدینے اندر

.....☆.....☆.....

توحید دے مرکز تے لیاون آقا  
دنیا نوں - خدا ولّیں بلاون آقا  
بھٹکے نہیں جہڑے راہ توں اوہناں تائیں  
سدھی اے جہڑی راہ دکھاون آقا

.....☆.....☆.....

طیبہ توں گھٹا رحمتاں والی اٹھ  
اوتھے تے ہوا پیاد دی مٹھڑی چلے  
اوتھوں ای فقیرئی دا ملے پروانہ  
چاہنے آں اسیں خاک مدینہ لیتھے

.....☆.....☆.....

مولا نے کرم خاص اے کیتا نجمی  
جد جام شفاعت دا میں پیتا نجمی  
مکے چ تے کیتا سی میں گماں لیراں  
جد آیا مدینے تے ایہ سیتا نجمی

.....☆.....☆.....



اک رات ہنیری سی مٹائی آقا  
توحید پرستی اے سکھائی آقا  
اوہ نور زمانے چ اے وٹیا آ کے  
دتی اے جہے سبھ نوں رہائی آقا

.....☆.....☆.....

روضے دا نظارا اے تے بجھیاں اکھیاں  
اوہ نور دی جالی اے تے جھکیاں اکھیاں  
اتھراں نے مرے خوب دعاواں منگیاں  
قدیم چ آقا دے نیں رویاں اکھیاں

.....☆.....☆.....

سانویں اے نظر دے مرے گنبد ساوا  
روضے دے نظارے نوں میں رنج رنج تکیا  
اک پیار دا مرکز اے وفا دا محور  
اکھیاں چ سجایا اے میں نوری جلوہ

.....☆.....☆.....

دل تے میں محمد ﷺ دا ای ناں اے لکھیا  
ہوٹھاں تے مرے صلّ علیٰ دا کلمہ  
جد موت ملے مینوں تے ہووے سانویں  
نجہی اوہ مدینے دا ای سوہنا نقشہ

.....☆.....☆.....

آقا دی ثنا خوانی اے دولت میری  
لکھنا واں میں نعتیں ایہ وے عزّت میری  
سوہنے دے تصور تھیں سجاواں محفل  
ایہ عشق خزینہ ای اے چاہت میری

.....☆.....☆.....

مولا، توں مدینے دا سفر منگنا واں  
انج اپنی دعاواں دا اثر منگنا واں  
میں حال سنانا اے نبیؐ نوں اپنا  
مولا توں مدینے دا نگر منگنا واں

.....☆.....☆.....

رحمت تھیں وسایا اے جو عالم سارا  
خوشیاں نوں زمانے چ برابر ونڈیا  
انوار تھیں آقا دے سچی اے دنیا  
سوئے مرے آقا تھیں ایہ عالم بنیا

.....☆.....☆.....

اکمل افضل کامل بالا سبھ توں  
امی رکھدے رتبہ اعلیٰ سبھ توں  
رحمت رافت شوکت ونڈن والے  
رکھدے نیں جو وکھرا ہالا سبھ توں

.....☆.....☆.....

سلطان مدینے تھیں اے نسبت دل نوں  
نسبت ایہ پچاندی سدا راحت دل نوں  
مصروف عبادت تھیں اوہ رہندے نجمی  
دیندے نیں دروداں دی جو چاہت دل نوں

.....☆.....☆.....

چھائی اے گھٹا رحمتاں والی سر تے  
 رکھی اے۔ روا عظمتاں والی سر تے  
 جلوے میں مدینے دے سنبھالے دل وچ  
 چائی اے شفا چاہتاں والی سر تے

.....☆.....☆.....

کونین نوں مولا نے بنایا پہلاں  
 منظر ایہ زمانے، نوں دکھایا پہلاں  
 فر آپ نوں گھلایا اے زمانے اندر  
 ڈنکا تے جہاناں چج وجایا پہلاں

.....☆.....☆.....

انگلی دے اشارے تھیں جو چن نوں توڑن  
 ڈبدے ہوئے سورج نوں جو کچھے موڑن  
 آئے اوہ آساڈے لئی مسیحا بن کے  
 آئے اوہ خدائی نوں خدا تھیں جوڑن

.....☆.....☆.....

جو نور نگاہواں نوں اے نجمی ملیا  
 طیبہ دی فضاواں دا اے صدقہ سارا  
 آقا دے تصرف چ خدائی ساری  
 عالم دا تے مقصد ای اے تہاڈا آنا

.....☆.....☆.....

غفلت دے جو پردے سی اٹھائے آکے  
 نغمے سی جو وحدت دے سنائے آکے  
 دنیا نوں سبق آکے پڑھایا سوہنا  
 اوگن جو دلاں دے سی مٹائے آکے

.....☆.....☆.....

اوصاف نبی دے نہیں بیانوں اُپے  
 رب آپ کہوے آپ نہیں شانوں اُپے  
 رحمت دا تے سایہ اے جہاناں اُتے  
 پر آپ نبی پاک جہانوں اُپے

.....☆.....☆.....

محتاج توجہ دا واں کملی والے  
خیرات محبت چوں وی ہتھ لیتھے  
اج حال پریشان بڑا اے میرا  
جس شاخ تے بیٹھا واں ایہ شاخ نہ ٹٹے

.....☆.....☆.....

در آپ دا دنیا تے ہے جنت میری  
قدیم بچ تہاڈے ای اے عزت میری  
دل آن کے رکھیا اے تہاڈے در تے  
ڈالی ایہ دروداں دی جے چاہت میری

.....☆.....☆.....

درداں دی دوا آپ دے در توں لیتھے  
کلیاں نوں صبا آپ دے در توں لیتھے  
لے آیا واں دل آپ دے در تے آقا  
اس نوں وی جلا آپ دے در توں لیتھے

.....☆.....☆.....

آقاؐ دا ثنا خوان بنایا سانوں  
مدحت دا طریقہ وی سکھایا سانوں  
خالق نے کرم خاص اے کیتا نجمی  
محبوبؐ دی سنت تے چلایا سانوں

.....☆.....☆.....

چھایا اے جہانں تے جو ستایا تہاڈا  
حق دا جو شناور اے اوہ شیدا تہاڈا  
وٹدیا اے تساں نور محبت والا  
ہر جی پیا منکدا اے سہارا تہاڈا

.....☆.....☆.....

اکھیاں ج مدینے دے نظارے سوہنے  
آقاؐ دے صحابہؓ نہیں ستارے سوہنے  
ایثار محبت تے اخوت والے  
کیتے نہیں جو آقاؐ نے اشارے سوہنے

.....☆.....☆.....

افضل اے سبھاں توں ای رسالت تہاڈی  
اکمل اے سبھاں توں ای نبوت تہاڈی  
اک نام اے تہاڈا ای جو پیارا سبھ توں  
اُچی اے سبھاں توں ای محبت تہاڈی

.....☆.....☆.....

کونین دی ہر شے تے تہاڈی رحمت  
اس درجہ اُچیری اے تہاڈی عظمت  
افلاک دی رفعت وی قدم نیں چمے  
ایمان دی ونڈی اے تساں ای نعمت

.....☆.....☆.....

دربار اے آقا دا بڑا ای سوہنا  
عظمت اے جہدی عرش توں اعلیٰ بالا  
جنت توں وی سوہنی اے اوہ سوہنی دھرتی  
اللہ دے محبوب دا جتھے جلوہ

.....☆.....☆.....



اُس پاک دوارے توں ای ملدی راحت  
 اوہ نور سمندر نہیں وساندے رحمت  
 آقا ای وسیلہ نہیں اساڈا نجمی  
 ملدی اے مدینے توں ای سکھ دی دولت

.....☆.....☆.....

قربان کراں جان میں صدقے جاواں  
 پہچان تہاڈی تھیں خدا نوں پاواں  
 ایمان سلامت رہوے چاہواں نجمی  
 ارمان مرا فیر مدینے آواں

.....☆.....☆.....

سرکارِ نوں تحفہ جو حرا تے ملیا  
 قرآن دی صورت چج اوہ سانویں رکھیا  
 انوار دی دسی اے حقیقت سبھ نوں  
 مخلوق نے آقا جیہا رہبر پایا

.....☆.....☆.....

سج دھج مرے آقا دی اے سبھ توں وکھری  
گل بات اے مٹھی جو دلاں نوں ٹمب دی  
مکھڑا اے جو آقا دا محبت وٹے  
اکھیاں دی حیا نقش نرالے رکھ دی

.....☆.....☆.....

سلطان مدینے دے ، دلارے جگ دے  
محبوبؐ نہیں مولا دے ؛ سہارے جگ دے  
جہاں دی غلامیؐ دا شرف اے ملیا  
سردار نہیں نبیاں دے اوہ پیارے جگ دے

.....☆.....☆.....

طیبہ دی گھٹاواں نوں سلاماں لکھاں  
طیبہ دی ہواواں نوں سلاماں لکھاں  
آقا دے نگر دی تے وے ہر شے سوہنی  
طیبہ دی فضاواں نوں سلاماں لکھاں

.....☆.....☆.....

سمبھناں دی بھلائی ایہ وے منصب تہاڈا  
توحید دا رستہ ایہ وے مذہب تہاڈا  
وٹیا اے تساں نور زمانے اندر  
مشرق وی اے تہاڈا اُتے مغرب تہاڈا

.....☆.....☆.....

پڑھنا واں ہمہ وقت میں آقا تے درود  
ایہ عمل ای کردا اے مرے دل دی نمود  
ایہ نور مری روح دے اندر چمکے  
اس پیار تھیں روشن رہوے میرا ایہ وجود

.....☆.....☆.....

دربار نبی تے توں جھکا دے نظراں  
دربار نبی تے توں وچھا دے پلکاں  
توں ویکھ مقدر ترے جاگن کسراں  
دربار نبی تے توں سنا دے نعتاں

.....☆.....☆.....

آقا دا ہر برودہ عزت پاوے  
آقا دا بناں چتے برکت پاوے  
آقا دا ناں دل نوں روشن کردا  
جہڑا ناں ایہ چتے رحمت پاوے

.....☆.....☆.....

ہر آن مدینے دی محبت منگاں  
دل وچ میں مدینے دی عقیدت رکھاں  
عملاں دی میں آئی وی بناواں ایپر  
سلطان مدینے دی شفاعت چاہواں

.....☆.....☆.....

اک شوق دا دریا اے جو ٹھاٹھاں مارے  
اک پیار دی منزل اے جو سداں مارے  
ہوٹھاں تے دروداں دے نیں نغمے جاری  
دل ویکھ مرا کسراں اے چھالاں مارے

.....☆.....☆.....

دس دے نیں مدینے دے سہانے منظر  
 لگدا اے بنے گی کوئی صورت بہتر  
 فر شہر نبیؐ وٹوں بلاوا آوے  
 پلیدی اے مرے دل چ کدوں دی سد ہر

.....☆.....☆.....

دربار نبیؐ تھیں ہے تعلق پکا  
 سوہنے دے غلاماں دا میں ادنیٰ بردا  
 وسنا واں مدینے دے اُجالے اندر  
 سوہنے دے ای اُسوہ نوں میں سانویں رکھیا

.....☆.....☆.....

سوہنے دا میں ہر حال اُلیکاں ناواں  
 ایہ بال کے مشعل سدا چائن پاواں  
 مدحت دا ایہ گلزار بہاراں ونڈے  
 آقا دے ثنا خواناں توں صدقے جاواں

.....☆.....☆.....

قندیل اے نوری جو جلائی آقا  
افکار دی دولت اے لٹائی آقا  
اخلاق دے انمول ذخیرے دتے  
کردار دی خوبی وی دکھائی آقا

.....☆.....☆.....

آقا دا کرم ہووے تے جنت ملدی  
پڑھیے جے حدیثاں تے بصیرت ملدی  
جھولی نوں عمل نال جے بھریئے نجمی  
سونہ رب دی محبت ای محبت ملدی

.....☆.....☆.....

سرکار دے در تے جو بہاندے اتھرو  
بیکار کدے وی نہ اوہ جاندے اتھرو  
انمول خزانے نیں ایہ چاہت والے  
توقیر دلاں دی ایہ ودھاندے اتھرو

.....☆.....☆.....

رحمت دی طلبگار اے اُمت تہاڈی  
آقا جی نُھلا بیٹھی شریعت تہاڈی  
اللہ دے وی حکماں نوں بھلایا اس نے  
واجب اے کرے خوب اطاعت تہاڈی

.....☆.....☆.....

میں نعت جے لکھاں تے سعادت سمجھاں  
اس شوق نوں اپنی میں عبادت سمجھاں  
ملدی اے مقدر تھیں ایہ قسمت نجمی  
سرکار توں پائی اے میں نعمت سمجھاں

.....☆.....☆.....

سرکار دی ہر بات نظر وچ رکھیے  
قرآن نوں دل دی اسیں اکھ تھیں تکیے  
کونین دے آقا دی ملے گی سیرت  
ایمان ودھے گا جے اوہ صورت تکیے

.....☆.....☆.....

خوش بخت نہیں جہڑے وی مدینے آئے  
اوہ لین شفاعت دے خزینے آئے  
پائی اے حضوری دی وی دولت اوہناں  
گھرتوں ای جہڑے کھول کے سینے آئے

.....☆.....☆.....

دن پیر دا سوہنا تے مقدس سمجھاں  
دن پیر دے اکبر ای میں روزہ رکھاں  
دن پیر دا سوہنا تے سہانا نجمی  
دن پیر دے آقا نے دکھایاں ڈھلکاں

.....☆.....☆.....

آقا نے زمانے تے بہاراں ونڈیاں  
رحمت دیاں سمجھناں چ پھہاراں ونڈیاں  
ڈگیاں نوں اٹھایا تے بنایا اچّا  
اُمت دے لئی خشیاں نہیں ہزاراں ونڈیاں

.....☆.....☆.....



رہندا اے سدا آپؐ دا اُسوہ سانویں  
ہوندا اے ہمیشہ ای ایہ رستا سانویں  
اکھاں نوں کراں بند تے ویکھاں نجمی  
جگمگ پیا کردا اے اوہ روضہ سانویں

.....☆.....☆.....

سوئے دے مدینے جو نہیں ٹھاہراں رکھدے  
اوہ نور اُجالے تے بہاراں رکھدے  
دنیا دے غماں توں اوہ دراڑے رہندے  
سرکارؐ دے اُتے جو وچاراں رکھدے

.....☆.....☆.....

طیبہ چوں حقیقت تے طریقت لیٹھے  
طیبہ چوں محبت تے شریعت لیٹھے  
اخلاق مروت اُتے چاہت ' عزت  
طیبہ چوں سدا آپؐ دی رحمت لیٹھے

.....☆.....☆.....

مولا توں مرے تے ایہ عنایت کر دے  
 مینوں توں عطا آپ دی مدحت کر دے  
 ہر ویلے دروداں دے میں سوہلے گاواں  
 توں میرے نصیباں چچ ایہ عزت کر دے

.....☆.....☆.....

آقا دی شریعت تے عمل ہووے گا  
 فر پیڑ تے ہر دزد دا حل ہووے گا  
 اوہ نور ہمیشہ ای توں سانویں رکھیں  
 اُس نور دا ہر گز نہ بدل ہووے گا

.....☆.....☆.....

ساڈے تے وے آقا دی اطاعت لازم  
 دل وچ اوہ بٹھانی اے شریعت لازم  
 جاں مال تے اولاد پنچھاور کرنی  
 ہے فرض اساڈے تے عبادت لازم

.....☆.....☆.....

راحت نہ ای رحمت نہ مروت دے  
ہر پاسے قیامت ای قیامت دے  
کمزور پیا رشتہ غلامی والا  
دعویٰ نہیں فقط کدرے نہ سیرت دے

.....☆.....☆.....

خلقت پاروں آقا اُپے سبھ توں  
عظمت پاروں آقا اُپے سبھ توں  
صورت پاروں سوئے سبھ توں آقا  
سیرت پاروں آقا اُپے سبھ توں

.....☆.....☆.....

تہاڈا رستہ سوہنا سچا شاداب  
سمھے گلّاں محکم تے نایاب  
تہاڈا ہر اک کچھ اے سوہنا سچا  
تہاڈے دے اُن مل نہیں آداب

.....☆.....☆.....

مدحت دا خزینہ مرے حصے آیا  
چاہت دا قرینہ مرے حصے آیا  
انوار دی دولت سی لٹائی جاندی  
رحمت دا نگینہ مرے حصے آیا

.....☆.....☆.....

آقا دی ولادت دا مہینہ آیا  
ہر پاسے محبت دا، اے بدل چھایا  
خوشیاں دے چھڑے گیت نہیں سمجھے پاسے  
رحمت نے زمانے تے اے کینا سایا

.....☆.....☆.....

سرکار دے نسبہ نقش ہدایت بھرویں  
انوار نبی دے نہیں شفاعت بھرویں  
آقا دی قدم بوسی ملی جہاں نوں  
رستے اوہ حقیقت دے بصیرت بھرویں

.....☆.....☆.....

جذبے نہیں سنو دے تے چمکدے منظر  
آقا دی اطاعت ای بناوے گوہر  
تسکین ملے دل نوں تے راحت جاں نوں  
ایمان دا ودھدا اے جدوں وی جوہر

.....☆.....☆.....

خوش بخت نہیں نجمی جو مدینے جاندے  
اوہ پیار شفاعت دے گننے پاندے  
جو نور فضاواں چ گزارن لمحے  
اخلاص محبت دے خزینے پاندے

.....☆.....☆.....

دل وچ اے فقط تہاڑی محبت آقا  
اکھیاں نے وی دیکھی اے حقیقت آقا  
جنت اوہ مدینے دی نگاہواں چ سچی  
ہوندی اے مقدر تے وی حیرت آقا

.....☆.....☆.....

آقا دی گواہی لئی پتھر بولے  
 مٹھی چ ابوجہل دی کنکر بولے  
 جس شے تے پیا آپ دا جلوہ نوری  
 اس شے چوں حقیقت دا اے جوہر بولے

.....☆.....☆.....

نعمت اے جو وڈی اوہ میں نعمت پائی  
 رحمت اے جو وڈی اوہ میں رحمت پائی  
 آقا دی ثنا گویٰ خدا نے بخشی  
 عظمت اے جو وڈی اوہ میں عظمت پائی

.....☆.....☆.....

اخلاق دے جوہر وی لٹاندے آقا  
 افکار دے گوہر وی لٹاندے آقا  
 سمجھناں تے عنایت دی نظر کردے نہیں  
 رحمت دے سمندر وی لٹاندے آقا

.....☆.....☆.....

اندر دیاں روگاں نوں پچھانن والے  
 نہیرے نوں مٹاندے نیں اوہ چانن والے  
 ہر اکھ دے نبی پاک نے پونجے اتھرو  
 تکلیف دلاں دی نوں اوہ جانن والے

.....☆.....☆.....

کونین دے سرور دی فقیری لبھے  
 دل چاہوے مدینے دی اسیری لبھے  
 پاواں میں مدینے دی ہوا دے جھونکے  
 در پاک تے جے وقت اخیری لبھے

.....☆.....☆.....

آئے نبی جنت دے درتے کھلے  
 حق سچ دی عدالت دے درتے کھلے  
 دنیا نوں نویں شان دی عظمت لبھتی  
 دنیا لئی رحمت دے درتے کھلے

.....☆.....☆.....

اُس شان مثالی تھیں نہ کوئی اُپڑے  
اُس نقش جمالی تھیں نہ کوئی اُپڑے  
جس سارے زمانے نوں اے خوشیاں دتیاں  
اُس اُسوہ عالی تھیں نہ کوئی اُپڑے

.....☆.....☆.....

عرفان جے پانا اے مدینے چلیے  
ایمان جے پانا اے مدینے چلیے  
جو نعمتاں وٹدے نیں مدینے وسدے  
وجدان جے پانا اے مدینے چلیے

.....☆.....☆.....

سرکارِ روا روضہ ای اے منزل دل دی  
اس نام تھیں سجدی سدا محفل دل دی  
اوہ نور ہدایت اے زمانے اندر  
کردا اے سدا دور جو مشکل دل دی

.....☆.....☆.....



محبوبِ دی خوشبو تھیں بنائی دنیا  
محبوبِ دی خوشبو تھیں سجائی دنیا  
جنت دے وی کوثر دے وی مالک آقا  
محبوبِ دی خوشبو تھیں ودھائی دنیا

.....☆.....☆.....

دربارِ نبیٰ دا میں وسیلہ منگاں  
ایمان دا مولا توں خزانہ منگاں  
سرکارِ دے اخلاق کریمی چاہواں  
سرکارِ دی رحمت دا سفینہ منگاں

.....☆.....☆.....

ہر ویلے مرے لب تے درودی نغمے  
ہر وقت پرونا واں درودی گجرے  
دل یادِ نبیٰ تھیں رہوے آباد سدا  
ہر آن میں منگنا واں درودی لمحے

.....☆.....☆.....

سیرت اے نبیٰ دی جو بصیرتِ دِسدی  
 اُسوہ اے نبیٰ دا جو محبتِ دِسدی  
 اوہ آپ دا صدقہ اے جو توقیر ملی  
 رحمت اے نبیٰ دی جو وی چاہتِ دِسدی

.....☆.....☆.....

جنبش اے قلم وچ ، کوں مدحت لکھے  
 آقا دی سعادت تے بصیرت لکھے  
 ایہ کم تے رہیا سبھ دے ای دستوں باہر  
 کس حال چ آقا دی فضیلت لکھے

.....☆.....☆.....

نفرت دی بجھی اگ تے محبت جاگی  
 سرکار دے آیاں ای بصیرت جاگی  
 انوار دی بارش ہوئی دنیا اُتے  
 سستی سی جو لوکاں دی اوہ قسمت جاگی

.....☆.....☆.....

دربار مدینے دا حرم اے سوہنا  
ہویا اے جہاناں تے کرم اے سوہنا  
اکھیاں چ سجائے نیں میں ایہدے جلوے  
دربار مدینے دا قسم اے سوہنا

.....☆.....☆.....

طیبہ توں ای جیون دا طریقہ سیکھو  
طیبہ توں ای چاہت دا قرینہ سیکھو  
جو درس دی لینا اے نبی توں لینا  
اُس در توں غلامی دا سلیقہ سیکھو

.....☆.....☆.....

آقا دی محبت نوں بٹھائیے دل وچ  
انوار دی دولت نوں وسائیے دل وچ  
الطاف تے اکرام تھیں دامن بھریے  
مشعل وی عقیدت دی جلائیے دل وچ

.....☆.....☆.....

رحمت نیں خدا دی مرے مدنی آقا  
نعمت نیں خدا دی مرے مدنی آقا  
آقا دی اطاعت تے دے اللہ راضی  
رافت نیں خدا دی مرے مدنی آقا

.....☆.....☆.....

جس نام تھیں مینوں اے عقیدت نجمی  
جس نام تھیں مینوں اے محبت نجمی  
اوہ نام محمد ﷺ اے اُجالے ونڈدا  
اس نام تھیں سبھناں نوں اے چاہت نجمی

.....☆.....☆.....

قرآن نبیؐ پاک دا اُسوہ سوہنا  
ایمان نبیؐ پاک دی مدحت کرنا  
بیعت اے نبیؐ دی تے خدا دی بیعت  
فیضان نبیؐ پاک دا ونڈیا جاندا

.....☆.....☆.....

توصیف کراں آپ دی خوشبو پھیلے  
رحمت دی گھٹا اٹھتے تے ہر سو پھیلے  
اک کاہکشاں کھلری اے چراغاں وانگوں  
سیرت تے نبی پاک دی جو جو پھیلے

.....☆.....☆.....

رحمت دے حصاراں چ حیاتِ گزرے  
چاہت دی بہاراں چ حیاتِ گزرے  
اوہو ای قسم رب دی نہیں سوئے لمحے  
جو نور دیاراں چ حیاتِ گزرے

.....☆.....☆.....

رانج جے اوہ سوئے دی شریعت ہووے  
ہر پاسے محبت ای محبت ہووے  
تکوار نہ خنجر تے نہ بندوق چلے  
جے عام نبی پاک دی سنت ہووے

.....☆.....☆.....

میں عشقِ نبیؐ پاک دوامی منگاں  
آقاؐ دی سدا ای میں غلامی منگاں  
ہے اگو تمنا مرے دل دی نجمی  
ہر سال مدینے دی سلامی منگاں

.....☆.....☆.....

پہچان اساڈی اے نبیؐ دی سیرت  
ایمان اساڈا اے نبیؐ دی طاعت  
قرآن دا رسدہؐ ای اساڈی منزل  
سرکارؐ دا اُسوہؐ ای ودھاوے عزت

.....☆.....☆.....

خوشبو تھیں مغطر نہیں فضاواں سمٹھے  
چاہت تھیں معنبر نہیں فضاواں سمٹھے  
گلزار مہکدا اے نبیؐ دی سیرت  
سیرت تھیں منور نہیں فضاواں سمٹھے

.....☆.....☆.....

گزرے جو مدینے چ حیاتِ سوتنی  
 پے جاوے جو روضے تے ہے جھاتی سوتنی  
 سرکارُ دا اُسوہ رہوے نجمی سانویں  
 جیون وی اوہ سوہنا تے مماتی سوتنی

.....☆.....☆.....

انوار محمد ﷺ دے دکھائے رب نہیں  
 گلزار وی رحمت دے کھڑائے رب نہیں  
 سرکارُ دی دانش دے نہیں سارے چشمے  
 دریا نہیں جو رافت دے بہائے رب نہیں

.....☆.....☆.....

اک نور دا موسم اے دکھایا سانوں  
 اک پیار دا مرہم وی اے لایا سانوں  
 مجبور بنا کے وی اے سانوں رکھیا  
 شبنم دا اے قطرہ جو چکھایا سانوں

.....☆.....☆.....

قربان میں آقا دے بھرم رکھن تے  
 قربان میں سوہنے دے قدم رکھن تے  
 رحمت دی نظر سبھ تے نیں آقا رکھدے  
 قربان میں پیارے دے کرم رکھن تے

.....☆.....☆.....

توں دس بھلا کھٹیا تے کمایا کیہ اے  
 خالی ایں عمل توں تے بنایا کیہ اے  
 کجھ نعت دے مصرعے میں سنائے نجھی  
 اک نور دا جھولا سی جھلایا کیہ اے

.....☆.....☆.....

رحمت اے نہ رافت اے تہاڈے جیسی  
 سیرت اے نہ صورت اے تہاڈے جیسی  
 آئے تے نیں لکھاں ای نبیؐ اللہ دے  
 پائی نہ نبوت اے تہاڈے جیسی

.....☆.....☆.....



عاجز نہیں قلم آپؐ دی مدحت اُچی  
مولا دی قسم آپؐ دی مدحت اُچی  
اوصاف نبیؐ پاک دے اللہ جانے  
کردا جو رقم آپؐ دی مدحت اُچی

.....☆.....☆.....

آقاؐ دی اطاعت دا اے رشتہ پکا  
آقاؐ دی محبت دا اے رشتہ پکا  
کچے نہیں ایہ دنیا دے جو رشتے سارے  
اک آپؐ دی نسبت دا اے رشتہ پکا

.....☆.....☆.....

ہے خاک مدینے دی ای غازہ مکھ دا  
اٹھدا اے مدینے توں ای بدل سکھ دا  
طیبہ دی محبت اے عبادت نجمی  
ایہ دور کرے قہر سراں توں دکھ دا

.....☆.....☆.....

در پاک تے بیٹھے نہیں کبوتر سوہنے  
در پاک تے بیٹھے نہیں مجاور سوہنے  
در پاک تے بن دے نہیں ستارے گوہر  
در پاک تے ڈگدے نہیں جو اتھر سوہنے

.....☆.....☆.....

آفت دی گھڑی ٹل گئی صدقے تہاڑے  
مشکل سی بڑی ٹل گئی صدقے تہاڑے  
سرکار دی رحمت نے ای بنھے لایا  
ازمیش کڑی ٹل گئی صدقے تہاڑے

.....☆.....☆.....

آقا دی محبت تھیں ایہ پھل پھل مہکے  
سوہنے دی نوازش تھیں مقدر چمکے  
دنیا نوں مدینے توں ای عزت ملدی  
آقا دی بدولت ای ایہ جوہر دکے

.....☆.....☆.....

تنویر ملی پاک نبی دے در توں  
جاگیر ملی پاک نبی دے در توں  
حل ہوئی مرے قلب دی اوکڑ او تھے  
توقیر ملی پاک نبی دے در توں

.....☆.....☆.....

زخماں دا مداوا تے مدینے ہووے  
سبھ داغ گناہواں دے اوہ سوہنا دھووے  
بخشش دی سند بخشے اوہ جت نگری  
ہسدا ای اوہ پرتے جو وی او تھے رووے

.....☆.....☆.....

اُسوہ نہ نبی پاک دا لکھیا جاوے  
دانش دا تقاضا اے کہ سکھیا جاوے  
ایہ شان تے نجمی اے بیانون اگے  
ایہ شان سمجھ آندی جے رچیا جاوے

.....☆.....☆.....

وکرے ای مدینے دے قرینے دیکھے  
کچھ شوق دے منہ زور سفینے دیکھے  
لب کھول نہ سکے آہیں اوتھے جا کے  
پلکاں تے محبت دے نگینے دیکھے

.....☆.....☆.....

قدیم مبارک نے بہاراں ونڈیاں  
انوارِ نبیؐ پاک، پھہاراں ونڈیاں  
ایمان تے قرآنؑ دی دولت دے کے  
دنیا چ محبت دیاں دھاراں ونڈیاں

.....☆.....☆.....

رحمت دے درتچے وی اساڈی خاطر  
عظمت دے درتچے وی اساڈی خاطر  
کھولے نیں نبیؐ پاک دے صدقے رب نے  
جنت دے درتچے وی اساڈی خاطر

.....☆.....☆.....

جے سوچئے سمھناں دا بھلا کرنا اے  
جے جائیے حق اے جو ادا کرنا اے  
دسیا جو نبی پاک نے اُس تے چلیے  
جے سمجھئے وعدے نوں وفا کرنا اے

.....☆.....☆.....

ہر پاسے قیامت ای قیامت دیکھاں  
ہر شخص دے ہوٹھاں تے ضرورت دیکھاں  
دل ذکر نبی تھیں جو نہ روشن کردے  
اوہناں تے میں دنیا دی حکومت دیکھاں

.....☆.....☆.....

ایثار تے اخلاق مروّت وٹدے  
اوہ ذات تے ہر ویلے ای رحمت وٹدے  
تعلیم رسالت دی جو سانویں رکھے  
اوہ شخص زمانے چج محبت وٹدے

.....☆.....☆.....

اوہ لوک اُجالے چ سفر کردے نہیں  
 جو پاک مدینے تے نظر کردے نہیں  
 آباد اوہ رکھدے نہیں دلاں دی دنیا  
 مدحت چ جو دن رات بسر کردے نہیں

.....☆.....☆.....

آقا دے کمالاں دی نہ لبھدی حد اے  
 آقا دی فضیلت تے جہانوں ودھ اے  
 عظمت نوں وی عظمت ملی تہاڈے صدقے  
 اس بات دا منکر ای تے رکھدا کد اے

.....☆.....☆.....

آقا دے تبسم تھیں اے رحمت و سدی  
 آقا دے تکلم تھیں سماعت سچ دی  
 آقا دی بدولت ای تے ملیا چانن  
 آقا دی اطاعت تھیں شفاعت لبھدی

.....☆.....☆.....

قرآن ای صورت اے تے سیرت تہاڈی  
 قرآن تے خوشبو اے محبت تہاڈی  
 قرآن ضیا و نڈا ہنیرے اندر  
 قرآن نوں بھل بیٹھی اے اُمت تہاڈی

.....☆.....☆.....

قرآن نشانی اے تے بعثت تہاڈی  
 قرآن تے ملیا اے بدولت تہاڈی  
 قرآن اُجالا اے تے نعمت سوہنی  
 قرآن ای رحمت اے تے جنت تہاڈی

.....☆.....☆.....

سجدے میں کراں شکر دے رب نوں پاواں  
 میں اپنے مقدر توں وی صدقے جاواں  
 آقاؐ نے غلاماں چ بٹھایا مینوں  
 سوئے دے ای صدقے تے ایہ ملیاں تھاواں

.....☆.....☆.....

سرکارُ دا روضہ ای اے منزل دل دی  
اس نام تھین سجدی سدا محفل دل دی  
ایہ ذکر پیارا ای اُجالے ونڈے  
آسان تصور کرے مشکل دل دی

.....☆.....☆.....

تعلیم نبیٰ دی جے عوامی ہووے  
گھر گھر مرے اقبال تے جامی ہووے  
سرکارُ دی سیرت تے جے چلدے رہیے  
مٹ جاوے مقدر دی جو خامی ہووے

.....☆.....☆.....

مشعل جے دروداں دی مرے نال رہوے  
اوکڑ نہ زمانے دی مرے نال کھہوے  
ایہ ذکر سدا دل نوں حیاتی دیوے  
محبوب بناوے تے سدا پیار لوے

.....☆.....☆.....



سرکارِ دی بعثت نے اُجالے وٹڈے  
توحید دے سمجھے ای حوالے وٹڈے  
اخلاق دے موتی وی لٹائے سبھ وچ  
ایمان دے سمجھناں چچ نوالے وٹڈے

.....☆.....☆.....

سرکارِ مدینہ دی اطاعت کریئے  
محبوبِ خدا پاک دی مدحت کریئے  
اخلاق نبیٰ پاک دا دیسے سبھ نوں  
آقا دی اسیں عام شریعت کریئے

.....☆.....☆.....

سرکارِ دی چاہت کرے دل نوں روشن  
سرکارِ دا اُسوہ ای ودھاوے چانن  
سرکارِ دی نسبت تھیں نیں شرفاں سمجھے  
سرکارِ دا صدقہ ای تے وسدے آنگن

.....☆.....☆.....

سرکارؑ دی عظمت دے ترانے گائیے  
 سرکارؑ دی چاہت چ مقالے لکھیے  
 سرکارؑ دے حکماں تے پنچھاور ہوئیے  
 سرکارؑ دی سیرت توں ہدایت لبھیے

.....☆.....☆.....

آقاؑ نے شریعت دی قبا بخشی اے  
 سرکارؑ نے رحمت دی ردا بخشی اے  
 لوکاں نوں طلبہ توں وی سوایا دیتا  
 آقاؑ نے شفاعت دی ضیا بخشی اے

.....☆.....☆.....

آقاؑ دے توسل تھیں ہدایت منگیے  
 سرکارؑ دے اسوہ تھیں فضیلت منگیے  
 آقاؑ دی محبت تے شریعت تائیں  
 سرکارؑ دی مدحت آتے اُلفت منگیے۔

.....☆.....☆.....

اقوال نبی پاک دے ازبر کریئے  
 اتھراں نوں محبت تھیں جے گوہر کریئے  
 طیبہ دی اسیری تے ملے گی تہ ای  
 ہر نقش عقیدت دا جے بہتر کریئے

.....☆.....☆.....

آقا تے فدا اپنیاں جاناں کردے  
 حرمت تے نبی پاک دی کلدے مردے  
 عاشق تے فدائی نیں سدا توں نجمی  
 جو بحر عقیدت چ ہمیشہ تردے

.....☆.....☆.....

طیبہ چ سدا نور سویرا رہندا  
 دن رات ملائک دا اے پھیرا رہندا  
 جنت دی ہوا آکے سلامی دیوے  
 رحمت دا وی سایا اے گھنیرا رہندا

.....☆.....☆.....

قرآن نے دسی اے حقیقت تہاڈی  
 قرآن حقیقت چ ہے مدحت تہاڈی  
 قرآن ضرورت اے اساڈی نجمی  
 قرآن صحیفہ اے تے رحمت تہاڈی

.....☆.....☆.....

قرآن گواہی اے امانت تہاڈی  
 قرآن کراندا اے، زیارت تہاڈی  
 قرآن دی واجب اے اطاعت نجمی  
 قرآن نے دسی اے شریعت تہاڈی

.....☆.....☆.....

سبھ دے تسیں مقصود ہے میرے آقا  
 حامد اے محمود ہے میرے آقا  
 رونق اے جہاناں دی تہاڈے پاروں  
 سمھناں لئی مسعود ہے میرے آقا

.....☆.....☆.....

اُلفت تھیں نیں سرشار ایہ اکھیاں ہونیاں  
رحمت تھیں ضیا بار ایہ اکھیاں ہونیاں  
خواباں تھیں تہاڈے میں سجانا چاہواں  
جلوے دی طلب گار ایہ اکھیاں ہونیاں

.....☆.....☆.....

چلدا اے مرا ساہ صبا دے وانگوں  
نکھرے نیں مرے لفظ ضیا دے وانگوں  
توصیف نبیؐ لکھیاں ایہ عزت لبھتی  
مہکی اے مری خاک حنا دے وانگوں

.....☆.....☆.....

منزل اے مری درس ہدایت تہاڈا  
راحت اے مری لطف شفاعت تہاڈا  
احسان تہاڈے نیں زمانے اُتے  
ہر نطق پڑھے حرف عنایت تہاڈا

.....☆.....☆.....

ڈگدے ہوئے لوکاں نوں اٹھایا سوہنے  
 اُجڑے ہوئے لوکاں نوں وسایا سوہنے  
 سوہنے تے سلاماں دی رہوے گی بارش  
 ستے ہوئے بختاں نوں جگایا سوہنے

.....☆.....☆.....

پتھر وی حرا دے نیں معطر کیتے  
 طیبہ دے گلی، کوہِ چے معنبر کیتے  
 انوار دی ہر پائے ای بارش کیتی  
 عرشاں تے گئے رستے منور کیتے

.....☆.....☆.....

چاہت دا طریقہ وی تساں ای دسیا  
 جیون دا سلیقہ وی تساں ای دسیا  
 پائی اے ضیا دل نے تہاڈے در توں  
 ہر قول انیقہ وی تساں ای دسیا

.....☆.....☆.....

سیرت توں نبیٰ دی اوہ ضیا لہندے نہیں  
 طیبہ چچ جو پلکاں نوں وچھا لہندے نہیں  
 آقا توں شفاعت دی ردا اوہ پاندے  
 سینے چچ محبت جو وسا لہندے نہیں

.....☆.....☆.....

دنیا چوں مدینے دی فضا چنگی اے  
 منگی جو مدینے سی دعا چنگی اے  
 نجمی نوں وی اوتھوں دی لگن اے رہندی  
 طیبہ جے ملے تے اوہ قضا چنگی اے

.....☆.....☆.....

سرکارؐ نے عرفان دی دولت بخشی  
 قرآن جہی آپؐ نے نعمت بخشی  
 ذہناں دے درتچے ای نہ گھلتے ساتھوں  
 دنیا دے غماں نے ای نہ فرصت بخشی

.....☆.....☆.....

میں نعت لکھاں جد وی سجاواں میلہ  
آقا دے میں آؤن دا مناواں میلہ  
سرکارؐ دی سیرت دی میں خشبو ونداں  
میں پیار دے گلزار تھیں لاواں میلہ

.....☆.....☆.....

سرکارؐ مدینہ دا میں صدقہ منگاں  
اخلاق نبیؐ پاک تھیں دل نوں رنگاں  
روشن میں کراں ءنور تھیں اپنا سینہ  
کیوں اوں دوارے توں میں منکدا سنگاں

.....☆.....☆.....

اقرا دی شہادت تھیں حرا اے روشن  
آج ثور تے آقا دی نوا اے روشن  
اوہ نال خدا اے جو حفاظت کردا  
سرکارؐ دا ہر قول دعا اے روشن

.....☆.....☆.....



نوری چن جد جو بن اُتے جاوے  
 پیارا مکھڑا اکھیاں اُتے آوے  
 چن فلکاں تے تکنا واں میں جد وی  
 آقا دا فر بچپن اکھ نوں بھاوے

.....☆.....☆.....

دیوانے تہاڑے نہ کسے وَل تكدے  
 اوہ تانگہ مدینے دی دلاں وچ رکھدے  
 ہوٹھاں تے درودی اوہ سجانڈے نغمہ  
 اوہ مست مدینے دی فقط مے چکھدے

.....☆.....☆.....

اکھیاں چج مرے وسیا مدینہ سوہنا  
 دل مندری چج بجیا اے نگینہ سوہنا  
 آباد رہوے پیار تے رحمت وٹڈے  
 آقا دا نگر سکھ دا خزانہ سوہنا

.....☆.....☆.....

آقا دی محبت دا اے انداز جدا  
دیندے نین غلاماں نوں اوہ رحمت دی روا  
الطاف دے بدلاں نوں وسا کے آقا  
ایہ سوکا دلاں وچوں مکا دیوہ ذرا

.....☆.....☆.....

اکھیاں چ سجایا اے ثنا دا گلشن  
مدحت چ مگن ہوئی اے دھڑکن دھڑکن  
مینار ہدایت دا تہاڑی سیرت  
اس نور نے دنیا نوں اے کیتا روشن

.....☆.....☆.....

اک نام جو ہوٹھاں نوں حلاوت دیندا  
اک نام جو جندڑی نوں اے راحت دیندا  
اوہ نام محمد ﷺ اے جو جگ دے اندر  
وٹڈا اے سدا خلق تے برکت دیندا

.....☆.....☆.....

گلزار مدینے دا بہاراں وٹڈے  
اکرام تے اعزاز تے عزت دیوے  
آقا دی محبت تے عطا اے نجمی  
جو نور اُجالا آتے جنت بخشے

.....☆.....☆.....

طیبہ دا سفر یاد کراں تے سوچاں  
آقا دا نگر یاد کراں تے سوچاں  
سوچاں چج و سائے نیں حرم دے منظر  
سرکار دا در یاد کراں تے سوچاں

.....☆.....☆.....

جد شوق تھیں آقا دی ثنا کرنا واں  
تقسیم مدینے دی ضیا کرنا واں  
سیرت دی مہک پیار دے موڈھے دھر کے  
مدحت دا سفر وانگ صبا کرنا واں

.....☆.....☆.....

سرکارِ دا دربار پناہواں دیوے  
 سرکارِ دے انوار دی بارش وے  
 سرکارِ دی گفتار اُجالے وٹدی  
 سرکارِ دے کردار دی خشبو پھیلے

.....☆.....☆.....

آقا سوہنے دی میں اُلفت چاہواں  
 طیبہ اندر اپنا ڈیرہ لاواں  
 گنتی ہووے نوری محفل اندر  
 روشن ہووے دل تے مہکن ساہواں

.....☆.....☆.....

فیضان رسالت دا اے وٹیا جاندا  
 رحمت دی گھٹا بن کے اوہ سبھ تے چھاندا  
 انوار تھیں دامن نوں اے بھردا جھڑا  
 اوہ پیار شفاعت تے عقیدت پاندا

.....☆.....☆.....

فرمان نبیؐ پاک دے پیارے سارے  
 ظلمت چ سدا ایہ نہیں اُجالے وٹدے  
 محروم محبت توں نہ رہندے نجمی  
 سرکارؐ دا اُسوہ جو نہیں دل وچ رکھدے

.....☆.....☆.....

سرکارؐ دی مدحت سدا زندہ رکھے  
 ایہ نور نبوتؐ سدا زندہ رکھے  
 دے جان نبیؐ دے ای توں رستے اُتے  
 ایہ عشق شہادت سدا زندہ رکھے

.....☆.....☆.....

روشن دیوے گھر گھر جگدے پئے نہیں  
 آقاؐ سبھ دی جھولی بھر دے پئے نہیں  
 نعتاں دے پھل مہکن دامن اندر  
 نوری غنچے دل وچ کھڑدے پئے نہیں

.....☆.....☆.....

آقا دی بدولت ای فضیلت پائی  
 آقا دی بدولت ای ہدایت پائی  
 آقا دے ای آون تھیں شریعت لہٹی  
 آقا دی بدولت ای اے راحت پائی

.....☆.....☆.....

گلزار مدینے دا اے سوہنا سوہنا  
 بازار مدینے دا اے سوہنا سوہنا  
 ہر رنگ مدینے دا اے سوہنا نجمی  
 گھربار مدینے دا اے سوہنا سوہنا

.....☆.....☆.....

طیبہ دی ہوا پیار دا امرت دیندی  
 طیبہ دی ہوا شان تے راحت دیندی  
 تسکین دے دل نوں اُجالے وڈے  
 طیبہ دی ہوا نور تے نکھت دیندی

.....☆.....☆.....

میں نوری قطاراں چ آں شامل ہویا  
سرکار دے پیاراں چ آں شامل ہویا  
اس دل دی خوشی دس نہیں ہوندی میتھوں  
میں نعت نگاراں چ آں شامل ہویا

.....☆.....☆.....

آقا آئے سوہنے موسم ہوئے  
کھنکر جتے پل وچ ریشم ہوئے  
آقا سوہنے ونڈی اے اوہ رحمت  
جس دے پاروں روشن عالم ہوئے

.....☆.....☆.....

ونڈی سوہنے آقا اپنی چاہت  
اکمل ہوئی اس دنیا دی صورت  
ودھیا ہر اک ماڑے جی دا رتبہ  
ہر اک دل وچ وستی خدمت اُلفت

.....☆.....☆.....

آقا دسیاں سبھے راہواں سُچیاں  
 سوہنے سوہنے پھلاں دے وچ رچیاں  
 آقا جتھے لایا پھیرا نجمی  
 اوہناں تھاواں شانناں پایاں اُچیاں

.....☆.....☆.....

مدنی ماہی حل دکھڑے کر دیندے  
 سانویں ہر شے لوکاں دے دھر دیندے  
 چارے پاسے ونڈی جاندے چانن  
 سبھ دے سینے خوشبو تھیں بھر دیندے

.....☆.....☆.....

سچ سینے دی سانوں عادت لہٹی  
 سوہنی ، عالی ، نوری رحمت لہٹی  
 سوہنے آقا آئے دنیا اُتے  
 جنت ورگی سانوں نعمت لہٹی

.....☆.....☆.....



سوہنا مدنیؑ بن کے امیؑ آیا  
کیا جہاں رحمت دا اے سایا  
سدھا رستا جہاں دیا سانوں  
تجے رب دی جہاں رہ تے پایا

.....☆.....☆.....

نوری چشمہ ساڈا اے سرمایا  
اُسوہ سوہنا رحمت دا اے سایا  
جیدے اندروں سارے چشمے پھٹے  
سوہنے آقاؑ اوہ چائن ورتایا

.....☆.....☆.....

مشہودؑ دا ڈٹھا اُساں ہر تھاں جلوہ  
صدیاں توں سی رب سوہنے نے رکھیا پردہ  
اس نور گواہی دی اے برکت ساری  
مہتاب محبت دا اے کرناں وٹدا

.....☆.....☆.....

مختار نبی پاک نہیں مالک مولا  
وِٹے نہیں خزانے پیا وِٹدے سوہنا  
قاسم نہیں نبی پاک لٹاندے رحمت  
شاہد نہیں نبی پاک تے کلمہ سُچا

.....☆.....☆.....

اعلیٰ نبی اولیٰ نبی طیب طاہر  
اکمل نبی کامل نبی سبھ دے ناصر  
ناطق نبی عالم عنبی حجت وی نہیں  
مصباح وی فتاح وی سبھ دے رہبر

.....☆.....☆.....

یٰسین وی ظہ نبی صادق سوئے  
مومن وی مبلغ نبی عظمت والے  
برہان وی سلطان وی میرے آقا  
منصور وی ناصر وی نہیں رحمت وِٹدے

.....☆.....☆.....

آقاؑ نیں غنی ایسے جو دامن بھر دے  
 آقاؑ نیں صفی نور دے چشمے وند دے  
 تسکین دلاں دی تے ہدایت سوہنی  
 آقاؑ نیں ہی سوہنے حفاظت کردے

.....☆.....☆.....

عجمی وی نیں عربی وی قریشی آقاؑ  
 ملکی وی نیں مدنی وی ترازوی آقاؑ  
 ہر پاسے نبیؐ پاک نیں جگمگ کیتی  
 شافعہ وی نیں خاتمہؐ وی حجازی آقاؑ

.....☆.....☆.....

اولؐ وی نبیؐ پاک نیں سیدؐ سرورؐ  
 آخرؐ وی نبیؐ پاک نیں بہتر برتر  
 عرشاں دی بلندی تے وی کردے جلوہ  
 فرشاں تے وی ناں آپؐ دا پاک معطر

.....☆.....☆.....

لوکی سارے مہک مہک اُٹھے نہیں  
نوری تارے چمک چمک اُٹھے نہیں  
آقا سوہنے کمال کر دیتا اے  
بجھے چہرے دمک دمک اُٹھے نہیں

.....☆.....☆.....

سٹھے رُتّاں نکھاریاں چن مدنی  
باتاں کہیاں نہیں پیاریاں چن مدنی  
اُسوہ آقا دا نور دا چشمہ اے  
نوری کندھاں اُساریاں چن مدنی

.....☆.....☆.....

سچ دا چانن کھلاریا سوہنے نے  
شر دے نہیرے نوں ماریا سوہنے نے  
چہکن لگ پئے گونگے جذبے سبھ دے  
جگ نوں آ کے نکھاریا سوہنے نے

.....☆.....☆.....

حق دا گلشن حضور دا صدقہ اے  
 سوہنا چانن حضور دا صدقہ اے  
 سُنجے ویڑے دسائے نیں سوئے نیں  
 دل ایہ روشن حضور دا صدقہ اے

.....☆.....☆.....

اُس شہر نوں جاون دے تقاضے وکھرے  
 اُس پاک دوارے دے نیں جلوے وکھرے  
 چاء دل دے کدے پورے نہ ہوندے نجمی  
 اُس نور دی دستی دے سویرے وکھرے

.....☆.....☆.....

سوئے آقا دی ہر ادا روشن اے  
 چل دی طیبہ بچ جو ہوا روشن اے  
 جہڑی پڑھ کے درود میں منگی سی  
 میرے بٹھاں تے اوہ دعا روشن اے

.....☆.....☆.....

لوکی رتبہ حضورؐ دا چکھدے نیں  
 اوہو جانن سمجھ جہڑے رکھدے نیں  
 آقاؐ محبوبؐ نیں جدوں مولا دے  
 سچی گل اے پئی بڑے اُچے نیں

.....☆.....☆.....

جا کے طیبہ ملے دلاں نوں راحت  
 صدقہ سوئے دا اپی، ودھی اے عزت  
 قرآن وی ملیا اے نبیؐ دے صدقے  
 ایمان دی لہجھی اے آسانوں دولت

.....☆.....☆.....

سچ دے گوہر تھیں اے دامن بھریا  
 حق دے پھلاں تائیں گلشن بھریا  
 کیئے روشن عظمت والے تارے  
 جہاں نے دل والا درپن بھریا

.....☆.....☆.....

رحمت والے حصار وچ رہنا واں  
چاہت والی بہار وچ رہنا واں  
ایہو میرا تے شوق اے بس نجمی  
سوہنے آقا دے پیار وچ رہنا واں

.....☆.....☆.....

تہاڈے آون تھیں عزتاں پایاں نیں  
تہاڈے ہون تھیں رونقاں ہویاں نیں  
تہاڈی ہستی بہار ونڈی ڈٹھی  
تہاڈے کولوں ای نعمتاں ملیاں نیں

.....☆.....☆.....

دل نوں دیندے نیں ایہ نظارے سوہنے  
ناں ایہ تہاڈے نیں سبھ ای پیارے سوہنے  
احمد ﷺ اے محمد ﷺ اے کہ حامد ﷺ آقا  
میری مشکل دے ایہ سہارے سوہنے

.....☆.....☆.....

مینوں تازہ ہواواں دیندے آ کے  
رحمت بھریاں گھٹاواں دیندے آ کے  
تھاڈے فرمان سبھ ای پیارے لکّ  
پیاراں بھریاں اے چھاواں دیندے آ کے

.....☆.....☆.....

تھاڈی برکت میں جاوداں ڈٹھی اے  
تھاڈی رحمت میں بیکراں ڈٹھی اے  
سبھناں بھریا اے فیض تھیں جھولی نوں  
تھاڈی چاہت اوہ مہرباں ڈٹھی اے

.....☆.....☆.....

تھاڈی رحمت نوں سبھ جگہ پایا اے  
تھاڈی رحمت دا ہر جگہ سایا اے  
تھاڈی رحمت اے سبھ جہاناں اُتے  
تھاڈی رحمت نے چاننا لایا اے

.....☆.....☆.....



رستہ لوکاں نوں اوہ دکھاندا ڈٹھا  
کھا کے پتھر اوہ مسکراندا ڈٹھا  
جہڑا چلدا تہاڈے رستے اُتے  
اوہ کد باطل توں خوف کھاندا ڈٹھا

.....☆.....☆.....

سوہنے تارے جو مسکراندے پئے نہیں  
تہاڈے در توں ای نور پاندے پئے نہیں  
میں ایہ تکیا نبی دے در تے سارے  
خیراں منکدے تے سر نواندے پئے نہیں

.....☆.....☆.....

تہاڈے در تے اسیں جدوں ٹھہراں گے  
تہاڈی رحمت دی خیر فر پاواں گے  
تہاڈی ہستی اے اک سمندر وانگوں  
تہاڈے کولوں اسیں سدا منگاں گے

.....☆.....☆.....

فکراں دی چانی اسیں منگنے آں  
 علماں دی روشنی اسیں منگنے آں  
 جو وی تکیے اوہ خواب نیں تہاڑے ای  
 طیبہ وچ زندگی اسیں منگنے آں

.....☆.....☆.....

در تے آقا دے جد وی جاؤ گے تسیں  
 اپنی دنیا ای بدلی پاؤ گے تسیں  
 چُک کے اوتھوں تھیں عطاواں دے پھل  
 اپنے سینے تھیں فر سجاؤ گے تسیں

.....☆.....☆.....

دل . میرا جھوم جھوم جاندا آقا  
 سوہنی سیرت دی خیر پاندا آقا  
 پچھے دنیا دے جہڑا چلدا تکیا  
 دکھ اوہ پاٹھا تے غم اٹھاندا آقا

.....☆.....☆.....

طیبہ دے دل میں تے نظراں رکھدا  
 عمراں گذرن انجے ای جی کردا  
 لنگھے جہڑا اُس رستے توں نجمی  
 قطبی تارے وانگوں جگمگ جگدا

.....☆.....☆.....

آقا دے دربار دعاواں منگیے  
 روحاں نیں بیمار شفاواں منگیے  
 ظلمت اندر رہ کے کد تک جئیے  
 بخشو ہن سرکار ضیاواں منگیے

.....☆.....☆.....

مکھڑا سرخی مائل روشن سوہنا  
 رنگت سوہنی کردی چانن سوہنا  
 نوری مکھڑا چن تائیں شرمائے  
 جاگن سوون ، اکھیاں ویکھن سوہنا

.....☆.....☆.....

بخشو پیارے جام مدینے والے  
 ہوون دور ابہام مدینے والے  
 سوہنا ہووے سفر حیاتی والا  
 ہووے خیر انجام مدینے والے

.....☆.....☆.....

میں تے سبھ دی سلامتی منگنا واں  
 سوہنے در دی میں حاضری منگنا واں  
 گم آن دنیا دے میں نہیرے اندر  
 سوہنے آقا توں روشنی منگنا واں

.....☆.....☆.....

آقا دے فرمان سناندے پئے نہیں  
 بخشش دا سامان بناندے پئے نہیں  
 سوہنے کم اچ رُجھے نہیں اوہ نجمی  
 لوکاں نوں قرآن پڑھاندے پئے نہیں

.....☆.....☆.....

آقا دا کردار مثالی مہکے  
 آقا دے افکار مثالی مہکے  
 آقا دی ہر بات گلابوں سجری  
 آقا دا گلزار مثالی مہکے

.....☆.....☆.....

شاداب نظر اے تے منور رستے  
 رحمت دی گھٹا آن کے چہرے دھوتے  
 آقا نے جدوں جام شفاعت دتا  
 رحمت دے لئی حرف نویں ای اُگڑے

.....☆.....☆.....

سوئی رحمت دے جد اشارے ہوئے  
 جتھے ذرے سی سبھ ستارے ہوئے  
 سوہنا در ویکھیا مقدر بدلے  
 اکھیوں اوہلے اوہ کد نظارے ہوئے

.....☆.....☆.....

تہاڈی سیرت توں رہبری ملدی اے  
تہاڈے اُسوہ توں زندگی ملدی اے  
سانوں ملدی اے آگہی دی دولت  
تہاڈی ہر گل توں روشنی ملدی اے

.....☆.....☆.....

رب دا سچا جام پلایا آقا  
اللہ دا پیغام، سنایا آقا  
مے توحیدی آء ورتائی سبھ وچ  
مولا دا انعام پچایا آقا

.....☆.....☆.....

سرتے سوہنا تاج اے پایا رب نے  
آقا نوں معراج کرایا رب نے  
سبھ دے دل وچ نور نبیٰ دا ڈیرا  
آقا لئی ایہ راج بنایا رب نے

.....☆.....☆.....

عرشاں دے مہمان نبیؐ سوہنے نہیں  
 شاہاں دے سلطان نبیؐ سوہنے نہیں  
 قاسمؑ بن کے وٹن ہر اک نعمت  
 مولا دا احسان نبیؐ سوہنے نہیں

.....☆.....☆.....

کھچدا اے ایمان مدینے وّ لیں  
 اڈدی جاوے جان مدینے وّ لیں  
 ذہناں اندر آ کے سوہنے منظر  
 لے جاندے ہر آن مدینے وّ لیں

.....☆.....☆.....

سرکار دی خدمت بچ ذرا عرض گزار  
 مدحت دی ایہ دولت وی تے دیندی اے بہار  
 نکہت تے وفا تھیں جو زمانے نوں سجان  
 انوار تھیں بھر دین گے جھولی توں کھلار

.....☆.....☆.....

نوری رستہ نظر نظر تیکنے آں  
 تہاڈا چرچا۔ نگر نگر تیکنے آں  
 خوشبو کھلری اے چار سو تہاڈی ای  
 جلوہ سوہنا ڈگر ڈگر تیکنے آں

.....☆.....☆.....

طیبہ سوہنا کلی کلی سوہنی اے  
 سوہنی دستی گلی گلی سوہنی اے  
 جتھے لگے قدم عمرے آقا دے  
 تھاں اوہ جت بھلی بھلی سوہنی اے

.....☆.....☆.....

کھڑدے نین گلزار مدینے اندر  
 وکھرے نین انوار مدینے اندر  
 روشن روشن نکھری نکھری ہر شے  
 سوہنے دے دربار مدینے اندر

.....☆.....☆.....



اُس دھرتی دا پیار اے دل دا چائن  
 طیبہ دا گلزار اے دل دا چائن  
 اِس چائن وچ رَبا وادھا کر دے  
 سوئے دا دربار اے دل دا چائن

.....☆.....☆.....

تکيا اے مدینے دا نظارا سوہنا  
 جگ اُٹھیا مقدر دا ستارا سوہنا  
 پائی اے ضیا دل نے مدینے والی  
 ملیا اے مرے دل نوں سہارا سوہنا

.....☆.....☆.....

تہاڈی رحمت ای راحتاں وٹودی اے  
 تہاڈی رحمت ای چاہتاں وٹودی اے  
 تہاڈی رحمت سکون دیندی سبھ نوں  
 تہاڈی رحمت محبتاں وٹودی اے

.....☆.....☆.....

تھاڑے حکماں توں دور جو رہندے نیں  
 بوہے غیراں دے جو جا کے پہندے نیں  
 ایہ نیں ظالم جو زہر پیندے ہس کے  
 عقلاں والے ایہ خود نوں جو کہندے نیں

.....☆.....☆.....

ناں اے تھاڑا جو برکتاں اے رکھدا  
 میری بخشش دا اے حوالا سوہنا  
 میری ہر اک دعا چ شامل ہووے  
 میری جھولی نوں ایہ پھلاں تھیں بھر دا

.....☆.....☆.....

تھاڑی رحمت اے دل مکاناں اُتے  
 تھاڑی رحمت اے سبھ جہاناں اُتے  
 تھاڑی رحمت دے سبھ گھنے سایے نیں  
 تھاڑی رحمت اے سبھ جاناں اُتے

.....☆.....☆.....

ویلا لیٹھے تے ایہ خوشی پاواں میں  
میرے آقا تہاڈیاں گلاں میں  
تہاڈی وتی دیاں کھجوراں کولوں  
نیڑے بیٹھاں تے پیار تھیں چچھاں میں

.....☆.....☆.....

جہڑے چنگے نصیب والے ہوں  
تہاڈے نیڑے تے اوہ ای آکے بیٹھن  
تہاڈی ہستی نوں جان جاندے جہڑے  
اپنی منزل توں دور کد اوہ جاون

.....☆.....☆.....

چن تے تارے ایہ کہکشاواں سہتھے  
دسَن جو فضاواں تے خلاواں سہتھے  
تہاڈے قدماں دی دھوڑ نہیں ایہ آقا  
فرشی نہیں یا عرشی تھاواں سہتھے

.....☆.....☆.....

ستا اے مرا بخت جگانا چاہواں  
 میں ہجر دے سبھ داغ وکھانا چاہواں  
 پلکیں لا کے مٹی بطحا والی  
 میں اپنیاں اکھاں نوں سجانا چاہواں  
 .....☆.....☆.....

بخشو مینوں وی رَس سیرت والا  
 لوں لوں وِستے جذبہ مدحت والا  
 تہانوں پایا تے رب ملیا سوہنا  
 تہاڈا اُسوہ ہیرا وحدت والا  
 .....☆.....☆.....

آقا . وِٹے رتے تے توقیراں  
 آقا بخش عزتاں تے جاگیراں  
 کیتے جذبے سوہنے سبھ دے آقا  
 پائیاں دل نے سچیاں سبھ تنویراں  
 .....☆.....☆.....

فلکاں اُتے گونجے تہاڑا ناواں  
 من دی سدھر چائن نہاتا جاواں  
 ہر اک جی اے تہاڑے واری صدقے  
 ہر اک وای تھاتھوں منگدا چھاواں

.....☆.....☆.....

سوہنا سوہنا آقا تہاڑا ناواں  
 ایہنوں چم کے مٹھا میں ہو جاواں  
 سوہنا سوہنا شانناں والا روضہ  
 دیوے شالا سانوں ٹھنڈیاں چھاواں

.....☆.....☆.....

رب نے دتیاں آقا تائیں شانناں  
 کلمہ پڑھیا سبھناں سچیاں جاناں  
 آقا اُتے واراں سبھ کجھ نجمی  
 آقا دا تے جلوہ وچ اسماناں

.....☆.....☆.....

خوشبو کھلری ہجروں اُتھرو ڈگیا  
تہاڈے سوہنے ناں نوں اکھیاں پڑھیا  
نھیرے گھریا میں ساں قسمت جاگی  
تہاڈا نوری مینوں چانن ملیا

.....☆.....☆.....

اک واری تے آقا سن لو زاری  
بھر دیوہ ایہ سکھنی جھولی ساری  
پاپی عیبی وچ اوگن دے پھستی  
اُمّت تہاڈی بھکھی اوڑاں ماری

.....☆.....☆.....

اپنے رستے اُتے ٹوریں سائیں  
سوہنی سیرت تھیں مینوں رُشنائیں  
جھاتی کرماں والی پائیں اُتے  
آیا تیرے ولیں چائیں چائیں

.....☆.....☆.....

نظراں چ دسائے نیں میں سوہنے منظر  
جاگی اے مرے دل چ ایہ مٹھی سدھر  
اکھیاں تھیں میں چٹماں گا مدینے تائیں  
جھولی چ بھراں سارے میں سچے گوہر

.....☆.....☆.....

آقاؑ نوں جہاناں دی ملی سرداری  
ہر دُکھیے دی کیتی اے سدا غم خواری  
منگیا اے اساں جو وی اوہ ملیا نجمی  
سوہنے دی سخاوت اے ابد تک جاری

.....☆.....☆.....

سوہنے آقاؑ خلق دے پیکر سوہنے  
سوہنے آقاؑ پیار دے مظہر سوہنے  
سوہنے آقاؑ نبیؑ زمانے بھر دے  
سوہنے آقاؑ سبھ دے رہبر سوہنے

.....☆.....☆.....

سبھ جھولیاں بھردا اے اوہ در صدیاں دا  
ہاں رحمتاں وٹدا اے اوہ گھر صدیاں دا  
اوتھے ای نیں وسدے مرے آقا جہاں  
اک رات چ کیتا سی سفر صدیاں دا

.....☆.....☆.....

سوہنے دیاں باتاں دی میں چاہت رکھاں  
سرکار دے ناواں تھیں محبت رکھاں  
آقا دے ای بارے میں آں سوچاں سمجھاں  
میں نعت نبی تھیں بڑی اُلفت رکھاں

.....☆.....☆.....

راحت میں مدینے دی ہوا توں پاواں  
رحمت میں مدینے دی گھٹا توں پاواں  
رکھنا واں میں اکھیاں نوں مدینے وئیں  
چانن میں مدینے دی ضیا توں پاواں

.....☆.....☆.....



کردار نبی پاک دا اچّا سبھ توں  
 دربار نبی پاک دا سوہنا سبھ توں  
 قرآن نبی پاک دی سیرت دس دا  
 ایثار نبی پاک دا پیارا سبھ توں

.....☆.....☆.....

سرکار توں طیبہ دا سفر منگنا واں  
 شہرت نہ ای دولت نہ ای زر منگنا واں  
 جس پاک صحابہ دے مقدر بدلے  
 رحمت دی اوہ سوہنی میں نظر منگنا واں

.....☆.....☆.....

آقا دے میں انوار توں صدقے جاواں  
 طیبہ دے میں گلزار توں صدقے جاواں  
 صدیق ؑ، علی ؑ، عمر ؑ، غنی ؑ سی جتھے  
 سوہنے دے میں دربار توں صدقے جاواں

.....☆.....☆.....

آقا جی سدا پیار فضا وچ رکھنا  
بخشش آتے رحمت دی قبا وچ رکھنا  
مینوں طیبہ نگر دے وچ تھاں دینا  
مینوں اپنی تسلیں رضا وچ رکھنا

.....☆.....☆.....

میرے آقا ازل توں جاری اے جو  
گل سوہنی تے بہوں ای پیاری اے جو  
گل اوہ چلدی اے نام توں تہاڑے ای  
لے کے آوے فضا بہاری اے جو

.....☆.....☆.....

ایہو مرکز تے ایہ ای محور اے  
ایہو ہادی تے ایہ ای رہبر اے  
میری سوچاں تے میرے فکراں دا  
اُسوہ سوہنا ای اصلی جوہر اے

.....☆.....☆.....

نعتاں اندر جہڑے وی آ جاون  
 سارے سوہنا سوہنا رتبہ پاون  
 تہاڈی سوہنی مدحت پاروں آقا  
 سوئے لگن سبھناں تائیں بھاون

.....☆.....☆.....

اپنی قسمت تے ناز کردے ڈٹھے  
 دل وچ خوشیاں دے نور بھردے ڈٹھے  
 جہڑے پاندے نیں حاضری بطحا دی  
 چاہت دے دریا وچ تردے ڈٹھے

.....☆.....☆.....

تہاڈی چاہت اصلی دولت آقا  
 اس تھیں ملدی سبھ نوں رحمت آقا  
 سوہنی کملی دا صدقہ ای ہن تے  
 میری جھولی پاؤ راحت آقا

.....☆.....☆.....

ایہ نور اُجالے مرے آقا دے نیں  
 سبھ پیار حوالے مرے آقا دے نیں  
 خوشبوواں تھیں بھریا جگ ایہ سارا  
 ایہ رنگ نرالے مرے آقا دے نیں

.....☆.....☆.....

بخشو جے اجازت تے مرادیں پاواں  
 بن کے میں مسافر تے مدینے جاواں  
 جیون دا جو مقصد پورا ہووے  
 سوئے منظر وئیں اکھیاں لاواں

.....☆.....☆.....

سوئی نسبت دے پاروں ہوئے سوئے  
 بن کے چمکے نیں دیکھ لے اوہ تارے  
 کملی والے گزر گئے جس طرفوں  
 مہکاں وٹدے نیں اج وی اوہو رستے

.....☆.....☆.....

طیبہ دی فضا نور ہدایت و نڈے  
 طیبہ دی ہوا پیار تے راحت و نڈے  
 طیبہ نوں تے ویکھن دی سدا بھکھ و دھدی  
 طیبہ دی گھٹا جود سخاوت و نڈے

.....☆.....☆.....

دل اکھیاں وچ ویدی سوئی صورت  
 زندہ رکھدی دل نوں سوئی مدحت  
 بھیجاں تحفے سوئے لکھ لکھ نعتاں  
 اوے در تے جتھوں ملدی رحمت

.....☆.....☆.....

مٹھے چ کرو دل دے جو کھوہ نیں کھارے  
 اُمت دے کرو دور تسیں دکھ سارے  
 جھولی چ اساڈی تسیں خوشیاں پاؤ  
 منگدے آں محبت اسیں غم دے مارے

.....☆.....☆.....

طیبہ دی تے ہر شام سہانی ہوندی  
انوار دی ہر ویلے روانی ہوندی  
اٹھدی اے نظر جس دی وی گنبد وٹیں  
وکھری ای اوہدے کول کہانی ہوندی

.....☆.....☆.....

پھلاں تائیں دامن بھردے رہے  
آقا دا ناں دم دم چدے رہے  
دل زندہ اس سوہنے ناں تھیں رہندا  
اس دریا دے اندر تردے رہے

.....☆.....☆.....

سوہنا سوہنا سوہنے ونڈیا چائن  
ہر پاسے ای کھڑیا سوہنا گلشن  
لوکاں اندر ونڈیاں نوری رشناں  
جمیدے تائیں تن من ہوئے روشن

.....☆.....☆.....

دنیا اندر رحمت دا مینہ پایا  
رحمت چاہت تائیں پلٹی کایا  
میرے آقا تہاڑا پرچم سبھ توں  
دنیا اندر اچّا ہوندا آیا

.....☆.....☆.....

آقا تہاڑی ہر تھاں خشبو پھیلی  
تہاڑا سوہنا ناں اے ساڑی پونجی  
دل زندہ نیں اس تھیں سوئے آقا  
جیون بیڑی اس تھیں چلدی رہندی

.....☆.....☆.....

مدحت چ میں آقا دی قصیدہ لکھاں  
میں نعت دی صورت چ مقالہ لکھاں  
اس نور تھیں کرنا واں دلاں نوں روشن  
آفت تے عقیدت دا ترانہ لکھاں

.....☆.....☆.....

ملیا سبھ نوں رستہ عزت والا  
 کھلیا سبھ تے در اوہ رحمت والا  
 سوہنے آقا آئے سج گئی دنیا  
 لبھیا سبھ نوں ہادی حکمت والا

.....☆.....☆.....

حق دے چانن لائے ہر تھاں ڈیرے  
 نسدے دیکھے شر دے سبھے نہیرے  
 تہاڈے آیاں چھکے گونگے جذبے  
 سبھ دے لگن طیبہ دے دل پھیرے

.....☆.....☆.....

آقا آئے وستی دل دی وستی  
 آقا آئے اپنی ہوئی پستی  
 ونڈیا چانن چھنڈیا نہیرا سوہنے  
 آقا آئے چمکی نکھری ہستی

.....☆.....☆.....



دل دے اندر چائن لایا ڈیرا  
 انساناں نوں مالک سمجھیں آیا  
 آقا آئے رُتّاں نکھر سکیاں  
 نوری کرناں سوہنا جھرمٹ پایا

.....☆.....☆.....

کملی والے آقا دے ای صدقے  
 دنیا والے بن ' باغاں وچ بدلے  
 عرشاں فرشاں دے سبھ ہیرے موتی  
 مولا سارے آقا تائیں بخشے

.....☆.....☆.....

سوہنا ناں اے خلقت وچوں اچّا  
 گھر گھر آقا ونڈیا موتی سُچّا  
 میرا میرا سارے آکھن تہانوں  
 دوری رکھے جہڑا اَنھا پُچّا

.....☆.....☆.....

محبوبُ تے ہادی اُتے رہبر لکھاں  
آقا نوں عنایت دا سمندر لکھاں  
دعویٰ میں محبت دا بھلا کیہ کرنا  
والی نہیں اوہ جنت اُتے کوثر لکھاں

.....☆.....☆.....

وٹڈے تھاں تھاں چائن چن بطحا دا  
کردا سبھ نوں روشن چن بطحا دا  
رحمت اُس دی وٹے سبھناں اُتے  
بخشے ساڈے اوگن چن بطحا دا

.....☆.....☆.....

رب دے پاسے لاون والے آقا  
نیکی وٹیں پاون والے آقا  
مسکیناں محتاجاں دے نہیں والی  
ڈگیاں تائیں چاون والے آقا

رحمت دی برسات چ رہناواں میں  
 زندہ نوری نعت چ رہنا واں میں  
 لذت پاواں خوب حضوری والی  
 خوش خوش اپنی ذات چ رہنا واں میں

.....☆.....☆.....

غم دور جے کرنا تے پڑھو صل علی  
 دل نور تھیں بھرنا تے پڑھو صل علی  
 رحمت دا خزانہ جے ہے جھولی پانا  
 جے عشق چ ترنا تے پڑھو صل علی

.....☆.....☆.....

افکار توں اُچی اے بڑی تہاڈی ذات  
 اعجاز تکلم دا اے ہر تہاڈی بات  
 اوصاف تہاڈے تے کیہ جھاتی پینی  
 قرآن چ مولا اے لکھی تہاڈی نعت

.....☆.....☆.....

عربی نہیں یاں عجی تسیں سبھ دے آقا  
 عرشی نہیں یاں فرشی تسیں سبھ دے آقا  
 سکھ اے تہاڈا ای جہاناں اُتے  
 ملکی نہیں یاں مدنی تسیں سبھ دے آقا

.....☆.....☆.....

دل تے جے مرے نعتاں دا ہووے نزول  
 اس نور نوں چاہت تھیں کرنا میں وصول  
 مہکن جے ثنا دے عیرے دل وچ بوٹے  
 فر سمجھیں دعاواں سبھے ہو گئیاں قبول

.....☆.....☆.....

جو پیار لٹاندے نہیں روا وی بن دے  
 نہیرے وی ہٹاندے نہیں ضیا وی بن دے  
 آقا دی ایہ عظمت دے نشاں نہیں سارے  
 رحمت جو لٹاندے نہیں گھٹا وی بن دے

.....☆.....☆.....

طیبہ دا نگر حسن نگینہ سوہنا  
ساڈی تے محبت اے مدینہ سوہنا  
سمہناں توں ای ودھ کے دے اوہ چوکھٹ سوتنی  
تسکین دے دل نوں اوہ زینہ سوہنا

.....☆.....☆.....

اکھاں دے پکارے اندر وسدے  
دل جے سوئے ڈھارے اندر وسدے  
ہر عاشق دا سرمایا نہیں آقا  
بختاں والے تارے اندر وسدے

.....☆.....☆.....

در باز اے آقا دا توں اوتھے جاویں  
اس پیار نگر دے توں وی ٹکڑے کھاویں  
عرفان نبی دا جدوں حصے آوے  
چم چم کے محبت تھیں اوہ سینے لاویں

.....☆.....☆.....

سبھ پاسے ای جلوہ مرے سوہنے دا اے  
 ہوٹھاں تے وی نغمہ مرے سوہنے دا اے  
 رب دی تے نبی دی اے محبت سوہنی  
 فرمان اے پیارا مرے سوہنے دا اے

.....☆.....☆.....

دکھیاں تے مریضاں دے مداوا آقا  
 لاچار غریباں دے مسیحا آقا  
 رحمت نہیں جہاناں دی جو بن کے آئے  
 بے آس جہاناں دے سہارا آقا

.....☆.....☆.....

پائی اے زمانے نے ہدایت تہاتھوں  
 لپٹھی اے حقیقت دی وی دولت تہاتھوں  
 نہیرے نوں مٹا کے تے شفاواں وٹڈو  
 ملدی اے جہاناں نوں تے رحمت تہاتھوں

.....☆.....☆.....

احمد ﷺ اے نبی سوہنیاں رگھدا دکھاں  
حامد ﷺ اے نبی ٹھنڈیاں کردا اکھاں  
محمود ﷺ ، محمد ﷺ ، دا اُجالا ہر تھاں  
ایہناں نوں سلاماں نیں کروڑاں لکھاں

.....☆.....☆.....

قاسم اے نبی نعمتاں کاناں والا  
عاقب اے نبی سوہنیاں شاناں والا  
امی اے نبی علم خزینے رکھدا  
ونڈدا اے کرم نور جہاناں والا

.....☆.....☆.....

میرے دل نوں سرور دیندی آقا  
تہاڈی چاہت دا نور دیندی آقا  
تہاڈی رحمت وی پیار دی لوری اے  
جہڑی عزت دا طور دیندی آقا

.....☆.....☆.....

ساڈے اُتے سخاوتاں کردے نیں  
 اپنی چاہت تھیں جھولیاں بھردے نیں  
 آقا ساڈے غریب دے ساتھی نیں  
 رب توں اُمت دے واسطے منگدے نیں

.....☆.....☆.....

دھرتی سوئی اوہ محترم تگنی اے  
 سوئی نعمت فضا، ارم تگنی اے  
 دل وچ لاوے درود دی اوہ محفل  
 جتھے جنت قدم قدم تگنی اے

.....☆.....☆.....

نوری . دیوے جگدے طیبہ اندر  
 چاہت دے ہڑھ وگدے طیبہ اندر  
 رحمت ہر دم لاندی جھڑیاں اوتھے  
 نوری میلے لگدے طیبہ اندر

.....☆.....☆.....



فیضانِ نبیؐ دا اے صحابہؓ پایا  
عرفانِ نبیؐ دا اے اساڈی مایا  
سانوں جو غلاماں دی غلامی لبھتی  
ایمان اُجالا اے جو حصّے آیا

.....☆.....☆.....

طیبہ وٹوں ٹھنڈیاں واواں آئیاں  
دل نہیں میرے لکھاں خوشیاں پائیاں  
دیکھن مڑ کے اکھاں جنت نگری  
لطفیں بھریاں سرتے رُتیاں چھائیاں

.....☆.....☆.....

افضلِ اعلیٰ تھاواں اوہنوں ملیاں  
ٹھنڈیاں ٹھنڈیاں چھاواں اوہنوں ملیاں  
جنھے سوہنا کلمہ پڑھیا نجھی  
مٹھیاں جنتی واواں اوہنوں ملیاں

.....☆.....☆.....

گنبد میں ہرا دیکھ کے اکھیاں ٹھاراں  
انوار تھیں روشن کراں سُنجیاں باراں  
میں قرب نبی پاک دی لذت چکھتاں  
روضے توں سدا اٹھدیاں نوری دھاراں

.....☆.....☆.....

کتھے ایہ بھلا وسعتاں لبھن نجمی  
کتھے ایہ بھلا راختاں لبھن نجمی  
سوہنے دے دوارے توں جو شانناں لبھن  
کتھے ایہ بھلا شوکتاں لبھن نجمی

.....☆.....☆.....

پل پل رحمت اُتے نظراں رکھتاں  
سوہنا نوری مکھڑا دیکھن اکھتاں  
تہاڑی رحمت برکت سمھناں پاسے  
خیراں منگاں نوری شربت چکھتاں

.....☆.....☆.....

انمول نیں اقوال نبی دے سارے  
 جیون نوں چمک دیندے نیں جیویں تارے  
 رہندے نیں جو ایہناں دے اُجالے اندر  
 پاندے نیں اوہ سوہنے دی شفا دے دھارے

.....☆.....☆.....

مشرق مغرب سارا آقا دا نور  
 شرکاں تائیں کیئا آقا نے دور  
 حامی ناصر حافظ میری سرکار  
 پاون جھاتی تے ہوندے غم کافور

.....☆.....☆.....

رتے تائیں تہاڈے کہڑا اپڑے  
 پینڈا اسری والا کہڑا ناپے  
 چاہت ، الفت ، نعمت ونڈی جاندی  
 رحمت والے ہلے کہڑا ویکھے

.....☆.....☆.....

بخشنے سانوں خُلقاں والے جوہر  
جھولی پائے علماں والے گوہر  
جھوٹھے سارے نیویں پا کے بجھے  
لو توحیدی جد اپڑائی گھر گھر

.....☆.....☆.....

احمدؑ ناں وی فصاحتاں بھریا اے  
حامدؑ ناں وی صباقتاں بھریا اے  
سوہنے سوہنے نبیؑ دے ناں سارے ای  
قاسمؑ ناں وی بلاغتیاں بھریا اے

.....☆.....☆.....

طیبہ ذے ای ماہی دے نیں نوری جلوے  
اس نور دے آ لیندے نیں نوری بوسے  
اس نور نے کہتے نیں دوارے روشن  
اس نور دے آون تمھیں نیں نہیرے نتے

.....☆.....☆.....

بخشو نوری جلوے سوہنے سوہنے  
رہبر تہاڈے رستے سوہنے سوہنے  
تہاڈے در توں سکھ خوشیاں پاندے  
رحمت سدھے گھلے سوہنے سوہنے

.....☆.....☆.....

اس گل چ نہ رکھیا اے کدی وی جھولا  
ساڈے نیں دلاں دے اوہ ای مالک مولا  
آقا نیں اساڈے تے اوہ کملی والے  
اس وچ اے کوئی فرق نہ رتی تولا

.....☆.....☆.....

جو نور لٹاندے نیں دعا وی بن دے  
نھیرے وی ہٹاندے نیں ضیا وی بن دے  
آقا دی ایہ عظمت دے نشاں نیں سارے  
رحمت وی لٹاندے نیں گھٹا وی بن دے

.....☆.....☆.....

ہر ظلم دی ڈھائی اے تساں ای دیوار  
ونڈی اے محبت تے ودھایا اے پیار  
اخلاص آتے خلق دا اے ونڈیا نور  
آقا نیں جہاناں دے نبی تے غم خوار

.....☆.....☆.....

سوچاں میں درودی مطلعے لکھاں ہار  
لکھاں میں درودی نغمے لکھاں ہار  
طیب نیں اوہ طاہر نیں حامد ، محمود  
گھلاں میں درودی تحفے لکھاں ہار

.....☆.....☆.....

آقا . تہاڈا چراغ ای جگدا اے  
آقا تہاڈے چراغ ای جگنا اے  
نہیرے بھاویں ستم دے ودھ جاوون گے  
آقا تہاڈے چراغ ای رہنا اے

.....☆.....☆.....

تکے جے کر قرار ملدا سانوں  
 تک کے آئے وقار ملدا سانوں  
 طیبہ نگری دی شان ای وکھری اے  
 اوتھوں پل پل ای پیار ملدا سانوں

.....☆.....☆.....

اللہ والی رستی گھٹ کے پھڑیے  
 اکھیاں تائیں جے کر کھلا رکھے  
 سوئے آقا دا فرمانا کافی  
 رہبر من کے اوہناں تائیں چلیے

.....☆.....☆.....

جنہوں دل دے نیڑے رکھنا واں میں  
 جیدے کولوں چائن لینا واں میں  
 آقا دا اے اُسوہ پیارا پیارا  
 اس دی ٹھنڈک دل وچ بھرنا واں میں

.....☆.....☆.....

قرآن چ اوصاف رقم نیں تہاڈے  
 رہبر جو بن اوہ تے قدم نیں تہاڈے  
 رکھی اے تساں لاج اساڈی آقا  
 دنیا توں بچاندے جو کرم نیں تہاڈے

.....☆.....☆.....

رکھدے شان اُچیاں کملی والے  
 کردے گلاں اُچیاں کملی والے  
 نوری پارے ایہ گل دسدے سانوں  
 رکھدے صفتاں اُچیاں کملی والے

.....☆.....☆.....

سوہنی ہستی اے اُچی تے ذی شان  
 سوہنی ہستی توں سارے ای قربان  
 سوہنی ہستی نے رکھی سبھ دی لاج  
 سوہنی ہستی اے تیرا میرا مان

.....☆.....☆.....



گنبد ہرا ویکھاں تے میں اکھیاں ٹھاراں  
چٹاں میں اوہ دھرتی تے سجاواں تاراں  
جاگن جے مرے بخت مدینے جاواں  
مہکن مرے ہر دے دیاں رکڑ باراں

.....☆.....☆.....

آقا دی اطاعت چچ میں جینا چاہواں  
مولا دی عنایت چچ میں جینا چاہواں  
آقا نے محبت دے جو بالے دیوے  
اوہناں دی حفاظت چچ میں جینا چاہواں

.....☆.....☆.....

عنوان حقیقت دا اے نسبت سوہنی  
سامان شریعت دا اے الفت سوہنی  
قربان کراں جان میں آقا اتوں  
ایمان دی دولت تے دے چاہت سوہنی

.....☆.....☆.....

ذّرے نہیں مدینے دے تے سوہنے سارے  
رحمت دے سدا وگدے نہیں اوتھے دھارے  
لبھدی اے محبت سدا اوہناں تائیں  
در پاک تے جاندے نہیں جو درداں مارے

.....☆.....☆.....

آقا دا وسیلہ ای مرے کم آندا  
آقا دا ای اُسوہ مرے دل نوں بھاندا  
نوری چھلّاں دل چوں اٹھن نجمی  
دل جد وی درودی مرا نغمے گاندا

.....☆.....☆.....

لوکاں . تائیں دتیاں آکے شانناں  
کڈھیاں سوہنے نہیرے پھسیاں جاناں  
نوری بارش وستی سمجھے پاسے  
رب نوں اگو منیا سبھ انساناں

.....☆.....☆.....

اکھیاں وچھ وچھ جاون طیبہ اندر  
نوری جلوے پاؤں طیبہ اندر  
روضے سانویں بہہ کے زائر سہتے  
لوں لوں نوں رشناون طیبہ اندر

.....☆.....☆.....

بے سایا سن کیتے سبھ تے سائے  
رحمت وٹن دنیا اُتے آئے  
دل شیشے دے اُتے جھاتاں پائیاں  
سمہناں فر توحیدی نغمے گائے

.....☆.....☆.....

آقا سوہنے ناصح ، مُشفق ، ہادی  
آقا سوہنے رہبر ، ناطق ، ماحی  
عزت ، عظمت ، حکمت والا چشمہ  
آقا سوہنے عالم ، واعظ ، والی

.....☆.....☆.....

پھلاں دی زبانی میں تے مدحت لکھاں  
 رنگاں دی زبانی میں تے چاہت لکھاں  
 اکھاں تھیں ندامت دے میں اتھر کیراں  
 چاواں دی زبانی میں تے اُلفت لکھاں

.....☆.....☆.....

دیکھی اے عجب نجمی مدینے دی فضا  
 لہدی اے مدینے توں ای دکھاں دی شفا  
 اوتھوں ای بہاراں نوں وی ملدی اے بہار  
 وصفان نے وی پائی اے مدینے توں ضیا

.....☆.....☆.....

بخشش. دا وسیلہ اے محبت تہاڈی  
 اُمت نوں تے ڈھکے گی شفاعت تہاڈی  
 اوہناں تے سدا لطف دی بارش وستی  
 جہاں دا وظیفہ رہے مدحت تہاڈی

.....☆.....☆.....

دنیا اے انگوٹھی تے نگینہ آقا  
ازلاں توں اے بھیتاں دا خزینہ آقا  
مالک نہیں اوہ کوثر دے خدا دی قسم  
ٹھنڈک اے مری اکھ دی مدینہ آقا

.....☆.....☆.....

دل وچ اے مرے یاد نبیٰ دا چانن  
اکھیاں چ مرے پیار گلی دا چانن  
رحمت دی ایہ بارش رہے انجے وسدی  
منگتے نوں ملے در توں سخی دا چانن

.....☆.....☆.....

اک نور وظیفہ اے جو رکھے روشن  
اک پیار دا دریا اے جو بھر دا دامن  
اک مہر دی بدلی اے جو رہندی سرتے  
اک لطف سراپا اے جو بن دا ضامن

.....☆.....☆.....

آقا دے دوارے تے تسیں جے جاؤ  
 جھولی چ مراداں دیاں خیراں پاؤ  
 رکھنا تسیں مینوں وی دعاواں اندر  
 اُس نور دے ہالے چ جدوں وی آؤ

.....☆.....☆.....

پیارے آقا کہتے گھر گھر سوہنے  
 سوہنے آقا کہتے، منظر سوہنے  
 سوہنی چن ہرکاراں جلوہ کیا  
 میرے آقا کہتے در در سوہنے

.....☆.....☆.....

چمد نے نہیں محبت تھیں جو سوہنے ناں نوں  
 اکھیاں تے وی لاندے نہیں اوہ پیارے ناں نوں  
 اس ناں دی حفاظت دلوں جانوں کر دے  
 رکھدے نہیں سدا اچّا ای اُپتے ناں نوں

.....☆.....☆.....

اوہ نور حرا دا سدا رہبر بنیا  
 جس حسن دے صدقے ای ایہ منظر بنیا  
 اوہ نور چمکدا اے چمکدا رہنا  
 اک پیار اُجالا سی جو پیکر بنیا  
 .....☆.....☆.....

ہر لمحہ مدینے چ گزاراں میں تے  
 وگڑی ہوئی قسمت نوں سنواراں میں تے  
 اس نور دے جلوے میں سمیٹاں دل وچ  
 فر روح نوں ایہدے تھیں نکھاراں میں تے  
 .....☆.....☆.....

سرکارِ میں اُلفت دی روانی چاہواں  
 خوشبو دا سفر رات دی رانی چاہواں  
 بارش دی طراں تازگی دیواں سبھ نوں  
 مدحت جے کراں حسن بیانی چاہواں  
 .....☆.....☆.....

سامان شریعت دا نبی دی الفت  
عنوان حقیقت دا نبی دی نسبت  
قربان کراں جان نبی دے ناں تے  
ایمان دی دولت اے نبی دی چاہت

.....☆.....☆.....

سرکار دی چاہت دے نیں وگدے دھارے  
سرکار دی رحمت بنے سفینے تارے  
پھیلے نین جہانناں تے سدا توں نجمی  
سرکار دی الفت دے آں مانگت سارے

.....☆.....☆.....

ہوٹھاں تے دروداں دے سجائے مہل نیں  
لفظاں تھیں دروداں دے بنائے مہل نیں  
آقا دی جنابوں ای تے تحفہ ملیا  
نعتاں تے دروداں دے کھڑائے مہل نیں

.....☆.....☆.....



میں نور عقیدت تھیں اُجالے وٹاں  
جو عشق چ لکھے اوہ مقالے وٹاں  
خیرات جو مدحت دی ملی اے مینوں  
اک شوق اے اوہنوں میں دوالے وٹاں

.....☆.....☆.....

ڈھکدا اے سدا سایہ رحمت مینوں  
دیندا اے سدا چین تے راحت مینوں  
ایہ نام تہاڈے دی اے برکت آقا  
ملدی اے زمانے چ جے عزت مینوں

.....☆.....☆.....

آندی جو مدینے توں اوہ نکہت پاواں  
سیرت دے چگاں پھل تے میں قربت پاواں  
آقا دی جو مدحت دا اثاثہ ملیا  
جھولی چ سدا اوہو میں دولت پاواں

.....☆.....☆.....

”باراں“ نوں میں چاہت اُتے خشیاں پاواں  
منگاں میں دعاواں تے میں نعتاں گاواں  
ہر سنگی تے ساتھی نوں مبارک آکھاں  
لاواں میں سببیاں تے کراں میں چھاواں

.....☆.....☆.....

درداں دی دوا ملدی اے سوہنے درتوں  
پتھراں نوں نوا ملدی اے سوہنے درتوں  
کیتے تساں روشن نہیں مقدر ساڈے  
ذہناں نوں جلا ملدی اے سوہنے درتوں

.....☆.....☆.....

رحمت دے سہارے ای اے چلدی بیڑی  
نسبت دے سہارے ای اے تردی کشتی  
مولا نے کرم کیتا آساں تے نجمی  
ساڈے لئی مدینے ج اے جنت رکھی

.....☆.....☆.....

آقا سوہنے طیب ، طاہر ، داعی  
 آقا سوہنے فاتح ، حاشر ، مہدی  
 ناصر ، خاتم ، حجت ، کامل ، عادل  
 آقا سوہنے صاحب ، صادق ، امی

.....☆.....☆.....

سرخی مائل چٹا ، روشن سوہنا  
 سوہنی رنگت کردی چائن سوہنا  
 نوری مکھڑا دیکھن دی ات خواہش  
 جاگن ، سوون ، اکھیاں دیکھن سوہنا

.....☆.....☆.....

سوہنے تچے رستے ٹرنا سکھ لے  
 عشقے والی اگ وچ تپنا سکھ لے  
 جہڑی آقا دسی اوہ بھلیائی  
 اس تھیں اپنا دامن بھرنا سکھ لے

.....☆.....☆.....

سرکارِ دی مدحت چ میں رُحمیا رہندا  
 سرکارِ دی چاہت چ میں بھجیا رہندا  
 میں نعت وسیلے تھیں ایہ عزت پائی  
 سرکارِ دی خدمت چ میں لکيا رہندا

.....☆.....☆.....

دھڑکن دھڑکن آقا آقا گوئے  
 گلشن گلشن رحمت رحمت ہووے  
 روشن روشن منظر منظر ویکھاں  
 دامن دامن بخشش بخشش منگے

.....☆.....☆.....

کھلری اے محبت دلی چارے پاسے  
 اک نور دی چادر تنی چارے پاسے  
 آقا دے ای آون دیاں لشکاں سمھے  
 مکھاں تے وی پھیلی بخشی چارے پاسے

.....☆.....☆.....

سوئے دربار دی جھلک ویکھ سکاں  
 طیبہ دی میں زمیں فلک ویکھ سکاں  
 رحمت دے پھل چُگاں پڑھاں درتے سلام  
 ساوے گنبد دی ہر ڈھلک ویکھ سکاں

.....☆.....☆.....

گنبد خضرا سوہنا بھاگاں والا  
 عظمت دے وچ روضہ سبھ توں بالا  
 اکھیاں ٹھارے جالی روضے والی  
 ودھدا جاوے اس دا رتبہ شالا

.....☆.....☆.....

لذت مرا دل وی تے عجب پاندا اے  
 آقا دا مرے لب تے جے ناں آندا اے  
 پھرناں واں جدوں نور دے ہالے اندر  
 رگ رگ چ مری نور سما جاندا اے

.....☆.....☆.....

سُچے ہادی تائیں صدقے جاواں  
 سوہنے اُمّی تائیں صدقے جاواں  
 جہاں کیتی اُمّت دی غم خواری  
 آقا مدنی تائیں صدقے جاواں

.....☆.....☆.....

سوہنا اُسوہ جس دے دل نوں بھاوے  
 بختاں والا اُچیاں، شاناں پاوے  
 سوہنا کلمہ پڑھیا جہڑے بندے  
 اوہنوں سوہنا منزل تے لے جاوے

.....☆.....☆.....

حُب سوہنے دی دل وچ ودھدی جاندی  
 الفت چاہت دل نوں اے بھرماندی  
 روشن نوری سوہنے ناں جد پڑھیے  
 رحمت ودھ کے سینے ٹھنڈاں پاندی

.....☆.....☆.....

سرکارِ دی مدحت تھیں سجاواں سینے  
 سرکارِ دی سیرت نوں میں لاواں سینے  
 میں شوق دے دامن نوں کھلاراں نجمی  
 سرکارِ دی عظمت نوں بٹھاواں سینے

.....☆.....☆.....

آقا دی محبت تے شفاعت چاہواں  
 آقا توں میں الطاف عنایت چاہواں  
 لانا ای رہواں شہرِ نبی دے پھیرے  
 اُس پاک فضا دی میں لطافت چاہواں

.....☆.....☆.....

توصیفِ نبی دے میں قرینے منگاں  
 آقا توں محبت دے خزینے منگاں  
 ساہواں نوں معطر نہیں جو کردے نجمی  
 مولا توں میں ایسے ای جگینے منگاں

.....☆.....☆.....

اقوال نبیؐ دے نیں وضاحت کردے  
اقوال نبیؐ دے ای حقیقت دسدے  
قرآن دی تفسیر وی آقاؐ کیتی  
اقوال نبیؐ دے نیں فصاحت رکھدے

.....☆.....☆.....

آقاؐ دی محبت دا سمندر ویکھاں  
سوئے دی سخاوت دے میں منظر ویکھاں  
میں نور دے ہالے چوں نہ باہر آواں  
سرکارؐ دے اُسوہ دے جے تیور ویکھاں

.....☆.....☆.....

اُسوہ اے نبیؐ پاک دا خشبو بھریا  
قرآن چ اُس دا اے دیباچہ لکھیا  
مشعلؐ اے ہدایت دی اوہ سیرت سونی  
ہر آن خدا نے جنہوں اچاؐ کیتا

.....☆.....☆.....



طیبہ دے تصور نے فضا بدلی اے  
ہر چیز دی دیکھی میں ادا بدلی اے  
مضمون تمنا دے نہیں بدلے سارے  
ہوٹھاں تے مرے جد وی دعا بدلی اے

.....☆.....☆.....

ارمان زیارت دا اے ودھدا جاندا  
اتبار مسافت دا اے ودھدا جاندا  
انعام دی بارش وی اے ودھدی جاندی  
فر شوق عبادت دا اے ودھدا جاندا

.....☆.....☆.....

ایمان سدا ہوندا اوہناں دا نصیب  
رہندے جو نبی پاک دے ہر آن قریب  
سمجھن جو مبارک اے آقا دا وجود  
کہندے نہیں جو آقا ای ساڈے نہیں حبیب

.....☆.....☆.....

دھرتی نہ فلک کوئی مدینے ورگا  
موتی نہ کوئی ایس نگینے ورگا  
رب ایس دا درجہ اے ودھایا سبھ توں  
کوئی نہ مدینہ اے مدینے ورگا

.....☆.....☆.....

سید بن کے آئے وچ انساناں  
کڈھیاں آکے نہیرے، پھسیاں جاناں  
آقا آئے نورئی بارش دسی  
ماڑے پئے سبھناں پائیاں شاناں

.....☆.....☆.....

عشقی والی اگ وچ تپنا سکھ لے  
رب دے دے سچے رستے ٹرنا سکھ لے  
جہڑی آقا دسی اوہ بھلیائی  
اُس تھیں اپنا دامن بھرنا سکھ لے

.....☆.....☆.....

نفرت دی نبھی اک تے محبت جاگی  
 سرکار دے آیاں ای بصیرت جاگی  
 انوار دی بارش ہوئی دنیا اُتے  
 سستی سی جو لوکاں دی اوہ قسمت جاگی

.....☆.....☆.....

دربار مدینے دا حرم اے سوہنا  
 ہو یا اے جہاناں تے کرم اے سوہنا  
 اکھیاں چ سجائے نہیں میں ایہدے جلوے  
 دربار مدینے دا قسم اے سوہنا

.....☆.....☆.....

تہاڈی چاہت دا معجزہ ویکھاں گا  
 تہاڈی رحمت نوں واج میں ماراں گا  
 ساہواں ٹٹن دے ویلے ہوٹھاں تے میں  
 تہاڈی اُلفت دا جام ای رکھاں گا

.....☆.....☆.....

انوار لٹاوے سوہنا مدنی نور  
ایمان ودھاوے سوہنا مدنی نور  
شاداب کرے دل وی 'تے ساڈی روح  
افکار سجاوے سوہنا مدنی نور

.....☆.....☆.....

سرکارِ مری روح مرا سوز کہوے  
تفسیر مرے دل دی 'تے ہر روز کہوے  
اقبال 'تے اک ہوڑ عنایت دی نظر  
ہن درد کرو دور ایہ دل دوز کہوے

.....☆.....☆.....

آقا دا جد ہوٹھاں 'تے ناں آندا  
رگ رگ اندر چائن فر آ جاندا  
اس پاک تصور دے ای ہالے اندر  
دل ذکر چ لذت وی عجب اے پاندا

.....☆.....☆.....

اخر ب دے وزن

مفعول مفاعِلن مفاعیل فعل  
اوصاف نبی دے لکھ تے لکھ نور نبی  
پڑھدے نیں درود آپ تے خوب سبھی  
رحمت دی ازل توں ای سی بدلی جو چڑھی  
اُمّت دے لئی بنی اے اوہ خاص خوشی

.....☆.....☆.....

مفعول مفاعِلن مفاعیل فعول  
مہکن گے سدا ای اوہ محبت دے گلاب  
وَسَن گے اساڈے تے وی رحمت دے سحاب  
ہر گام جے بالاں گے عقیدت دے چراغ  
رکھاں گے جے سینے چ اسیں پاک کتاب

.....☆.....☆.....

مفعول مفاعِلن مفاعیلن فع  
پاواں جے حضوری تے اُجالا منگاں  
دربار نبی توں میں تے دریا منگاں  
لا ریب اوہ بھر دے نیں سبھاں دی جھولی  
دیکھن نوں ملے جے تے سراپا منگاں

.....☆.....☆.....

مفعول مفاعیلن مفاعیلین فاع  
 دربار حضورؐ دا دوے جلوے خاص  
 دربار حضورؐ توں ملن رتبے خاص  
 دربار حضورؐ دا شفاعت دا نور  
 دربار حضورؐ تے بنن لہجے خاص

.....☆.....☆.....

مفعول مفاعیل مفاعیل فعل  
 سرکار سدا خیر سدا خیر پوے  
 سرکار سدا نور سدا نور دے  
 غم خوار دے در توں ای ملے پیار سخا  
 سرکار سدا لطف سدا لطف رہوے

.....☆.....☆.....

مفعول مفاعیل مفاعیل فاعول  
 سردار مرے پاک نبیؐ پاک رسولؐ  
 دلدار مرے پاک نبیؐ پاک رسولؐ  
 انوار عطا نور دعا پیار گلاب  
 غم خوار مرے پاک نبیؐ پاک رسولؐ

.....☆.....☆.....

مفعول مفاعیل مفاعیلین فاع  
اعجاز نبی پاک نوں ملیا سوہنا  
معراج لئی آپ نوں سدیا مولا  
آقا دی حقیقت تے رسالت دتی  
انوار نبی پاک تھیں مطلع کیتا

.....☆.....☆.....

مفعول مفاعیل مفاعیلین فاع  
جو عشق محمد ﷺ چ رہے گا سرشار  
اوہو ای تے جنت دا بنے گا حق دار  
طوفان وی اوہدے توں تے رہندے نہیں دور  
سلطان مدینے دے جہدے نہیں غم خوار

.....☆.....☆.....

مفعول مفاعیلین مفعول فعل  
مینوں وی محبت تھیں ضو بار کرن  
میری وی شفاعت ہن سرکار کرن  
اڈرا میں غلاماں چوں اسوار دساں  
اک نعت دے حلقے دا سالار کرن

.....☆.....☆.....

مفعول مفاعیلین مفعول فاعول  
تسکین دلاں دی تے رحمت نہیں رسول  
رہبر نہیں اساڈے تے راحت نہیں رسول  
اس دل دا وظیفہ اے نغمہ اے درود  
سایا نہیں سراں تے اوہ طاقت نہیں رسول

.....☆.....☆.....

مفعول مفاعیلین مفعولن فاع  
رستہ تے وفاواں وا دیا اوہناں  
ہر اسم دعاواں دا دیا اوہناں  
لوکی تے بھٹکدے سن نہیرے اندر  
ہر رنگ ضیاواں دا دیا اوہناں

.....☆.....☆.....

مفعول مفاعیلین مفعولن فاع  
سرکار مرے نہیں سمجھناں توں ممتاز  
جبریل توں اُچی آقا دی پرواز  
سوئی اے مرے آقا تہاڑی بس ذات  
رب نوں وی اے پیارے آقا اُتے ناز

.....☆.....☆.....



اخرم دے وزن

مفعولن فاعلن مفاعیلن فعل  
میرے اُتے کرو عنایت دی نظر  
طیبہ ولیں کراں میں ہر سال سفر  
مینوں بخشو تسلیں شفاعت دی روا  
ہو دے ایہ زندگی اطاعت چ بسر  
.....☆.....☆.....

مفعولن فاعلن مفاعیلن فعول  
رحمت دے پھل چُگاں پڑھاں درتے سلام  
روضے دے سامنے رہواں بن کے غلام  
لکھاں میں نعت آپ دی پاک رسول  
ہو جائے زندگی مری انج تمام  
.....☆.....☆.....

مفعولن فاعلن مفاعیلن فع  
سبھ دے مشکل کشا نبی سوہنے جے  
ساڈے تے رہنما نبی سوہنے جے  
سوہنے اُسوہ توں روشنی لینے آں  
جہڑا کیتا عطا نبی سوہنے جے  
.....☆.....☆.....

مفعولن فاعلن مفاعیلن فاع  
طیبہ دی خاک چم لواں پاواں نور  
سوہنے دی نعت جد کہواں پاواں نور  
دل اکھیاں نوں ملے گی سر شاری فیر  
طیبہ نگری میں جا بہواں پاواں نور

.....☆.....☆.....

مفعولن مفعول مفاعیل فعل  
سوہنے دے در توں ای ملے نور ضیا  
آقا دے قد میں، چ ہے پیار شفا  
نجی تے دن رات دعا ایہو کرے  
کلمہ میں پڑھدے ای مراں ایہو دعا

.....☆.....☆.....

مفعولن مفعول مفاعیل فاعول  
اعلیٰ اے کردار نبیٰ پاک رسول  
نبیاں دے سالار نبیٰ پاک رسول  
سوہنے دا ای نور ضیا بار کرے  
کردے نیں ضو بار نبیٰ پاک رسول

.....☆.....☆.....

مفعولن مفعولن مفاعیلین فاع  
 اُمت دے سلطان مدینے والے  
 سوہنے تے ذیشان مدینے والے  
 اوسے در توں خیر ملے گی سانوں  
 رحمت دی نہیں کان مدینے والے  
 .....☆.....☆.....

مفعولن مفعولن مفاعیلین فاع  
 پیارے پیارے پاک نبیؐ رکھدے مان  
 اوہناں اُتوں وار دیاں ' میں ایہ جان  
 عظمت نالے شان نبیؐ ' رکھاں یاد  
 بخشش دا لاریب فقط ایہ سامان  
 .....☆.....☆.....

مفعولن مفعولن مفعولن فعل  
 وٹدا ہر اک تھاں رحمت نور نبیؐ  
 ساہواں تائیں دے لذت نور نبیؐ  
 مردہ دل دے لئی ایہ دے آب بقا  
 جنت کیہ ! نجمی جنت نور نبیؐ  
 .....☆.....☆.....

مفعولن مفعولن مفعولن مفعولن  
ہر ویلے ای میں لکھاں نعت درود  
محفل سجدی جد آکھاں نعت درود  
دنیا اندر سوہنے دے وصف گلاب  
سنکیاں تائیں میں گھلاں نعت درود

.....☆.....☆.....

مفعولن مفعولن مفعولن مفعولن  
اُمت دے لئی بخشش منکن والے  
رحمت و نڈوے عہمت و نڈن والے  
فلکاں، شجراں، حجراں، عرشاں اُتے  
ہر اک شے نوں سانویں ویکھن والے

.....☆.....☆.....

مفعولن مفعولن مفعولن مفعولن  
دلبر جانے دلبر دے سبھ انداز  
کہڑا جانے آقا دی جو پرواز  
سدرہ اُتے ویکھن پئے جبرائیل  
سدرہ ہوں اگے، ہن آقا دا آغاز

.....☆.....☆.....



محمد اقبال نجمی اک اچھے بھاگاں والے جی نہیں جہاں دے دل وچ ربی پیار دی  
 مہک تے سچی سرکار سوہنے نبی ﷺ ہوراں دی نو یکلے محبت تے تڑپ رچی وی اے  
 جہدا نگھا اظہار اوہناں دے حمدیہ تے نعتیہ قصیدیاں وچ اپنے پورے جمال نال موجود  
 اے۔ ہُن اوہناں دی فنی کلاتے من دی کھچ نے رباعیاں ول مہار موڑی اے۔

رباعی دے ہیئت تے عروضی نظام پکھوں بہتے لکھیار قطعیاں تے چوپائیاں نوں  
 ای رباعی سمجھ کے اپنی شاعری نوں کسرونا کر لیدے نیں۔ انج وی پنجابی زبان وچ  
 رباعی لکھن والے پوراں تے گئے جاسکدے نیں اوہناں وچ وی چند اک توں دکھ  
 اپروکت دے مغالطیاں دی گھسن گھیری دا شکار ہو کے چوپائی تے رباعی دی وتھ نوں  
 منوں و سار بہندے نیں۔

نخسی دی گل اے جے محمد اقبال نجمی ہوراں رباعی دے مروجہ وزناں وچ  
 رباعیاں لکھ کے فنی پختگی توں دکھ دین نال اپنی ذات تے فن دے سمجھ نوں جوڑی  
 رکھیا اے۔ اوہناں حمدیہ تے نعتیہ رباعیاں داناں ای ”پھل سوہنے جہاں نعتاں  
 دے“ رکھ کے اپنی ارادت تے محبت دی واشنا کھلاری اے۔ اک سچے مسلمان ہون  
 دے ناطے کلمہ طیبہ دے دو جزاں توحید تے رسالت یعنی لا الہ الا اللہ محمد رسول اللہ  
 دے عبدان نوں مکھ رکھدیاں ہویاں چھ سوانی (۶۱۹) حمدیہ تے نعتیہ رباعیاں لکھ  
 کے پھیری روایت دھمکھ بھیا اے۔

حمدیہ رباعیاں وچ اللہ سوہنے دی وحدانیت، جلالت تے شان کھل کے بیان  
 قرآنی آیات نوں وی محرک بنایا اے تے اپنے اندر دیاں سنگان، ہوراناں کے  
 اتھرو آں دی ترجمانی نہایت عجز تے انکسار نال کیتی اے۔ نعتیہ رباعیاں وچ رسول  
 منٹھار ﷺ نال عشق، محبت تے اطاعت دے نال نال اوہناں دی ذات کھل کے بیان  
 شفاعت دا وسیلا متھدیاں ہویاں اُمت محمدی ﷺ نوں درویشاں دے دل  
 ترلے ترسیویاں نوں بیانیا اے، اوہناں دیاں نعتیہ رباعیاں دے ہر شعر و ہر  
 حضوری دی تڑپ، مدینے دی کھچ، روضہ رسولی دی زیارت، ہر لمحہ ہر لمحہ  
 مطہرہ، آپ ﷺ دا روشن اسوہ، جود و سخا تے محرابِ نبوت دے نورانی  
 تے عقیدت دے ایہناں تکراری موضوعات وچ درویشاں دے دل وچ ہر لمحہ ہر لمحہ  
 جدوں ساہوالی دی تسبیح درود نے سلامِ برکتی لکھ دیاں تھیں، ہر لمحہ ہر لمحہ  
 محبت وچ وی اہل سنت چوکی ہون تے اللہ تعالیٰ دے فضل و کرم دے ہر لمحہ ہر لمحہ  
 درویشاں دے دل وچ ہر لمحہ ہر لمحہ ہر لمحہ ہر لمحہ ہر لمحہ ہر لمحہ ہر لمحہ  
 درویشاں دے دل وچ ہر لمحہ ہر لمحہ ہر لمحہ ہر لمحہ ہر لمحہ ہر لمحہ ہر لمحہ